

**FRAMSELD REGLUGERÐ FRAMKVÆMDASTJÓRNARINNAR  
(ESB) 2020/687**

2021/EES/23/15

frá 17. desember 2019

**um viðbót við reglugerð Evrópuþingsins og ráðsins (ESB) 2016/429 að því er varðar reglur um forvarnir  
og varnir gegn tilteknum skráðum sjúkdómum (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) 2016/429 frá 9. mars 2016 um smitandi dýrasjúkdóma og um breytingu og niðurfellingu á tilteknum gerðum á sviði dýraheilbrigðis (lög um dýraheilbrigði) <sup>(1)</sup>, einkum 47. gr. (1. mgr.), 53. gr. (2. mgr.), 54. gr. (3. mgr.), 55. gr. (2. mgr.), 58. gr. (2. mgr.), 63. gr. (fyrsta málsgrein), 64. gr. (4. mgr.), 67. gr. (fyrsta málsgrein), 68. gr. (3. mgr.), 70. gr. (3. mgr.), 72. gr. (2. mgr.), 73. gr. (3. mgr.), 74. gr. (4. mgr.), 76. gr. (5. mgr.), 77. gr. (2. mgr.) og 272. gr. (2. mgr.),

*og að teknu tilliti til eftirfarandi:*

- 1) Í reglugerð (ESB) 2016/429 er mælt fyrir um reglur um forvarnir og varnir gegn dýrasjúkdómum sem geta borist í dýr eða í menn, þ.m.t. reglur um árvekni gagnvart sjúkdómum, viðbúnað við þeim og varnir gegn þeim. Í reglugerð (ESB) 2016/429 er einkum mælt fyrir um sjúkdómsbundnar reglur um forvarnir og varnir gegn sjúkdómum sem um getur í 5. gr. reglugerðarinnar. Í reglugerð (ESB) 2016/429 er einnig kveðið á um að þessar sjúkdómsbundnu reglur gildi um dýrategundir og dýrakyn sem skapa töluverða áhættu á útbreiðslu tiltekinna sjúkdóma og sem eru skráð sem slík í framkvæmdarreglugerð framkvæmdastjórnarinnar (ESB) 2018/1882 <sup>(2)</sup>.
- 2) Nauðsynlegt er að mæla fyrir um reglur til að bæta við reglurnar um sjúkdómsvarnaráðstafanir sem settar eru fram í II. bálki III. hluta reglugerðar (ESB) 2016/429 vegna tiltekinna skráðra sjúkdóma. Þessar viðbótarreglur og reglurnar sem settar eru fram í reglugerð (ESB) 2016/429 eru nátengdar og þeim ætti að beita samhliða. Fyrir sakir einföldunar og gagnsæis og til að greiða fyrir beitingu þeirra ætti að mæla fyrir um viðbótarreglurnar í einni gerð frekar en í mörgum aðskildum gerðum með mörgum millivísunum og hættu á tvítekningum.
- 3) Ákvæði 53. gr., 54. gr. (3. mgr.), 55. gr. (2. mgr.), 58. gr. (2. mgr.), 63. gr., 64. gr., 67. gr., 68. gr. og 70. gr. í 1. kafla II. bóls reglugerðar (ESB) 2016/429 tengjast ýmsum tæknilegum þáttum ráðstafana sem á að grípa til ef um er að ræða grun um og staðfestingu á sjúkdómum sem um getur í a-lið 1. mgr. 9. gr. þeirrar reglugerðar. Á svipaðan hátt tengjast 72. gr. (2. mgr.), 73. gr. (3. mgr.), 74. gr. (4. mgr.), 76. gr. (5. mgr.) og 77. gr. í 2. kafla II. bóls reglugerðar (ESB) 2016/429 tæknilegum þáttum ráðstafana sem á að grípa til ef um er að ræða grun um og staðfestingu á sjúkdómum sem um getur í b- og c-lið 1. mgr. 9. gr. þeirrar reglugerðar.
- 4) Reglurnar sem mæla á fyrir um samkvæmt greinum í II. bálki tengjast innbyrðis þar eð þær gilda um sjúkdómsvarnaráðstafanir vegna mismunandi flokka skráðra sjúkdóma í reglugerð (ESB) 2016/429. Sökum skilvirkrar beitingar þessara reglna og til glöggvunar ætti því að mæla fyrir um þær í einni framseldri gerð sem inniheldur röð af víðtækum tæknilegum ráðstöfunum til að verjast skráðum sjúkdómum og stuðlar að almennri einföldun á lagarammanum um dýrasjúkdómavarnir.

(\*) Þessi ESB-gerð birtist í Stjútíð. ESB L 174, 3.6.2020, bls. 64. Hennar var getið í ákvörðun sameiginlegu EES-nefndarinnar nr. 3/2021 frá 5. febrúar 2021 um breytingu á I. viðauka (Heilbrigði dýra og plantna) við EES-samninginn (bíður birtingar).

(1) Stjútíð. ESB L 84, 31.3.2016, bls. 1.

(2) Framkvæmdarreglugerð framkvæmdastjórnarinnar (ESB) 2018/1882 frá 3. desember 2018 um beitingu tiltekinna reglna um forvarnir og varnir gegn sjúkdómum fyrir flokka skráðra sjúkdóma og um að koma á skrá yfir dýrategundir og hópa dýrategunda sem skapa töluverða áhættu á útbreiðslu þessara skráðu sjúkdóma (Stjútíð. ESB L 308, 4.12.2018, bls. 21).

- 5) Mælt var fyrir um fyrri ákvæði um sjúkdómsvarnir í nokkrum tilskipunum og hver um sig innihélt reglur um einn eða fáa dýrasjúkdóma. Einhverjum af þessum reglum var skipt út með reglugerð (ESB) 2016/429 en öðrum þarf að skipta út með þessari framseldu reglugerð til einföldunar og til að fjarlægja hugsanlegt ósamræmi. Þetta mun veita skýrar, samræmdar og ítarlegar reglur til að verjast dýrasjúkdómum í öllu Sambandinu. Þetta mun einnig auðvelda beitingu lögbærra yfirvalda og rekstraraðila á viðeigandi ákvæðum og mun auka gagnsæi reglnanna og tryggja þar með betri viðbrögð við dýrasjúkdómaáhættu.
- 6) Til að útrýma uppkomu sjúkdóms í A-flokki eins fljótt og unnt er og til að tryggja öfluga vernd dýraheilbrigðis og velferðar dýra er nauðsynlegt að kveða á um sjúkdómsvarnaráðstafanir á vettvangi Sambandsins.
- 7) Gildissvið þessarar reglugerðar ætti því að ná yfir sjúkdómsvarnaráðstafanir vegna sjúkdóma í A-flokki í landdýrum og lagardýrum sem og tilteknar sjúkdómsvarnaráðstafanir vegna sjúkdóma í B- og C-flokki. Ef um er að ræða sjúkdóma í B- og C-flokki ætti að beita þessum sjúkdómsvarnaráðstöfunum í tengslum við reglur um eftirlit og útrýmingu sem settar eru fram í framseldri reglugerð framkvæmdastjórnarinnar (ESB) 2020/689 <sup>(3)</sup>.
- 8) Sjúkdómsvarnaráðstafanirnar, sem settar eru fram í þessari framseldu reglugerð, ættu að gilda um dýr og um afurðir sem eru fengnar úr dýrum, þ.m.t. afurðir úr dýraríkinu, kímefni, aukaafurðir úr dýrum og afleiddar afurðir. Þessar aukaafurðir úr dýrum falla undir reglur um heilbrigði dýra og manna sem settar eru fram í reglugerð Evrópuþingsins og ráðsins (EB) nr. 1069/2009 <sup>(4)</sup>. Reglur um örugga söfnun, förgun og vinnslu aukaafurða úr dýrum og afleiddra afurða, sem mælt er fyrir um í þeirri reglugerð, gilda ef um er að ræða að sjúkdómur í A-flokki kemur upp. Sú reglugerð inniheldur þó ekki ráðstafanir um sjúkdómavarnir og takmarkanir sem ætlaðar eru til beitingar í slíkum tilvikum. Þess vegna ætti að kveða á um þessar reglur í þessari framseldu reglugerð.
- 9) Í tilskipun Evrópuþingsins og ráðsins 2008/68/EB <sup>(5)</sup> er mælt fyrir um reglur um öruggan flutning á hættulegum farni. Við flutning á sýktum aukaafurðum úr dýrum eða öðru sýktu efni sem líta má á sem hættulegan farm ættu lögbær yfirvöld að fylgja reglunum sem mælt er fyrir um í þeirri tilskipun.
- 10) Rétt þykir að fylgja einni nálgun við ráðstafanir sem á að beita ef um er að ræða sjúkdóm í A-flokki. Þó ætti að taka tillit til faraldsfræði sjúkdóma við að ákveða viðeigandi tímasetningu fyrir lögbært yfirvald til að beita varnaráðstöfunum og til að inna af hendi rannsóknir ef um er að ræða grun um eða staðfestingu á þessum sjúkdómum. Þess vegna ætti að kveða á um vöktunartíma, sem viðmiðunartímaramma fyrir hvern sjúkdóm í A-flokki sem hefur áhrif á landdýr, byggt á meðgöngutíma sóttar og öðrum þáttum sem skipta máli sem geta haft áhrif á útbreiðslu sjúkdóms.
- 11) Samkvæmt 54. gr. reglugerðar (ESB) 2016/429 er gerð sú krafa að lögbært yfirvald inni af hendi rannsóknir á uppkomu sjúkdóms í A-flokki á mismunandi stigum: i. þegar grunur leikur á um sjúkdóm, ii. þegar sjúkdómur er staðfestur og iii. þegar nauðsynlegt er að útiloka útbreiðslu hans til faraldsfræðilega tengdra stöðva og staða sem og til nærliggjandi stöðva og svæða. Þessar rannsóknir taka til klínískrar rannsóknar og sýnatöku vegna prófunar á rannsóknarstofu. Rétt þykir að mæla fyrir um almennar reglur um sýnatöku til að tryggja gildi aðferða við sýnatöku, greiningaraðferða og ráðstafana varðandi smitvarnir.
- 12) Samkvæmt 43. gr. reglugerðar (ESB) 2016/429 er gerð sú krafa að lögbært yfirvald semji og uppfæri viðbragðsáætlanir og, ef nauðsyn krefur, láti í té ítarlegar leiðbeiningar um framkvæmd ráðstafana sem á að grípa til ef um er að ræða sjúkdóm í A-flokki eins og kveðið er á um í III. hluta þeirrar reglugerðar. Ráðstafanirnar sem settar eru fram í þessari framseldu reglugerð bæta við þær sem mælt er fyrir um í III. hluta reglugerðar (ESB) 2016/429 og því er nauðsynlegt að þeim sé komið til framkvæmda í samræmi við viðbragðsáætlanirnar sem kveðið er á um í reglugerð (ESB) 2016/429.

<sup>(3)</sup> Framseld reglugerð framkvæmdastjórnarinnar (ESB) 2020/689 frá 17. desember 2019 um viðbót við reglugerð Evrópuþingsins og ráðsins (ESB) 2016/429 að því er varðar reglur um eftirlit, útrýmingaráætlanir og sjúkdómalausna stöðu með tilliti til tiltekinnna skráðra og nýtilkominna sjúkdóma (Stjútíð. ESB L 174, 3.6.2020, bls. 211).

<sup>(4)</sup> Reglugerð Evrópuþingsins og ráðsins (EB) nr. 1069/2009 frá 21. október 2009 um heilbrigðisreglur að því er varðar aukaafurðir úr dýrum og afleiddar afurðir sem ekki eru ætlaðar til manneldis og um niðurfellingu á reglugerð (EB) nr. 1774/2002 (reglugerð um aukaafurðir úr dýrum) (Stjútíð. ESB L 300, 14.11.2009, bls. 1).

<sup>(5)</sup> Tilskipun Evrópuþingsins og ráðsins 2008/68/EB frá 24. september 2008 um flutning á hættulegum farni á landi og skipgengum vatnaleiðum (Stjútíð. ESB L 260, 30.9.2008, bls. 13).

- 13) Í 53. og 55. gr. reglugerðar (ESB) 2016/429 er mælt fyrir um skyldur rekstraraðila og lögbærra yfirvalda ef grunur vaknar um sjúkdóm í A-flokki. Markmiðið er að koma í veg fyrir að sjúkdómur breiðist út frá dýrum sem hafa orðið fyrir áhrifum og stöðvum, sem þau bera ábyrgð á, í dýr sem hafa ekki orðið fyrir áhrifum eða í menn og jafnvel áður en sjúkdómurinn hefur verið staðfestur. Beita ætti þeim sjúkdómsvörnum og ráðstöfunum varðandi smitvarnir sem kveðið er á um í reglugerð (ESB) 2016/429 á þessu snemmstigi í stöð, sem hefur orðið fyrir áhrifum, að því er varðar tilflutninga á dýrum og vörum til og frá þeirri stöð og umhverfi hennar. Einnig er nauðsynlegt að útlista nánar þessar ráðstafanir til að tryggja skilvirkni þeirra og meðalhóf.
- 14) Samkvæmt 54. gr. reglugerðar (ESB) 2016/429 er gerð sú krafa að lögbært yfirvald framkvæmi opinbera rannsókn ef grunur vaknar um sjúkdóm í A-flokki, annaðhvort til þess að staðfesta eða útiloka að sjúkdómurinn sé til staðar. Til að koma á stöðluðum verklagsreglum varðandi slíkar opinberar rannsóknir í öllum aðildarríkjum er nauðsynlegt að útlista nánar hvaða aðstæður réttlæta framkvæmd rannsókna, rannsóknarverkefni sem opinberir dýralæknar þurfa að lágmarki að inna af hendi og hvernig ætti að inna þessi verkefni af hendi.
- 15) Samkvæmt reglugerð (ESB) 2016/429 er gerð sú krafa að ef grunur er um eða staðfesting á sjúkdómi í A-flokki skuli ekki einungis beita sjúkdómsvarnaráðstöfunum í stöðvum þar sem dýr eru í haldi heldur einnig í matvæla- og fóðurfyrirtækjum, í fyrirtækjum fyrir aukaafurðir úr dýrum eða á öðrum stöðum sem geta skapað áhættu á útbreiðslu sjúkdóma. Nauðsynlegt er að tilgreina nánar hvaða varnaráðstafanir gilda í þessum tilvikum, einkum ef um er að ræða landamæraeftirlitsstöðvar og flutningatæki.
- 16) Samkvæmt reglugerð (ESB) 2016/429 er gerð sú krafa að staðfesting á sjúkdómi í A-flokki sé upphafspunktur fyrir lögbært yfirvald til að innleiða strangari sjúkdómsvarnaráðstafanir en þær sem beitt er þegar grunur kemur upp og til að inna af hendi frekari rannsóknir. Þess vegna er nauðsynlegt að tilgreina nánar hvenær sjúkdómur í A-flokki ætti að teljast staðfestur. Þessa staðfestingu ætti að inna af hendi í samræmi við gerðir Sambandsins sem eru samþykktar samkvæmt reglugerð (ESB) 2016/429 varðandi eftirlit með sjúkdómum, útrýmingaráætlanir og sjúkdómalaus stöðu.
- 17) Í reglugerð (ESB) 2016/429 er mælt fyrir um grunnreglur um sjúkdómsvarnaráðstafanir sem skal beitt í stöðvum sem hafa orðið fyrir áhrifum ef um er að ræða uppkomu sjúkdóms í A-flokki. Um leið veitir þetta lögbærum yfirvöldum tiltekinn sveigjanleika til að ákveða hver af þessum ráðstöfunum ætti að gilda. Til að gera lögbærum yfirvöldum kleift að gera þær varnaráðstafanir sem eru hóflegastar og skilvirkastar og tryggja samræmda framkvæmd ráðstafana sem aðildarríkin grípa til er rétt að koma á nákvæmum ákvarðanatökuvíðmiðunum sem byggjast á faraldsfræðilegum aðstæðum, tegund og staðsetningu stöðva, dýrategundum og flokkum dýra og efnahagslegum eða félagslegum aðstæðum á svæðinu sem verður fyrir áhrifum af sjúkdómnum.
- 18) Lögbært yfirvald ætti að hafa möguleika á, í rökstuddum tilvikum og samkvæmt viðbótarábyrgðum ef nauðsyn krefur, að veita undanþágur frá tilteknum sjúkdómsvarnaráðstöfunum, einkum frá þeirri kröfu að aflífa dýrin í stöðinni sem hefur orðið fyrir áhrifum, að teknu tilliti til faraldsfræðilegra þátta og eftir að hafa framkvæmt nákvæmt áhættumat. Hægt væri að veita slíkar undanþágur fyrir lokaðar stöðvar, fyrir dýr sem eru í haldi í vísindaskyni eða í tilgangi sem tengist varðveislu verndaðra dýra eða tegunda í hættu og fyrir opinberlega skráðar sjaldgæfar tegundir eða fyrir dýr sem rök hafa verið færð fyrir að séu með mikið erfðafræðilegt, menningarlegt eða fræðandi gildi. Í slíkum tilvikum gæti beiting almennra ráðstafana haft óæskilegar og óhóflegar afleiðingar.
- 19) Í því skyni að laga sjúkdómsvarnaráðstafanir að viðkomandi ástandi í hverju tilviki fyrir sig ætti lögbært yfirvald að hafa þann möguleika að beita sjúkdómsvarnaráðstöfunum sem ekki er sérstaklega kveðið á um í reglugerð (ESB) 2016/429 eða í þessari framseldu reglugerð, að teknu tilliti til faraldsfræðilegra þátta og eftir að hafa framkvæmt áhættumat.
- 20) Hreinsun og sótthreinsun í stöð sem hefur orðið fyrir áhrifum er ein af grunnráðstöfunum til sjúkdómavarna sem kveðið er á um í reglugerð (ESB) 2016/429 til að lágmarka áhættu á að staðfestur sjúkdómur í A-flokki breiðist út. Bráðabirgðahreinsun og sótthreinsun eru árangursríkustu ráðstafanirnar til að draga úr hleðslu sjúkdómsvalds í stöð sem hefur orðið fyrir áhrifum þegar búið er að fjarlægja dýr sem hafa orðið fyrir áhrifum. Þess vegna ætti lögbæru yfirvaldi að vera skylt að hafa eftirlit með því hvernig tafarlaus bráðabirgðahreinsun og sótthreinsun er framkvæmd og, þegar nauðsyn krefur, varnir gegn skordýrum og nagdýrum. Rétt þykir að útlista nánar verklag við hreinsun og sótthreinsun og tilgreina hvenær skal framkvæma slíkt og víðmiðanir fyrir val á sæfivörum sem skal nota.

- 21) Samkvæmt 62. gr. reglugerðar (ESB) 2016/429 er gerð sú krafa að lögbært yfirvald rýmki þær sjúkdómsvarnaráðstafanir sem beitt er í stöðvum sem hafa orðið fyrir áhrifum svo að þær nái yfir aðrar stöðvar, faraldsfræðilegar einingar í þeim eða matvæla- og fóðurfyrirtæki eða fyrirtæki fyrir aukaafurðir úr dýrum eða aðra staði sem skipta máli, þ.m.t. flutningatæki, ef faraldsfræðilegar vísbendingar gefa rökstuddan grun um að sjúkdómur í A-flokki hafi borist til þeirra eða frá þeim eða með þeim. Nauðsynlegt er að tilgreina nánar rekjanleikarannsóknina, sem lögbært yfirvald verður að inna af hendi innan faraldsfræðilegu rannsóknarinnar sem kveðið er á um í reglugerð (ESB) 2016/429, til að greina þessar faraldsfræðilegu tengingar á tilhlýðilegan hátt.
- 22) Einnig þykir rétt að útlista nánar þær varnaráðstafanir sem skal beita í tilgreindum, tengdum stöðvum og stöðum. Til að ráðstafanirnar séu skilvirkar ættu þær að vera sveigjanlegar og hóflegar án þess að leggja ónauðsynlegar byrðar á rekstraraðila eða lögbær yfirvöld. Af þessum sökum ætti lögbærum yfirvöldum að vera heimilt að víkja frá almennum ákvæðum í undantekningartilvikum eftir að hafa framkvæmt áhættumat.
- 23) Samkvæmt 64. gr. reglugerðar (ESB) 2016/429 er gerð sú krafa að lögbær yfirvöld fastsetji takmörkunarsvæði umhverfis stöð sem hefur orðið fyrir áhrifum þegar uppkoma sjúkdóms í A-flokki hefur verið staðfest í því skyni að koma í veg fyrir frekari útbreiðslu sjúkdómsins. Takmörkunarsvæðið má innihalda verndarsvæði og eftirlitssvæði. Rétt þykir að setja viðbótarreglur um það hvernig á að fastsetja takmörkunarsvæði og, ef nauðsyn krefur, að breyta því, þ.m.t. nánari upplýsingar um verndarsvæði, eftirlitssvæði og þann möguleika að koma á fót frekari takmörkunarsvæðum, allt eftir faraldsfræði sjúkdómsins. Einnig þykir rétt að kveða á um sérstakar undanþágur fyrir þau tilvik þar sem það að fastsetja takmörkunarsvæði myndi ekki leggja neitt af mörkum við að verjast útbreiðslu sjúkdóms eða myndi leggja óréttmætar byrðar á rekstraraðila og lögbær yfirvöld.
- 24) Í 65. gr. reglugerðar (ESB) 2016/429 eru taldar upp þær ráðstafanir sem lögbæru yfirvaldi er heimilt að gera á takmörkunarsvæði til að koma í veg fyrir útbreiðslu sjúkdómsins. Til þess að gera lögbærum yfirvöldum kleift að gera þær varnaráðstafanir sem eru hóflegastar og skilvirkastar og tryggja samræmda framkvæmd ráðstafana í öllum aðildarríkjum er rétt að koma á nákvæmum ákvarðanatökuvíðmiðunum sem byggjast á faraldsfræðilegum aðstæðum, tegund og staðsetningu framleiðslustöðva, dýrategundum og flokkum dýra og efnahagslegum eða félagslegum aðstæðum á svæðinu sem verður fyrir áhrifum af sjúkdómnum.
- 25) Nauðsynlegt er að tilgreina nánar bönn við tilflutningi á dýrum og vörum innan verndar- og eftirlitssvæða, frá þeim eða gegnum þau og bönn við annarri starfsemi sem getur skapað áhættu á útbreiðslu sjúkdóms í A-flokki. Þessi bönn ættu að vera í réttu hlutfalli við áhættuna á því að sjúkdómurinn breiðist út sem tengist hverri starfsemi og vöru. Af þessum sökum þarf að taka tillit til faraldsfræðilegs sjúkdómssniðs þegar þeim er komið á. Þetta er sérlega mikilvægt að því er varðar bönn sem varða afurðir vegna þess að það ætti að undanskilja tiltekna afurðir, einkum þær sem teljast vera öruggar vörur í tengslum við áhættu á útbreiðslu tiltekinna sjúkdóma.
- 26) Bönn við starfsemi á takmörkunarsvæði ættu að vera takmörkuð að því marki sem unnt er. Af þessum sökum ætti lögbært yfirvald að hafa þann möguleika að veita undanþágur frá banni þegar gerðar eru tiltekna ráðstafanir til að draga úr áhættu og tiltekin skilyrði sem varða málsmeðferð eru uppfyllt. Einkum má veita slíkar undanþágur þegar lögbært yfirvald getur haft eftirlit með því að ráðstafanir varðandi smitvarnir hafi verið hertar og þegar almenn og sértæk skilyrði sem tengjast viðkomandi dýrum, afurðum sem eru fengnar úr þessum dýrum eða öðrum efnum og efniviðum, sem geta verið menguð, eru uppfyllt.
- 27) Tilflutningur á hóf- og klaufdýrum ætti að takmarkast við flutning á sláturhús. Tilflutningur á alifuglum ætti að takmarkast við flutning á sláturhús og við yngri dýr, s.s. dagsgamla unga og alifugla sem komnir eru að varpi. Heimila ætti tilflutninga á afurðum úr dýraríkinu ef afurðirnar voru framleiddar fyrir áhættusama tímabilið sem er ákvarðað fyrir sjúkdómnum. Heimila ætti tilflutninga á afurðum úr dýraríkinu og aukaafurðum, sem eru framleiddar á áhættusama tímabilinu eða eftir það, ef afurðirnar hafa fengið sértæka meðhöndlun sem óvirkjar sjúkdómsvaldinn. Þessar meðhöndlunar ættu að vera í samræmi við fyrirliggjandi löggjöf Sambandsins, alþjóðlega staðla og ný vísindaleg gögn.
- 28) Lögbært yfirvald ætti að geta heimsótt stöðvar og rannsakað dýr. Til að koma í veg fyrir frekari útbreiðslu sjúkdómsins ætti að fastsetja kröfur sem skulu uppfylltar áður en hægt er að aflétta ráðstöfunum sem gilda um verndarsvæðið. Um leið og þessum ráðstöfunum hefur verið aflétt ættu ráðstafanir, sem gilda um eftirlitssvæðið, að koma til framkvæmda á viðbótar tímabili á svæðinu sem féll áður undir verndarsvæðið til að tryggja að náðst hafi tök á sjúkdómnum.

- 29) Ákvæðin varðandi varnarráðstafanir sem gilda innan eftirlitssvæðis ættu að innihalda almennar og sértækar reglur um dýr, afurðir sem eru fengnar úr þessum dýrum eða önnur efni og efniviði sem geta verið menguð. Þau ættu einnig að innihalda undanþágur til að unnt sé að beita varnarráðstöfunum hlutfallslega. Umfang varnarráðstafana ásamt undanþágum vegna hlutfallslegrar beitingar þeirra ættu að endurspeglar minni áhættu sem stafar frá eftirlitssvæðinu að því er varðar útbreiðslu sjúkdóms en ætti að tryggja að varnarráðstafanir séu fullnægjandi til að komast hjá allri áhættu á frekari útbreiðslu sjúkdómsins.
- 30) Lögbært yfirvald ætti að: i. heimila endurnýjun dýrastofna í stöðvum sem hafa orðið fyrir áhrifum; ii. tryggja að lokahreinsun og sóttahreinsun stöðvarinnar fari fram og, ef við á; iii. inna af hendi athugun á smitferjum til að tryggja að sjúkdómar komi ekki upp aftur. Lögbært yfirvald ætti að hafa þann sveigjanleika sem þarf til að taka ákvörðun um hvaða ráðstafanir til endurnýjunar stofna eigi best við, að teknu tilliti til faraldsfræðilegra aðstæðna og sérstakra áhættumildandi skilyrða.
- 31) Villt dýr af skráðum tegundum geta einnig orðið fyrir áhrifum af sjúkdómum í A-flokki. Varnarráðstafanir vegna þessara villtu dýra eru mikilvægar til að koma í veg fyrir útbreiðslu sjúkdóma og til að tryggja að þeim verði útrýmt. Að því er varðar sjúkdóma sem koma upp í dýrum í haldi ætti lögbært yfirvald að líta á varnarráðstafanir vegna sjúkdóma í villtum dýrum sem hluta af viðbragðsáætlunum sem kveðið er á um í reglugerð (ESB) 2016/429. Varnarráðstafanir ættu að gilda um sjúkdómstilvik sem grunur leikur á um og staðfest tilvik sjúkdóms sem hefur áhrif á villt dýr á sýktu svæði. Ráðstöfunum til að takmarka tilflutning á dýrum í haldi, sem eru skráðar tegundir frá sýkta svæðinu, ætti að beita með sveigjanleika í huga, byggt á faraldsfræðilegum aðstæðum. Þetta er til að tryggja traustar varnarráðstafanir en forðast um leið ónauðsynlegar byrðar fyrir rekstraraðila og lögbær yfirvöld.
- 32) Söfnun og örugg förgun á dauðum skrokkum af villtum dýrum stuðlar að því að koma í veg fyrir að sjúkdómar í A-flokki breiðist út. Rétt þykir að bæta reglum við reglugerð (ESB) 2016/429 til að tryggja örugga söfnun og förgun á aukaafurðum úr villtum land- og lagardýrum sem verða fyrir áhrifum af sjúkdómum í A-flokki eða falla undir takmörkunarráðstafanir sem komið var á til að bregðast við þessum sjúkdómum í samræmi við reglugerð (EB) nr. 1069/2009.
- 33) Samkvæmt 43. gr. reglugerðar (ESB) 2016/429 er gerð sú krafa að lögbært yfirvald komi á fót starfandi sérfræðingahóp sem hluta af viðbragðsáætlunum. Þessum áætlunum er ætlað að tryggja mikla árvekni og viðbúnað vegna sjúkdóma og að tryggja skjót viðbrögð ef um er að ræða uppkomu sjúkdóms í A-flokki. Helsta verkefni starfandi sérfræðingahópsins, ef um er að ræða uppkomu sjúkdóma í landdýrum, er að styðja lögbært yfirvald við að meta viðeigandi ráðstafanir til að verjast eða útrýma sjúkdómnum. Starfandi sérfræðingahópur fyrir sjúkdóma í villtum landdýrum ætti að vera þverfaglegur og innihalda fulltrúa frá viðeigandi deildum ríkisins, s.s. yfirvöld umhverfismála og skóga, sem og hlutaðeigandi hagsmunaaðila, staðaryfirvöld, lögreglu eða aðrar stofnanir eða fyrirtæki sem geta ráðlagt lögbæru yfirvaldi um mögulegar aðgerðir og framkvæmd þeirra til að verjast eða útrýma sjúkdómi í A-flokki.
- 34) Í tilskipun ráðsins 2006/88/EB<sup>(6)</sup> eru ákvæði um heilbrigðiskröfur að því er varðar lagareldisdýr og afurðir og um forvarnir og varnir gegn tilteknum sjúkdómum í lagardýrum. Ákvæðin í þessari framseldu reglugerð ættu að byggjast á ákvæðum úr fyrri lögjöf Sambandsins sem hafa gefið góða raun og hafa verið endurskoðuð og aðlöguð, að því marki sem unnt er, að þekkingu og fenginni fyrri reynslu og uppfærð í samræmi við nýjar sannanir og alþjóðlega staðla.
- 35) Í 61. gr. reglugerðar (ESB) 2016/429 er kveðið á um beitingu sjúkdómsvarnarráðstafana í stöðvum og á öðrum stöðum þegar sjúkdómar í A-flokki hafa verið staðfestir. Ein þessara ráðstafana er að aflífa dýr sem gætu verið smituð eða gætu stuðlað að útbreiðslu sjúkdómsins. Í þessari framseldu reglugerð ætti að skýra nánar möguleikann á að beita slíkri fyrirbyggjandi aflífum sem varnarráðstöfun sem miðar að því að draga úr smitunarþrýstingi sjúkdóms í A-flokki og stuðla að því að ná stjórn á honum.
- 36) Í 62. gr. reglugerðar (ESB) 2016/429 eru viðmiðanir fyrir því að rýmka sjúkdómsvarnarráðstafanir sem beitt er í stöð sem hefur orðið fyrir áhrifum svo þær nái til faraldsfræðilega tengdra stöðva og staða. Greining á straumfræðilegum og staðfræðilegum skilyrðum, þ.m.t. gögn frá vatnasviðum, hindrunum í vatnsföllum eða vatnsflæðiskilyrðum, gerir það kleift að spá fyrir um hugsanlega hlutlausu dreifingu sjúkdóms í A-flokki til annarra stöðva eða staða og þessi spá getur stuðlað að því að lágmarka áhrif sjúkdóms í A-flokki. Niðurstöður úr slíkri greiningu gera það kleift að innleiða sjúkdómsvarnarráðstafanir á upplýstari grundvelli en með þeim ætti að komast hjá eða takmarka útbreiðslu sjúkdóms í A-flokki frá áhættusömu svæði yfir á svæði sem er laust við sjúkdóm.

<sup>(6)</sup> Tilskipun ráðsins 2006/88/EB frá 24. október 2006 um heilbrigðiskröfur að því er varðar lagareldisdýr og afurðir þeirra og um forvarnir og varnir gegn tilteknum sjúkdómum í lagardýrum (Stjtið. ESB L 328, 24.11.2006, bls. 14).

- 37) Lögbært yfirvald ætti að geta veitt undanþágur frá takmörkunum sem gilda þegar sjúkdómur í A-flokki hefur verið staðfestur til að unnt sé að nota lagareldisdýr til manneldis, að því tilskildu að þau sýni engin klínísk einkenni um sjúkdóminn og séu unnin á þann hátt að það dragi úr áhættu á að sjúkdómurinn breiðist út með smitdúðum efniviðum. Undanþágan ætti að miða að því að draga úr efnahagslegu tapi en lágmarka um leið áhættuna á að sjúkdómurinn breiðist út.
- 38) Í 37. gr. reglugerðar (ESB) 2016/429 er kveðið á um viðurkenningu á sjúkdómalausri stöðu hólfa m.t.t. skráðra sjúkdóma. Hólf taka til mismunandi stöðva með sameiginleg og skilvirk smitvarnarkerfi sem gera þessum stöðvum kleift að vera með mismunandi heilbrigðisástand dýra. Ef grunur leikur á um sjúkdóm í A-flokki eða hann er staðfestur í lagareldisstöð innan hólfis ætti því að rýmka sjúkdómsvarnaráðstafanirnar svo að þær nái yfir aðrar stöðvar innan hólfisins sem leiðir til skilvirkari varna gegn sjúkdómnum.
- 39) Rekstrarhvíld fyrir lagardýr er sjúkdómsvarnaráðstöfun sem þegar er fyrir hendi í fyrri löggjöf Sambandsins um að koma í veg fyrir og verjast sjúkdómum í lagareldisdýrum og henni ætti að beita áfram. Meginmarkiðið með rekstrarhvíld er að koma í veg fyrir eða lágmarka áhættu á endursmiti stöðva af völdum sjúkdóms í A-flokki eftir að hreinsun og sótthreinsun er lokið og áður en nýr lagardýrastofn er tekinn inn. Samstillt rekstrarhvíld á svæðum með margar sýktar stöðvar styrkir sjúkdómsvarnaráðstafanirnar og stuðlar að betri árangri. Fastsetja ætti mismunandi rekstrarhvíldartímabil fyrir mismunandi sjúkdóma í A-flokki til að ná rekstrarhvíldartímanum niður í lágmark en tryggja um leið skilvirkni þessarar sjúkdómavarnaráðstöfunar.
- 40) Ef lagareldisstöð hefur orðið fyrir áhrifum af sjúkdómi í A-flokki sem skapar ekki áhættu fyrir heilbrigði manna ætti að heimila að afurðir frá þeirri stöð séu settar á markað eftir að gerðar hafa verið ráðstafanir til að draga úr áhættu. Að því er varðar fisk ættu þessar ráðstafanir að fela í sér slátrun og að innvflin séu fjarlægð. Krabbadýr ætti að vinna þannig að afurðirnar verði ólífvænlegar fyrir sendingu. Nota ætti afurðirnar til beinnar neyslu eða setja þær í frekari vinnslu í stöð sem er samþykkt skv. 179. gr. reglugerðar (ESB) 2016/429. Þessar ráðstafanir eru skilvirkar til að verjast sjúkdómnum og koma í veg fyrir frekari útbreiðslu hans en um leið er unnt að nota þessar afurðir til manneldis frekar en að þær fari forgörðum að óþörfu.
- 41) Í 64. gr. reglugerðar (ESB) 2016/429 er kveðið á um að þegar sjúkdómur í A-flokki kemur upp í lagardýrum skuli fastsetja takmörkunarsvæði sem árangursríka ráðstöfun til að verjast sjúkdómnum. Takmörkunarsvæði mega innihalda verndarsvæði kringum stöðvar sem eru í aukinni áhættu á að sjúkdómur í A-flokki hafi áhrif á þær. Til að tryggja skilvirkar sjúkdómsvarnir og til að koma í veg fyrir frekari útbreiðslu sjúkdómsins ætti að banna aðflutning lagareldisdýra til eldis inn í stöðvar sem eru staðsettar á verndarsvæðinu. Til að komast hjá endursmiti ætti að viðhalda verndarsvæðinu þangað til sýkta lagareldisstöðin hefur verið tæmd af dýrum, hreinsuð og sótthreinsuð og rekstrarhvíldartímabilinu er lokið.
- 42) Einungis ætti að aflétta varnaráðstöfunum á verndarsvæði, sem er fastsett vegna sjúkdóms í lagardýrum, ef röð skilyrða er uppfyllt. Þessi skilyrði ættu að innihalda niðurskurð, hreinsun, sótthreinsun og rekstrarhvíld stöðva sem hafa orðið fyrir áhrifum. Enn fremur verða niðurstöður úr reglulegum heimsóknum í allar stöðvar sem eru staðsettar á verndarsvæði að vera fullnægjandi. Þegar öll þessi skilyrði eru uppfyllt ætti verndarsvæðið að verða að eftirlitssvæði. Þessu eftirlitssvæði ætti að viðhalda þangað til eftirlitstímabili vegna viðkomandi sjúkdóms í A-flokki er lokið og það er ekkert sem gefur ástæðu til að ætla að sjúkdómur sé til staðar.
- 43) Samkvæmt 43. gr. reglugerðar (ESB) 2016/429 er gerð sú krafa að lögbært yfirvald komi á fót starfandi sérfræðingahóp sem hluta af viðbragðsáætlunum sem er ætlað að tryggja mikla árvekni og viðbúnað vegna sjúkdóma og að tryggja skjót viðbrögð ef um er að ræða uppkomu sjúkdóms í A-flokki. Helsta verkefni starfandi sérfræðingahópsins, ef um er að ræða uppkomu sjúkdóma í lagardýrum, er að styðja lögbært yfirvald við að meta viðeigandi ráðstafanir til að verjast eða útrýma sjúkdómnum. Starfandi sérfræðingahópur fyrir sjúkdóma í villtum lagardýrum ætti að vera þverfaglegur og innihalda fulltrúa frá deildum ríkisins, s.s. yfirvöld umhverfismála og fiskveiða, sem og hlutaðeigandi hagsmunaaðila, staðaryfirvöld, lögreglu eða aðrar stofnanir eða fyrirtæki sem geta ráðlagt lögbæru yfirvaldi um mögulegar aðgerðir til að verjast eða útrýma sjúkdómi í A-flokki.
- 44) Í 6. gr. reglugerðar (EB) nr. 1069/2009 er kveðið á um að almennum takmörkunum sem varða heilbrigði skuli komið á ef um er að ræða alvarlegan smitsjúkdóm. Ef sjúkdómur í A-flokki er til staðar í lagareldisdýrum er lögbæru yfirvaldi heimilt að setja strangari reglur um aukaafurðir úr dýrum sem eru upprunnar í tilteknum stöðvum. Þessum reglum er ætlað að taka á aðstæðum þar sem takmarkanir er varða lýðheilsu taka e.t.v. ekki á áhættu fyrir heilbrigði dýra. Einkum er nauðsynlegt að aukaafurðir úr dýrum frá slíkum stöðvum séu unnar eða þeim fargað sem efni í 2. flokki í samræmi við 13. gr. reglugerðar (EB) nr. 1069/2009.

- 45) Ákvæði 270. gr. reglugerðar (ESB) 2016/429 felldu úr gildi tilskipanir ráðsins 92/66/EBE (7), 2001/89/EB (8), 2002/60/EB (9), 2003/85/EB (10) og 2005/94/EB (11) sem innihéldu reglur um varnir gegn dýrasjúkdómum. Í 272. gr. reglugerðar (ESB) 2016/429 er kveðið á um að niðurfelldu tilskipanirnar gildi áfram í þrjú ár frá því að sú reglugerð kemur til framkvæmda eða til fyrri dagsetningar sem framkvæmdastjórnin ákvarðar í framseldri gerð. Til að tryggja samræmda og einfaldaða nálgun þvert á tegundir og sjúkdóma ætti þessi reglugerð að gilda frá þeim degi sem reglugerð (ESB) 2016/429 kemur til framkvæmda og niðurfelldu tilskipanirnar ættu að falla úr gildi frá og með sömu dagsetningu.

#### SAMÞYKKT REGLUGERÐ ÞESSA:

### I. HLUTI

#### ALMENN ÁKVÆÐI

##### 1. gr.

#### Efni og gildissvið

Þessi reglugerð bætir við reglur um árvekni gagnvart sjúkdómum, viðbúnað við þeim og varnir gegn þeim sem á að beita að því er varðar skráðu sjúkdómum sem um getur í a-, b- og c-lið 1. mgr. 9. gr. reglugerðar (ESB) 2016/429.

Þessar reglur ná yfir eftirfarandi:

- a) Ákvæði II. hluta ná yfir landdýr í haldi og villt landdýr og einkum:
- i. Í I. kafla er mælt fyrir um viðbótarreglur um sjúkdómsvarnaráðstafanir ef um er að ræða grun um og opinbera staðfestingu á sjúkdómi í A-flokki í dýrum í haldi eins og um getur í 53., 54., 55., 58. og 63. gr. reglugerðar (ESB) 2016/429.
  - ii. Í II. kafla er mælt fyrir um viðbótarreglur að því er varðar að fastsetja takmörkunarsvæði ef um er að ræða opinbera staðfestingu á sjúkdómi í A-flokki í dýrum í haldi eins og um getur í 64. og 67. gr. reglugerðar (ESB) 2016/429.
  - iii. Í III. kafla er mælt fyrir um viðbótarreglur að því er varðar stofnendurnýjun á takmörkunarsvæði með dýrum í haldi ef um er að ræða opinbera staðfestingu á sjúkdómi í A-flokki eins og um getur í 63. og 68. gr. reglugerðar (ESB) 2016/429.
  - iv. Í IV. kafla er mælt fyrir um viðbótarreglur að því er varðar sjúkdómsvarnaráðstafanir ef um er að ræða grun um og opinbera staðfestingu á sjúkdómi í A-flokki í villtum dýrum eins og um getur í 70. gr. reglugerðar (ESB) 2016/429.
  - v. Í V. kafla er mælt fyrir um viðbótarreglur um sjúkdómsvarnaráðstafanir ef um er að ræða grun um og opinbera staðfestingu á sjúkdómi í B- og C-flokki í landdýrum eins og um getur í 74. og 77. gr. reglugerðar (ESB) 2016/429.
- b) Ákvæði III. hluta ná yfir lagardýr í haldi og villt lagardýr og einkum:
- i. Í I. kafla er mælt fyrir um viðbótarreglur um sjúkdómsvarnaráðstafanir ef um er að ræða grun um og opinbera staðfestingu á sjúkdómi í A-flokki í lagardýrum eins og um getur í 53., 54., 55., 58. og 63. gr. reglugerðar (ESB) 2016/429.

(7) Tilskipun ráðsins 92/66/EBE frá 14. júlí 1992 um ráðstafanir Bandalagsins vegna eftirlits með Newcastle-veiki (Stjtið. EB L 260, 5.9.1992, bls. 1).

(8) Tilskipun ráðsins 2001/89/EB frá 23. október 2001 um ráðstafanir Bandalagsins til að hafa eftirlit með svínapest (Stjtið. EB L 316, 1.12.2001, bls. 5).

(9) Tilskipun ráðsins 2002/60/EB frá 27. júní 2002 um sérákvæði um eftirlit með Afríkusvínapest og um breytingu á tilskipun 92/119/EBE að því er varðar lömunarveiki í svínum og Afríkusvínapest (Stjtið. EB L 192, 20.7.2002, bls. 27).

(10) Tilskipun ráðsins 2003/85/EB frá 29. september 2003 um ráðstafanir Bandalagsins vegna eftirlits með gin- og klaufaveiki, um niðurfellingu á tilskipun 85/511/EBE og ákvörðunum 89/531/EBE og 91/665/EBE og um breytingu á tilskipun 92/46/EBE (Stjtið. ESB L 306, 22.11.2003, bls. 1).

(11) Tilskipun ráðsins 2005/94/EB frá 20. desember 2005 um ráðstafanir Bandalagsins um varnir gegn fuglainflúensu og niðurfellingu tilskipunar 92/40/EBE (Stjtið. ESB L 10, 14.1.2006, bls. 16).

- ii. Í II. kafla er mælt fyrir um viðbótarreglur að því er varðar að fastsetja takmörkunarsvæði ef um er að ræða opinbera staðfestingu á sjúkdómi í A-flokki í lagareldisdýrum eins og um getur í 64. og 67. gr. reglugerðar (ESB) 2016/429.
  - iii. Í III. kafla er mælt fyrir um viðbótarreglur að því er varðar sjúkdómsvarnaráðstafanir ef um er að ræða grun um og opinbera staðfestingu á sjúkdómi í A-flokki í villtum lagardýrum eins og um getur í 70. gr. reglugerðar (ESB) 2016/429.
  - iv. Í IV. kafla er mælt fyrir um viðbótarreglur um sjúkdómsvarnaráðstafanir ef um er að ræða grun um og opinbera staðfestingu á sjúkdómi í B- og C-flokki í lagardýrum eins og um getur í 74. og 77. gr. reglugerðar (ESB) 2016/429.
- c) Ákvæði IV. hluta ná yfir lokaákvæði.

2. gr.

### Skilgreiningar

Að því er varðar þessa reglugerð gilda skilgreiningarnar sem mælt er fyrir um í reglugerð (ESB) 2018/1882 og í I. viðauka við reglugerð Evrópuþingsins og ráðsins (EB) nr. 853/2004 <sup>(12)</sup> nema þegar þessar skilgreiningar ná yfir hugtök sem eru skilgreind í annarri málsgrein þessarar greinar.

Að auki skulu eftirfarandi skilgreiningar einnig gilda:

- 1) „flutningatæki“: ökutæki á vegum eða járnbrautarvagn, skip og loftför,
- 2) „dagsgamlir ungar“: alifuglar sem eru innan við 72 klukkustunda gamlir,
- 3) „sæði“: sáðlát dýrs eða dýra, í óbreyttu ástandi eða meðhöndlað eða þynnt,
- 4) „eggfrumur“: einlitna stig eggmyndunar (e. *ootidogenesis*), þ.m.t. síðeggfrumur og egg,
- 5) „fósturvísir“: upphafsstig í þroska dýrs, meðan það er unnt að flytja hann yfir í fósturmóður,
- 6) „nýtt kjöt“: kjöt, hakkað kjöt og unnar kjötvörur, þ.m.t. í lofttæmdum umbúðum eða pakkað við stýrðar loftaðstæður, sem hafa ekki verið unnin á annan hátt en með því að kæla, frysta eða hraðfrysta,
- 7) „skrokkur hóf- eða klaufdýrs“: heill skrokkur af hóf- eða klaufdýri sem hefur verið slátrað eða aflífað eftir:
  - blóðtæmingu þegar um er að ræða aflífuð dýr,
  - að innnyflin hafa verið fjarlægð úr því,
  - að útlimir hafa verið fjarlægðir við framfótarhné og hækil,
  - að tagl, júgur, haus og húð eða skinn hafa verið fjarlægð, nema um sé að ræða svín,
- 8) „sláturmatur“: nýtt kjöt, annað en af skrokk eins og skilgreint er í 7. lið þó að það sé, frá náttúrunnar hendi, ennþá fast við skrokkin,
- 9) „kjötafurðir“: unnar afurðir, þ.m.t. meðhöndlaðir magar, þvagblöðrur, þarmar, brædd fita, kjötkraftur og blóðafurðir, sem fást með vinnslu kjöts eða með frekari vinnslu slíkra unninna afurða þannig að sjá má, þegar yfirborðið er rist, að afurðin hefur ekki lengur einkenni nýs kjöts,
- 10) „garnir“: þvagblöðrur og garnir sem hafa verið unnin eftir hreinsun með vefsköfun, fitusneyðingu og þvotti og hafa verið þurrkuð eftir söltun,
- 11) „broddur“: vökvi, seyttur úr mjólkurkirtlum kvendýra í haldi allt að fimm dögum eftir got, sem er auðugur af mótéfnavökum og steinefnum og kemur á undan framleiðslu hrámjólkur,
- 12) „afurðir að stofni til úr broddi“: unnar afurðir sem fást með vinnslu brodds eða með frekari vinnslu slíkra unninna afurða,
- 13) „örugg vara“: vara sem hægt er að tilflytja án þess að þörf sé á ráðstöfunum til að draga úr áhættu sem beinast sérstaklega að tilteknum skráðum sjúkdómi, óháð stöðu upprunaaðildarríkis eða upprunasvæðis viðkomandi sjúkdóms,

<sup>(12)</sup> Reglugerð Evrópuþingsins og ráðsins (EB) nr. 853/2004 frá 29. apríl 2004 um sérstakar reglur um hollustuhætti sem varða matvæli úr dýraríkinu (Stjútíð. ESB L 139, 30.4.2004, bls. 55).



- 14) „aðfangakeðja“: samþætt framleiðslukeðja með sameiginlegt heilbrigðisástand að því er varðar skráða sjúkdóma, sem samanstendur af samstarfsneti sérhæfðra stöðva, sem lögbært yfirvald samþykkir að því er varðar 45. gr., þar sem dýr eru tilflutt á milli til að ljúka framleiðsluferlinu,
- 15) „sýkt svæði“: svæði þar sem heimilt er að beita takmörkunum á tilflutningi dýra í haldi og villtra dýra eða afurða og öðrum ráðstöfunum varðandi sjúkdómsvarnir og smitvarnir, með það fyrir augum að koma í veg fyrir útbreiðslu sjúkdóms í A-flokki ef um er að ræða opinbera staðfestingu á sjúkdómnum í villtum dýrum.

3. gr.

**Klínískar rannsóknir, sýnatökuaðferðir og greiningaraðferðir**

1. Ef gerð er krafa um klínískar rannsóknir á dýrum samkvæmt þessari reglugerð til þess að staðfesta eða útiloka að sjúkdómur í A-flokki sé til staðar skal lögbært yfirvald tryggja að:

- a) sýnataka úr dýrum til klínískrar rannsóknar fari fram í samræmi við:
  - i. lið A.1 í I. viðauka að því er varðar landdýr og
  - ii. ákvæði 1. liðar XII. viðauka að því er varðar lagardýr,
- b) klínísk rannsókn samanstendur af:
  - i. upphaflegu almennu mati á heilbrigðisástandi dýra í stöðinni, sem nær yfir öll dýr af skráðum tegundum sem eru í haldi í stöðinni, og
  - ii. skoðun á hverju dýri fyrir sig sem er hluti af sýninu sem um getur í a-lið.

2. Ef gerð er krafa um rannsóknir á rannsóknarstofu samkvæmt þessari reglugerð til þess að staðfesta eða útiloka að sjúkdómur í A-flokki sé til staðar skal lögbært yfirvald tryggja að:

- a) sýnataka úr dýrum til rannsókna á rannsóknarstofu fari fram í samræmi við:
  - i. lið A.2 í I. viðauka að því er varðar landdýr og
  - ii. ákvæði b-, c-, d- og e-liðar 1. liðar XII. viðauka að því er varðar lagardýr,
- b) greiningaraðferðir við rannsóknir á rannsóknarstofu uppfylli kröfurnar sem settar eru fram í:
  - i. B-lið I. viðauka að því er varðar landdýr og
  - ii. ákvæði 2. liðar XII. viðauka að því er varðar lagardýr,
- c) sýnin eru send:
  - i. án tafar á opinbera rannsóknarstofu sem er tilnefnd í samræmi við 37. gr. reglugerðar Evrópuþingsins og ráðsins (ESB) 2017/625 <sup>(13)</sup>,
  - ii. í samræmi við C-lið I. viðauka að því er varðar landdýr og f-lið 1. liðar að því er varðar lagardýr og
  - iii. samkvæmt öllum öðrum leiðbeiningum frá lögbæru yfirvaldi og frá rannsóknarstofunni, að því er varðar skilyrði á sviði smitvarna og líföryggis, til að koma í veg fyrir að sjúkdómsvaldar í A-flokki breiðist út,
- d) ef um er að ræða dýr í haldi:
  - i. tekin er saman skrá yfir öll dýr sem eru í haldi í stöðinni og tegund þeirra og flokk; heimilt er að áætla fjölda alifugla og lagareldisdýra og
  - ii. auðkennismerki hvers dýrs, sem sýni er tekið úr, af skráðri tegund eða lotunúmer, ef um er að ræða alifugla og lagareldisdýr, er skráð.

<sup>(13)</sup> Reglugerð Evrópuþingsins og ráðsins (ESB) 2017/625 frá 15. mars 2017 um opinbert eftirlit og aðra opinbera starfsemi sem miðar að því að tryggja að lögum um matvæli og fóður og reglum um heilbrigði og velferð dýra, plöntuheilbrigði og plöntuverndarvörur sé beitt (Stjtið. ESB L 95, 7.4.2017, bls. 1).

4. gr.

### Viðbragðsáætlanir

Lögbært yfirvald skal koma ráðstöfununum, sem mælt er fyrir um í þessari reglugerð, til framkvæmda í samræmi við viðbragðsáætlunina sem um getur í 43. gr. reglugerðar (ESB) 2016/429.

II. HLUTI

LANDDÝR

I. KAFLI

#### *Sjúkdómsvarnaráðstafanir vegna sjúkdóma í A-flokki í landdýrum í haldi*

1. þáttur

#### **Bráðabirgðaráðstafanir um sjúkdómavarnir ef grunur vaknar um sjúkdóm í A-flokki í dýrum í haldi**

5. gr.

#### **Skyldur rekstraraðila ef grunur vaknar um sjúkdóm í A-flokki í dýrum í haldi í stöð**

Ef grunur vaknar um sjúkdóm í A-flokki í dýrum í haldi skulu rekstraraðilar gera eftirfarandi sjúkdómsvarnaráðstafanir til að koma í veg fyrir að sjúkdómurinn í A-flokki berist frá dýrum, sem hafa orðið fyrir áhrifum, og stöðvum sem þeir bera ábyrgð á til annarra dýra, sem hafa ekki orðið fyrir áhrifum, eða til manna þangað til lögbært yfirvald hefur útilokað að sjúkdómurinn í A-flokki sé til staðar:

- a) einangra öll dýr sem grunur leikur á um að séu sýkt af sjúkdómi í A-flokki,
- b) halda húsdýraáburði, þ.m.t. undirburður og notað undirburðarefni, og öllum vörum, efniviðum eða efnum, sem líklegt er að séu menguð og beri smit sjúkdóms í A-flokki, einangruðum og vörðum fyrir skordýrum og nagdýrum, dýrum í haldi af óskráðum tegundum og villtum dýrum, að því marki sem er tæknilega og raunverulega mögulegt,
- c) innleiða viðeigandi viðbótarráðstafanir varðandi smitvarnir til að komast hjá allri áhættu á að sjúkdómurinn í A-flokki breiðist út,
- d) hætta öllum tilflutningum á dýrum í haldi af skráðum tegundum frá stöðinni eða til hennar,
- e) koma í veg fyrir ónauðsynlegan tilflutning á dýrum af óskráðum tegundum, afurðum, efniviðum, efnum, fólki og flutningatækjum frá stöðinni eða til hennar,
- f) tryggja að skráningar stöðvarinnar yfir framleiðslu, heilbrigði og rekjanleika séu uppfærðar,
- g) veita lögbæru yfirvaldi, að beiðni þess, allar viðeigandi upplýsingar sem varða sjúkdóminn í A-flokki og
- h) fylgja öllum leiðbeiningum frá lögbæru yfirvaldi sem varða varnir gegn sjúkdómnum í A-flokki í samræmi við reglugerð (ESB) 2016/429 og þessa reglugerð.

6. gr.

#### **Rannsókn lögbærs yfirvalds ef grunur vaknar um sjúkdóm í A-flokki í dýrum í haldi í stöð**

1. Ef grunur vaknar um sjúkdóm í A-flokki í dýrum í haldi í stöð, í samræmi við 1., 3. og 4. mgr. 9. gr. framseldrar reglugerðar (ESB) 2020/689, skal lögbært yfirvald tafarlaust framkvæma rannsókn til þess að staðfesta eða útiloka tilvist skráða sjúkdómsins sem grunur leikur á að sé til staðar.

2. Meðan rannsóknin, sem um getur í 1. mgr., stendur yfir skal lögbært yfirvald tryggja að opinberir dýralæknar inni af hendi a.m.k.:
  - a) klínískar rannsóknir á dýrum í haldi af skráðum tegundum í stöðinni og
  - b) sýnatöku vegna rannsókna á rannsóknarstofu.

7. gr.

**Bráðabirgðatakörkun og ráðstafanir varðandi smitvarnir ef grunur vaknar um sjúkdóm í A-flokki í dýrum í haldi í stöð**

1. Ef grunur vaknar um sjúkdóm í A-flokki í stöð skal lögbært yfirvald viðhafa opinbera vöktun með stöðinni og tafarlaust koma á eftirfarandi bráðabirgðatakörkun og ráðstöfunum varðandi smitvarnir til að koma í veg fyrir að sjúkdómurinn í A-flokki berist frá dýrum, sem hafa orðið fyrir áhrifum, og stöðinni til annarra dýra, sem hafa ekki orðið fyrir áhrifum, eða til manna:
  - a) bann við tilflutningum á dýrum í haldi af skráðum tegundum inn í stöðina og frá henni,
  - b) bann við tilflutningum á dýrum í haldi af óskráðum tegundum inn í stöðina og frá henni,
  - c) bann við tilflutningum á öllum afurðum, efniviðum eða efnum sem líklegt er að séu menguð eða eru líkleg til að bera með sér sjúkdóma í A-flokki frá stöðinni,
  - d) einangrun dýra í haldi af skráðum tegundum og vernd gegn villtum dýrum, dýrum af óskráðum tegundum og, þegar nauðsyn krefur, gegn skordýrum og nagdýrum,
  - e) bann við aflífum dýra af skráðum tegundum nema lögbært yfirvald gefi leyfi til þess og
  - f) bann við ónauðsynlegum tilflutningi á afurðum, efniviðum, efnum, fólki og flutningatækjum inn í stöðvarnar.
2. Þrátt fyrir a-, b- og c-lið 1. mgr. er lögbæru yfirvaldi heimilt að leyfa tilflutninga á dýrum og afurðum frá stöð þar sem grunur leikur á um sjúkdóm í A-flokki eftir að lögbæra yfirvaldið hefur framkvæmt áhættumat og að því tilskildu að:
  - a) tilflutningar á dýrum og afurðum séu í samræmi við öll skilyrði og ráðstafanir varðandi smitvarnir sem eru nauðsynlegar til að koma í veg fyrir að sjúkdómurinn breiðist út,
  - b) ekki séu nein önnur dýr í haldi af skráðum tegundum í viðtökustöðinni og
  - c) viðtökustöðin sé ekki sláturhús.
3. Ef undanþágurnar, sem kveðið er á um í 2. mgr., eru veittar er lögbæru yfirvaldi heimilt að koma sjúkdómsvarnaráðstöfunum, sem kveðið er á um í 1. mgr., á í viðtökustöðinni.
4. Lögbæru yfirvaldi er heimilt að fyrirskipa, í samræmi við 1. og 2. mgr. 12. gr., fyrirbyggjandi aflífum dýra af skráðum tegundum í stöð þar sem grunur leikur á um sjúkdóm í A-flokki ef faraldsfræðilegar aðstæður útheimta slíkt.
5. Allar aukaafurðir úr dauðum dýrum, sem hafa drepist eða verið aflífuð í stöð þar sem grunur leikur á um sjúkdóm í A-flokki, skulu unnar eða þeim fargað í samræmi við reglugerð (EB) nr. 1069/2009 til að tryggja að sjúkdómsvaldar, sem grunur leikur á um, séu óvirkjaðir og til að koma í veg fyrir að sjúkdómurinn breiðist út til dýra, sem hafa ekki orðið fyrir áhrifum, eða til manna.

8. gr.

**Skrá og greining á skráningum ef grunur vaknar um sjúkdóm í A-flokki í dýrum í haldi í stöð**

1. Ef grunur vaknar um sjúkdóm í A-flokki skal lögbært yfirvald án tafar fyrirskipa og sannreyna að rekstraraðilar stöðva, þar sem grunur leikur á um sjúkdóm í A-flokki, taki saman og viðhaldi uppfærðri skrá yfir eftirfarandi:
  - a) tegundir, flokka og fjölda dýra sem eru í haldi í stöðinni; heimilt er að áætla fjölda alifugla,

- b) einstaklingsbundið auðkennisnúmer allra dýra af tegundum sem einstaklingsbundin auðkenning er skyldubundin fyrir í samræmi við framselda reglugerð framkvæmdastjórnarinnar (ESB) 2019/2035 <sup>(14)</sup>,
  - c) tegundir, flokka og fjölda dýra í haldi af skráðum tegundum sem hafa fæðst, drepist, sýnt klínísk einkenni eða eru líkleg til að vera smituð eða menguð af sjúkdómi í A-flokki í stöðinni,
  - d) allar afurðir, efniviði eða efni sem líklegt er að séu menguð eða eru líkleg til að bera með sér viðkomandi sjúkdóm í A-flokki í stöðinni og
  - e) ef við á, alla staði sem líklegt er að auðveldi smitferjum viðkomandi sjúkdóms í A-flokki að lifa af í stöðinni.
2. Ef stöð samanstendur af nokkrum faraldsfræðilegum einingum skal tilgreina upplýsingarnar í 1. mgr. fyrir hverja faraldsfræðilegu einingu fyrir sig.
3. Lögbært yfirvald skal, innan ramma faraldsfræðilegrar rannsóknar eins og um getur í 57. gr. reglugerðar (ESB) 2016/429, kanna ítarlega a.m.k. eftirfarandi skráningar stöðvar þar sem grunur leikur á um sjúkdóm í A-flokki:
- a) skrána sem um getur í 1. mgr.,
  - b) skráningar sem varða uppruna og dagsetningar komu og brottfarar dýra í haldi af skráðum tegundum til eða frá stöðinni,
  - c) skráningar sem varða uppruna og dagsetningar komu og brottfarar annarra tilflutninga, sem skipta máli, til eða frá stöðinni,
  - d) framleiðsluskýrslur og
  - e) skráningar sem varða heimsóknir til stöðvarinnar, ef þær liggja fyrir.
4. Greiningin á skráningunum, sem um getur í 3. mgr., skal a.m.k. ná yfir vöktunartímann sem kemur fram í II. viðauka fyrir viðkomandi sjúkdóm, reiknað út aftur í tímann frá þeim degi þegar tilkynnt var um að grunur hefði vaknað.

9. gr.

**Tímabundin takmörkunarsvæði ef grunur vaknar um sjúkdóm í A-flokki í landdýrum í haldi í stöð**

1. Ef grunur vaknar um sjúkdóm í A-flokki í dýrum í haldi í stöð er lögbæru yfirvaldi heimilt að fastsetja tímabundið takmörkunarsvæði, að teknu tilliti til eftirfarandi aðstæðna:
  - a) staðsetningar stöðvarinnar á svæði þar sem þéttleiki dýra í haldi af skráðum tegundum er mikill þar sem grunur leikur á um sjúkdóm í A-flokki,
  - b) tilflutnings á dýrum eða einstaklingum, sem eru í snertingu við dýr í haldi af skráðum tegundum, þar sem grunur leikur á um sjúkdóm í A-flokki,
  - c) tafa við að staðfesta sjúkdóm í A-flokki skv. 11. gr.,
  - d) ófullnægjandi upplýsinga um hugsanlegan uppruna sjúkdóms í A-flokki, sem grunur leikur á um, og smitleiða hans og
  - e) sjúkdómssniðs, einkum smitleiða og smithraða sjúkdómsins og þrífestu sjúkdómsins í dýrastofninum.
2. Lögbært yfirvald skal a.m.k. beita þeim ráðstöfunum, sem kveðið er á um í 7. gr., í stöðvum innan tímabundna takmörkunarsvæðisins.
3. Lögbæru yfirvaldi er heimilt að viðhalda tímabundnu takmörkunarsvæði þangað til búið er að útiloka tilvist sjúkdóms í A-flokki í stöðinni þar sem grunur lék á um hann eða þangað til sjúkdómurinn hefur verið staðfestur og takmörkunarsvæði er fastsett skv. 21. gr.

<sup>(14)</sup> Framseld reglugerð framkvæmdastjórnarinnar (ESB) 2019/2035 frá 28. júní 2019 um viðbætur við reglugerð Evrópuþingsins og ráðsins (ESB) 2016/429 að því er varðar reglur fyrir starfsstöðvar með landdýr í haldi og útungunarstöðvar og rekjanleika tiltekinna landdýra í haldi og útungunareggja (Stjtið. ESB L 314, 5.12.2019, bls. 115).

4. Lögbæru yfirvaldi er heimilt að fyrirskipa, í samræmi við 1. og 2. mgr. 12. gr., fyrirbyggjandi aflífun eða slátrun dýra af skráðum tegundum á tímabundnum takmörkunarsvæðum ef faraldsfræðilegar aðstæður útheimta slíkt.

*10. gr.*

**Ráðstafanir sem skal beita ef grunur vaknar um sjúkdóm í A-flokki í matvæla- og fóðurfyrirtækjum, á landamæraeftirlitsstöðvum, í fyrirtækjum fyrir aukaafurðir úr dýrum eða á öðrum stöðum sem skipta máli, þ.m.t. flutningatæki**

1. Ef grunur vaknar um sjúkdóm í A-flokki, í samræmi við 1., 3. og 4. mgr. 9. gr. framseldrar reglugerðar (ESB) 2020/689, í matvæla- og fóðurfyrirtækjum, á landamæraeftirlitsstöðvum, í fyrirtækjum fyrir aukaafurðir úr dýrum eða á öðrum stöðum sem skipta máli, þ.m.t. flutningatæki, skal lögbært yfirvald beita:

- a) viðeigandi ákvæðum sem mælt er fyrir um í 5. til 9. gr. og
  - b) ef þörf krefur, viðbótarráðstöfunum sem eru aðlagðar að viðkomandi ástandi til að koma í veg fyrir að sjúkdómurinn í A-flokki breiðist út til dýra, sem hafa ekki orðið fyrir áhrifum, eða til manna.
2. Lögbært yfirvald skal einnig beita ákvæðum, sem mælt er fyrir um í 5. til 9. gr., í upprunastöð dýranna eða afurðanna sem eru til staðar í stöðvunum og á stöðunum, sem um getur í 1. mgr., sem grunur leikur á um að séu sýkt.

2. þáttur

**Sjúkdómsvarnaráðstafanir ef sjúkdómur í A-flokki er opinberlega staðfestur í dýrum í haldi**

*11. gr.*

**Opinber staðfesting á sjúkdómi í A-flokki í landdýrum í haldi**

Lögbært yfirvald skal opinberlega staðfesta uppkomu sjúkdóms í A-flokki í landdýrum í haldi þegar tilvik hefur verið staðfest í samræmi við 2., 3. og 4. mgr. 9. gr. framseldrar reglugerðar (ESB) 2020/689.

*12. gr.*

**Sjúkdómsvarnaráðstafanir ef uppkoma sjúkdóms í A-flokki er opinberlega staðfest í dýrum í haldi í stöð**

1. Í kjölfar opinberrar staðfestingar á uppkomu sjúkdóms í A-flokki í stöð í samræmi við 11. gr. skal lögbært yfirvald, til viðbótar við ráðstafanirnar sem kveðið er á um í 7. gr., fyrirskipa að eftirfarandi sjúkdómsvarnaráðstöfunum verði tafarlaust beitt undir eftirliti opinberra dýralækna:

- a) öll dýr af skráðum tegundum, sem eru í haldi í stöðinni sem hefur orðið fyrir áhrifum, skulu aflífuð á staðnum, innan stöðvarinnar, eins fljótt og unnt er á þann hátt að komist verði hjá allri áhættu á að viðkomandi sjúkdómsvaldur í A-flokki breiðist út við og eftir aflífun,
- b) gera skal allar viðeigandi og nauðsynlegar ráðstafanir varðandi smitvarnir til að koma í veg fyrir hugsanlega útbreiðslu sjúkdómsins í A-flokki til dýra í haldi eða villtra dýra, sem hafa ekki orðið fyrir áhrifum, eða til manna,
- c) skrokkum eða hlutum dýra í haldi af skráðum tegundum, sem hafa drepist eða verið aflífuð skv. a-lið þessarar málsgreinar, skal fargað í samræmi við reglugerð (EB) nr. 1069/2009,
- d) allar afurðir, efniviðir eða efni, sem geta verið menguð, sem eru til staðar í stöðinni skulu einangruð þangað til:
  - i. þeim er fargað eða þau unnin í samræmi við reglugerð (EB) nr. 1069/2009, ef um er að ræða aukaafurðir úr dýrum (þ.m.t. þær sem fást með aflífun og afurðir úr dýraríkinu og kímefni),
  - ii. hreinsunar- og sótthreinsunarráðstöfunum er lokið í samræmi við 15. gr., ef um er að ræða aðra efniviði og efni sem eru hæf til hreinsunar og sótthreinsunar,
  - iii. förgun er lokið undir eftirliti opinberra dýralækna, ef um er að ræða fóður og aðra efniviði sem eru óhæf til hreinsunar og sótthreinsunar.

2. Lögbært yfirvald skal fyrirskipa og hafa eftirlit með því að:
  - a) flutningur aukaafurða úr dýrum, sem um getur í c-lið 1. mgr. og i. lið d-liðar 1. mgr., frá stöð sem hefur orðið fyrir áhrifum sé í samræmi við ákvæði reglugerðar (EB) nr. 1069/2009,
  - b) flutningur efniviða eða efna, sem um getur í iii. lið d-liðar 1. mgr., frá stöð sem hefur orðið fyrir áhrifum sé í samræmi við fyriræmi þess er varða skilyrði á sviði smitvarna og líföryggis til að koma í veg fyrir að sjúkdómsvaldur í A-flokki breiðist út.
3. Lögbært yfirvald skal safna sýnum úr dýrum í haldi af skráðum tegundum til rannsókna á rannsóknarstofu áður en eða um leið og þau eru aflífuð eða drepast í þeim tilgangi að gera faraldsfræðilegu rannsóknina sem um getur í 57. gr. reglugerðar (ESB) 2016/429.
4. Þrátt fyrir a-lið 1. mgr. er lögbæru yfirvaldi heimilt, eftir að hafa framkvæmt áhættumat og að teknu tilliti til möguleikans á að beita öðrum ráðstöfunum til að draga úr áhættu, að ákveða:
  - a) að fyrirskipa að dýr í haldi af skráðum tegundum verði aflífuð á næsta hentuga stað á þann hátt að komist sé hjá allri áhættu á að sjúkdómur í A-flokki breiðist út við aflífun eða flutning eða
  - b) að fresta aflífun dýra í haldi af skráðum tegundum að því tilskildu að þessi dýr verði sett í neyðarbolusetningu eins og kveðið er á um í 69. gr. reglugerðar (ESB) 2016/429.

*13. gr.*

**Sérstakar undanþágur frá a-lið 1. mgr. 12. gr.**

1. Ef um er að ræða uppkomu sjúkdóms í A-flokki í tveimur eða fleiri faraldsfræðilegum einingum í stöðvum sem eru með dýr í haldi af skráðum tegundum er lögbæru yfirvaldi heimilt að veita faraldsfræðilegum einingum, þar sem sjúkdómurinn hefur ekki verið staðfestur, undanþágu frá a-lið 1. mgr. 12. gr. eftir að hafa framkvæmt áhættumat og, þegar nauðsyn krefur, eftir að hafa fengið hagstæðar niðurstöður úr rannsóknum á rannsóknarstofu og að því tilskildu að:
  - a) faraldsfræðilega rannsóknin, sem um getur í 57. gr. reglugerðar (ESB) 2016/429, hafi ekki leitt í ljós nein faraldsfræðileg tengsl milli faraldsfræðilegu eininganna þar sem sjúkdómurinn í A-flokki hefur verið staðfestur og þeirra þar sem sjúkdómurinn hefur ekki verið staðfestur sem gefa ástæðu til að ætla að sjúkdómurinn í A-flokki hafi borist á milli þeirra og
  - b) lögbært yfirvald hafi staðfest að áður en sjúkdómurinn í A-flokki var staðfestur hafi faraldsfræðilegu einingunum, a.m.k. á vöktunartímanum sem kemur fram í II. viðauka fyrir viðkomandi sjúkdóm, þar sem sjúkdómurinn hefur ekki verið staðfestur verið haldið algjörlega aðskildum og í umsjón annars starfsfólks.
2. Lögbæru yfirvaldi er heimilt að veita undanþágu frá a-lið 1. mgr. 12. gr. vegna eftirfarandi flokka dýra, að því tilskildu að skilyrðin í 3. mgr. séu uppfyllt:
  - a) dýra í haldi í lokaðri starfsstöð,
  - b) dýra sem eru í haldi í vísindaskyni eða í tilgangi sem tengist varðveislu verndaðra dýra eða tegunda í hættu,
  - c) dýra sem eru fyrir fram opinberlega skráð sem sjaldgæfar tegundir og
  - d) dýra sem rök hafa verið færð fyrir að séu með mikið erfðafræðilegt, menningarlegt eða fræðandi gildi.
3. Lögbært yfirvald skal tryggja að eftirfarandi skilyrði séu uppfyllt þegar það veitir undanþáguna sem kveðið er á um í 2. mgr.:
  - a) lögbæra yfirvaldið hefur innt af hendi mat á áhrifum þess að veita slíka undanþágu og einkum að því er varðar áhrifin á dýraheilbrigðisástandið í hlutaðeigandi aðildarríki og aðliggjandi löndum og niðurstaðan úr þessu mati bendir til þess að heilbrigðisástandi dýra sé ekki stofnað í hættu,
  - b) viðeigandi ráðstöfunum varðandi smitvarnir er beitt til að koma í veg fyrir að sjúkdómur í A-flokki berist í dýr í haldi sem hafa ekki orðið fyrir áhrifum eða í villt dýr eða í menn, að teknu tilliti til:
    - i. sjúkdómssniðsins og
    - ii. dýrategundanna sem hafa orðið fyrir áhrifum,

- c) dýrin eru sett í viðeigandi einangrun og klínískt eftirlit viðhaft, þ.m.t. rannsóknir á rannsóknarstofu, þangað til lögbæra yfirvaldið getur tryggt að dýrin skapi ekki áhættu á að sjúkdómurinn í A-flokki breiðist út.
4. Lögbæru yfirvaldi er heimilt að veita sérstakar undanþágur frá a-lið 1. mgr. 12. gr. vegna dýra af hestaætt sem eru í haldi í stöðvum þar sem uppkoma sjúkdóma í A-flokki, sem um getur í III. viðauka, hefur verið staðfest samkvæmt skilyrðunum sem sett eru fram í þeim viðauka.

*14. gr.*

**Viðbótarráðstafanir um sjúkdómavarnir ef um er að ræða uppkomu sjúkdóms í A-flokki í landdýrum í haldi í stöð**

1. Til viðbótar við ráðstafanirnar sem kveðið er á um í 12. gr. er lögbæru yfirvaldi heimilt að ákvarða sýnatökuaðferðir vegna dýra í haldi af óskráðum tegundum og villtra dýra af skráðum tegundum á grundvelli upplýsinga sem fást úr faraldsfræðilegu rannsókninni sem um getur í 57. gr. reglugerðar (ESB) 2016/429.
2. Eftir að lögbært yfirvald hefur framkvæmt áhættumat m.t.t. frekari útbreiðslu viðkomandi sjúkdóms í A-flokki og að teknu tilliti til möguleikans á að beita öðrum ráðstöfunum til að draga úr áhættu er lögbæra yfirvaldinu heimilt að fyrirskipa aflifun dýra í haldi af óskráðum tegundum og villtra dýra á þann hátt að komist sé hjá allri áhættu á að sjúkdómur í A-flokki breiðist út við aflifun eða flutning og þangað til heilum skrokkum eða hlutum dauðu dýranna er fargað.

*15. gr.*

**Bráðabirgðahreinsun og sóttahreinsun og varnir gegn skordýrum og nagdýrum í stöð sem hefur orðið fyrir áhrifum**

1. Um leið og lokið hefur verið við ráðstafanirnar sem kveðið er á um í 12. gr. og, ef við á, í 14. gr. skal lögbært yfirvald fyrirskipa og hafa eftirlit með bráðabirgðahreinsun og sóttahreinsun og, ef við á, vörnum gegn skordýrum og nagdýrum í stöð sem hefur orðið fyrir áhrifum til að komast hjá því að sjúkdómur í A-flokki breiðist út.
2. Bráðabirgðahreinsunin, sóttahreinsunin og varnirnar, sem um getur í 1. mgr., skulu
- a) innt af hendi í samræmi við verklagið sem sett er fram í A- og B-lið IV. viðauka með notkun viðeigandi sæfivara til að tryggja eyðingu viðkomandi sjúkdómsvalds í A-flokki og
- b) skjalfest á fullnægjandi hátt.
3. Þegar lögbært yfirvald veitir eina af undanþágunum sem kveðið er á um í 2. og 4. mgr. 13. gr. skal það fyrirskipa bráðabirgðahreinsunina, sóttahreinsunina og varnirnar, sem um getur í 1. mgr., og aðlaga verklagið, sem um getur í a-lið 2. liðar, að viðkomandi ástandi án þess að það komi niður á vörnum gegn því að sjúkdómurinn í A-flokki berist frá dýrum og stöðvum, sem hafa orðið fyrir áhrifum, og stöðum til annarra dýra, sem hafa ekki orðið fyrir áhrifum, eða til manna.
4. Til viðbótar við þær ráðstafanir sem um getur í 1. og 2. mgr. skal lögbært yfirvald fyrirskipa og hafa eftirlit með því að flutningatæki, sem eru notuð til að flytja dýr til og frá stöð sem hefur orðið fyrir áhrifum, séu hreinsuð og sóttahreinsuð vandlega og, ef við á, að ráðstöfunum sé beitt til að tryggja varnir gegn skordýrum og nagdýrum.

*16. gr.*

**Undanþágur og sérreglur um bráðabirgðahreinsun og sóttahreinsun og varnir gegn smitferjum**

Lögbæru yfirvaldi er heimilt að veita undanþágu frá kröfunni sem varðar hreinsun og sóttahreinsun og varnir gegn skordýrum og nagdýrum, sem sett er fram í 15. gr., ef um er að ræða:

- a) beitolönd, sem eru faraldsfræðilega tengd stöð sem hefur orðið fyrir áhrifum, samkvæmt sértækum verklagsreglum til að tryggja að viðkomandi sjúkdómsvaldur í A-flokki verði gerður óvirkur á skilvirkan hátt að teknu tilliti til sjúkdómssniðs, tegundar stöðvar og loftslagsskilyrða og
- b) húsdýraáburð, þ.m.t. undirburður og notað undirburðarefni, frá stöð sem hefur orðið fyrir áhrifum, samkvæmt sértækum verklagsreglum til að tryggja að viðkomandi sjúkdómsvaldur í A-flokki verði gerður óvirkur á skilvirkan hátt í samræmi við vísindaleg gögn.

*17. gr.***Sanngreining á faraldsfræðilega tengdum stöðvum og öðrum stöðum sem skipta máli, þ.m.t. flutningatæki**

1. Lögbært yfirvald skal, innan ramma faraldsfræðilegrar rannsóknar eins og um getur í 57. gr. reglugerðar (ESB) 2016/429 og í því skyni að sanngreina allar faraldsfræðilega tengdar stöðvar og aðra staði sem skipta máli, þ.m.t. flutningatæki, rekja öll dýr í haldi sem eru til staðar í stöð þar sem uppkoma sjúkdóms í A-flokki hefur verið staðfest og allar afurðir, efniviði, efni, flutningatæki eða fólk sem er líklegt til að breiða viðkomandi sjúkdóm í A-flokki út, þ.m.t.:

- a) þau sem hafa verið send til og frá stöðinni og
- b) þau sem hafa komist í snertingu við stöðina.

2. Rakningin, sem um getur í 1. mgr., skal a.m.k. ná yfir vöktunartímann sem kemur fram í II. viðauka fyrir viðkomandi sjúkdóm, reiknað út aftur í tímann frá þeim degi þegar tilkynnt var um að grunur hefði vaknað.

3. Eftir að lögbært yfirvald hefur framkvæmt áhættumat er því heimilt að undanskilja frá rakningunni, sem um getur í 1. mgr., þær afurðir sem teljast vera öruggar vörur eins og kveðið er á um í VII. viðauka.

*18. gr.***Ráðstafanir sem beita skal á faraldsfræðilega tengdum stöðvum og öðrum stöðum sem skipta máli, þ.m.t. flutningatæki**

1. Ef rakningin, sem kveðið er á um í 1. mgr. 17. gr., sýnir fram á að dýr af skráðum tegundum hafi verið flutt frá eða til stöðvar, sem hefur orðið fyrir áhrifum, á tímabilinu sem um getur í 2. mgr. þeirrar greinar skal lögbært yfirvald:

- a) inna af hendi rannsóknir og koma á takmörkunum og ráðstöfunum varðandi smitvarnir í samræmi við 6., 7. og 8. gr. í viðtökustöðvum eða upprunastöðvum tilflutningsins eða
- b) tafarlaust rýmka ráðstafanirnar í 12. gr. þannig að þær nái yfir upprunastöð eða viðtökustöð tilflutningsins ef um er að ræða faraldsfræðilegar vísbendingar um útbreiðslu sjúkdómsins til, frá eða gegnum viðkomandi stöð.

2. Lögbært yfirvald skal beita þeim ráðstöfunum, sem um getur í 1. mgr., í öðrum stöðvum og á stöðum sem skipta máli, þ.m.t. flutningatæki, sem líklegt er að séu menguð eftir að hafa komist í snertingu við dýr, afurðir, efniviði, efni, fólk eða flutningatæki frá stöð sem hefur orðið fyrir áhrifum, sem greinast innan ramma rakningarinnar sem um getur í 17. gr. eða á grundvelli annarra upplýsinga sem skipta máli úr faraldsfræðilegri rannsókn, eins og um getur í 57. gr. reglugerðar (ESB) 2016/429.

*19. gr.***Ráðstafanir sem beita skal varðandi afurðir sem greinast í rakningunni**

1. Lögbært yfirvald skal fyrirskipa og hafa eftirlit með því að sæði, eggfrumum og fósturvísnum, sem greinast smituð í rakningunni sem um getur í 17. gr., sé fargað í samræmi við reglugerð (EB) nr. 1069/2009.

2. Lögbært yfirvald skal fyrirskipa og hafa eftirlit með meðhöndlun, vinnslu eða förgun afurða sem greinast í rakningunni sem um getur í 17. gr., a.m.k. allt til:

- a) fyrstu matvælavinnslustöðvarinnar ef um er að ræða afurðir úr dýrarfkinu,
- b) útungunarstöðvarinnar eða stöðvarinnar þangað sem eggjin voru send til útungunar ef um er að ræða egg til útungunar sem höfðu ekki ungas út og
- c) fyrstu vinnslustöðvarinnar ef um er að ræða aukaafurðir úr dýrum, að undanskildum húsdýraáburði, eða
- d) staðarins þar sem þær eru geymdar ef um er að ræða húsdýraáburð, þ.m.t. undirburður og notað undirburðarefni.



3. Lögbært yfirvald skal koma á opinberri vöktun með alifuglum, sem ungast út á rekjanleikatímabilinu sem um getur í 2. mgr. 17. gr., úr útungunareggjum sem eru upprunnin í stöð sem hefur orðið fyrir áhrifum; þessari vöktun skal komið á í öllum viðtökustöðvum útungunareggjana og henni skal viðhaldið í 21 dag eftir útungun.
4. Lögbært yfirvald skal fyrirskipa og hafa eftirlit með því að flutningur aukaafurða úr dýrum frá stöðvum sé með fyrirvara um ákvæðin sem mælt er fyrir um í reglugerð (EB) nr. 1069/2009.
5. Lögbært yfirvald skal fyrirskipa og hafa eftirlit með því að efniviðir eða efni sem líklegt er að séu menguð eða eru líkleg til að bera með sér viðkomandi sjúkdóm í A-flokki séu í samræmi við fyrirmæli þess að því er varðar skilyrði á sviði smitvarna og lífföryggis til að koma í veg fyrir að sjúkdómsvaldar í A-flokki breiðist út.

20. gr.

**Ráðstafanir sem beita skal ef uppkoma sjúkdóms í A-flokki er opinberlega staðfest í matvæla- og fóðurfyrirtækjum, á landamæraeftirlitsstöðvum, í fyrirtækjum fyrir aukaafurðir úr dýrum og á öðrum stöðum sem skipta máli, þ.m.t. flutningatæki**

1. Ef uppkoma sjúkdóms er opinberlega staðfest, í samræmi við 11. gr., í matvæla- og fóðurfyrirtækjum, á landamæraeftirlitsstöðvum, í fyrirtækjum fyrir aukaafurðir úr dýrum eða á öðrum stöðum sem skipta máli, þ.m.t. flutningatæki, skal lögbært yfirvald beita:
  - a) viðeigandi ákvæðum sem mælt er fyrir um í 12. til 19. gr. og
  - b) ef þörf krefur, viðbótarráðstöfunum sem eru aðlagðar að viðkomandi ástandi til að koma í veg fyrir að sjúkdómurinn í A-flokki berist frá dýrum og stöðvum, sem hafa orðið fyrir áhrifum, og stöðum til annarra dýra, sem hafa ekki orðið fyrir áhrifum, eða til manna.
2. Lögbært yfirvald skal einnig beita ákvæðum, sem mælt er fyrir um í 12. til 19. gr., í upprunastöð dýranna, sem hafa orðið fyrir áhrifum, eða afurðanna sem eru til staðar í stöðvunum og á stöðunum sem um getur í 1. gr.

*II. KAFLI*

***Sjúkdómsvarnaráðstafanir vegna sjúkdóma í A-flokki í landdýrum í haldi á takmörkunarsvæðum***

1. þáttur

**Almennar sjúkdómsvarnaráðstafanir á takmörkunarsvæði**

21. gr.

**Takmörkunarsvæði komið á fót**

1. Ef um er að ræða uppkomu sjúkdóms í A-flokki á stöð, í matvæla- og fóðurfyrirtækjum, í fyrirtækjum fyrir aukaafurðir úr dýrum eða á öðrum stöðum, þ.m.t. flutningatæki, skal lögbært yfirvald tafarlaust fastsetja takmörkunarsvæði umhverfis stöðina, sem hefur orðið fyrir áhrifum, eða staðinn sem nær yfir:
  - a) verndarsvæði sem er byggt á lágmarksrádius frá uppkomunni, eins og sett er fram vegna viðkomandi sjúkdóms í A-flokki í V. viðauka,
  - b) eftirlitssvæði sem er byggt á lágmarksrádius frá uppkomunni, eins og sett er fram vegna viðkomandi sjúkdóms í A-flokki í V. viðauka, og
  - c) ef nauðsyn krefur, byggt á viðmiðunum sem settar eru fram í 1. mgr. 64. gr. reglugerðar (ESB) 2016/429, frekari takmörkunarsvæði umhverfis eða aðliggjandi verndar- og eftirlitssvæðunum þar sem lögbært yfirvald skal beita sömu ráðstöfunum og kveðið er á um í 3. þætti þessa kafla fyrir eftirlitssvæðið.
2. Lögbært yfirvald skal aðlaga svæðamörk upphaflega takmörkunarsvæðisins, þ.m.t. svæðamörk verndarsvæða, eftirlitssvæða og frekari takmörkunarsvæða, ef um er að ræða að tvö eða fleiri takmörkunarsvæði skarist vegna frekari uppkomu sjúkdóms í A-flokki.

3. Þrátt fyrir 1. mgr. og eftir að lögbært yfirvald hefur framkvæmt áhættumat að teknu tilliti til sjúkdómssniðsins er lögbæra yfirvaldinu ekki heimilt að fastsetja takmörkunarsvæði ef sjúkdómur í A-flokki kemur upp á eftirtöldum stöðum:

- a) í stöðvum þar sem dýr, sem um getur í 2. mgr. 13. gr., eru í haldi,
- b) í útungunarstöðvum,
- c) í matvæla- og fódur fyrirtækjum, á landamæraeftirlitsstöðvum, í fyrirtækjum fyrir aukaafurðir úr dýrum,
- d) í flutningatæki,
- e) á stöðum þar sem samsöfnun eða tímabundin sýning eða dýralæknisfræðileg aðstoð við dýr á sér stað og
- f) á öðrum stað sem er ekki stöð.

## 22. gr.

### Ráðstafanir sem beita skal á takmörkunarsvæði

1. Lögbært yfirvald skal tafarlaust taka saman skrá yfir allar stöðvar, sem eru með dýr í haldi af skráðum tegundum og eru staðsettar á takmörkunarsvæðinu, og halda skránni uppfærðri, þ.m.t. tegundir, flokkar og fjöldi dýra í hverri stöð; heimilt er að áætla fjölda alifugla.

2. Í því skyni að koma í veg fyrir útbreiðslu sjúkdóms og byggt á faraldsfræðilegum upplýsingum eða öðrum sönnunum er lögbæru yfirvaldi heimilt að beita fyrirbyggjandi aflífun, í samræmi við 1. og 2. mgr. 12. gr., eða slátra dýrum í haldi af skráðum tegundum í stöðvum sem eru staðsettar á takmörkunarsvæðinu.

3. Lögbært yfirvald skal fyrirskipa og hafa eftirlit með því að allir tilflutningar á heilum skrokkum eða hlutum af dauðum, villtum dýrum og dýrum í haldi af skráðum tegundum af takmörkunarsvæðinu fari til vinnslu eða förgunar í samræmi við reglugerð (EB) nr. 1069/2009 í stöð sem hefur fengið samþykki í þessum tilgangi:

- a) innan yfirráðasvæðis aðildarríkisins eða
- b) í öðru aðildarríki í samræmi við 1. og 3. mgr. 48. gr. reglugerðar (EB) nr. 1069/2009 ef það er ekki mögulegt að vinna eða farga heilum skrokkum eða hlutum af dauðum dýrum í samþykktri stöð á yfirráðasvæði aðildarríkisins þar sem uppkoman átti sér stað.

4. Lögbært yfirvald skal koma á sérstökum skilyrðum fyrir flutningi dýra og afurða gegnum takmörkunarsvæðið til að tryggja að hann fari fram:

- a) án stöðvunar eða affermingar á takmörkunarsvæðinu,
- b) þannig að aðalvegir eða aðaljárnbrautir séu í forgangi og
- c) þannig að komist sé hjá því að koma nálægt stöðvum sem eru með dýr í haldi af skráðum tegundum.

5. Með aukaafurðum úr dýrum, sem eru upprunnar á takmörkunarsvæði og fluttar út fyrir það, skal fylgja dýraheilbrigðisvottorð sem opinber dýralæknir gefur út þar sem fram kemur að heimilt sé að flytja þær af takmörkunarsvæðinu við skilyrði sem lögbært yfirvald hefur komið á í samræmi við þennan kafla.

6. Lögbært yfirvald getur ákveðið að vottorðið, sem um getur í 5. mgr., skuli ekki gefið út vegna tilflutninga á aukaafurðum úr dýrum innan hlutaðeigandi aðildarríkis ef viðkomandi yfirvald telur að annað kerfi sé fyrir hendi sem tryggi að sendingar af slíkum afurðum séu rekjanlegar og að þessar afurðir uppfylli dýraheilbrigðiskröfur varðandi slíka tilflutninga.

7. Lögbært yfirvald verður að heimila alla sýnatöku í stöðvum á takmörkunarsvæðinu sem eru með dýr í haldi af skráðum tegundum í öðrum tilgangi en til þess að staðfesta eða útiloka að viðkomandi sjúkdómar í A-flokki séu til staðar.

## 23. gr.

**Undanþágur frá ráðstöfunum sem beita skal á takmörkunarsvæði**

Lögbæru yfirvaldi er heimilt að veita undanþágur frá ákvæðum í þessum kafla sem varða ráðstafanir sem beita skal á takmörkunarsvæðum, að því marki sem nauðsynlegt er og eftir að hafa framkvæmt áhættumat:

- a) á frekari takmörkunarsvæðunum sem um getur í c-lið 1. mgr. 21. gr.,
- b) ef lögbæra yfirvaldið ákveður að fastsetja takmörkunarsvæði þegar sjúkdómur í A-flokki kemur upp í stöðvum og á stöðum sem um getur í 3. mgr. 21. gr.,
- c) ef uppkoman á sér stað í stöð sem er með allt að 50 fugla í haldi eða
- d) í stöðvum og á stöðum, sem um getur í 3. mgr. 21. gr., sem eru staðsett á takmörkunarsvæði.

## 24. gr.

**Kröfur vegna flutningatækja fyrir dýr í haldi af skráðum tegundum og afurðir þeirra**

1. Lögbært yfirvald skal tryggja að flutningatæki sem eru notuð fyrir tilflutninga á dýrum í haldi af skráðum tegundum og afurðum þeirra innan takmörkunarsvæðis, frá því, til þess og gegnum það hafi verið:

- a) hönnuð og haldið við á þann hátt að komist sé hjá öllum leka eða að dýr sleppi út eða afurðir eða einhver hlutur sem skapar áhættu fyrir heilbrigði dýra,
- b) hreinsuð og sótthreinsuð tafarlaust eftir hvern flutning á dýrum, afurðum eða einhverjum hlut sem skapar áhættu fyrir heilbrigði dýra og, ef nauðsyn krefur, síðan sótthreinsuð aftur og í öllum tilvikum þurrkuð eða látin þorna áður en nýr farmur af dýrum eða afurðum er settur í þau og
- c) ef við á, að ráðstöfunum sé beitt til að tryggja varnir gegn skordýrum og nagdýrum fyrir flutninginn.

2. Hreinsun og sótthreinsun á flutningatækjunum sem um getur í 1. mgr. skal innt af hendi:

- a) í samræmi við leiðbeiningar eða verklag sem lögbært yfirvald hefur ákvarðað, með notkun viðeigandi sæfivara til að tryggja eyðingu viðkomandi sjúkdómsvalds í A-flokki, og
- b) skjalfest á fullnægjandi hátt.

## 2. þáttur

**Sjúkdómsvarnaráðstafanir á verndarsvæði**

## 25. gr.

**Ráðstafanir sem beita skal í stöðvum á verndarsvæði sem eru með dýr í haldi af skráðum tegundum**

1. Lögbært yfirvald skal án tafar fyrirskipa beitingu eftirfarandi ráðstafana í stöðvum á verndarsvæðinu, sem eru með dýr í haldi af skráðum tegundum, öðrum en stöðvum þar sem sjúkdómur í A-flokki hefur verið staðfestur:

- a) að halda dýrum af skráðum tegundum aðskildum frá villtum dýrum og dýrum af óskráðum tegundum,
- b) að koma viðbótarefirliti til framkvæmdar til að greina frekari útbreiðslu sjúkdóms í A-flokki til stöðvanna, þ.m.t. öll fjölgun sjúkdómstilvika eða dauðsfalla eða umtalsverður samdráttur í framleiðslugögnum; tilkynna skal lögbæru yfirvaldi tafarlaust um alla slíka fjölgun eða samdrátt,
- c) þegar við á, að koma í framkvæmd fullnægjandi úrræðum til að verjast skordýrum og nagdýrum og öðrum smithýslum í stöðinni og umhverfis hana,
- d) að nota viðeigandi sótthreinsunaraðferðir við innganga og útganga stöðvarinnar,

- e) að beita viðeigandi ráðstöfunum varðandi smitvarnir gagnvart öllum þeim einstaklingum sem eru í snertingu við dýr í haldi af skráðum tegundum eða koma inn í stöðina eða fara út af henni, sem og varðandi flutningatæki, til að komast hjá allri áhættu á að viðkomandi sjúkdómur í A-flokki breiðist út,
  - f) að skrá alla þá einstaklinga sem heimsækja stöðina, halda skráningunum uppfærðum til að auðvelda sjúkdómsvöktun og -varnir og gera þær tiltækar fyrir lögbært yfirvald samkvæmt beiðni,
  - g) að farga heilum skrokkum eða hlutum af dauðum eða aflífuðum dýrum í haldi af skráðum tegundum skv. 3. mgr. 22. gr.
2. Þrátt fyrir f-lið 1. mgr. er ekki gerð krafa um skráningu á gestum í stöðvum þar sem dýrin, sem um getur í 2. mgr. 13. gr., eru í haldi ef gestirnir hafa ekki aðgang að svæðunum þar sem dýrin eru í haldi.

26. gr.

### Heimsóknir opinberra dýralækna til stöðva á verndarsvæði

1. Lögbært yfirvald skal tryggja að opinberir dýralæknar fari í a.m.k. eina heimsókn til allra stöðva, sem um getur í 25. gr., eins fljótt og unnt er og án ótilhlýðilegrar tafar eftir að uppkoma sjúkdóms í A-flokki hefur verið opinberlega staðfest.
2. Þegar opinberir dýralæknar fara í heimsóknirnar, sem um getur í 1. mgr., skulu þeir inna af hendi a.m.k. eftirfarandi starfsemi:
  - a) sannprófun skjala, þ.m.t. greining á skráningum varðandi framleiðslu, heilbrigði og rekjanleika,
  - b) sannprófun á framkvæmd ráðstafana sem beitt er til að koma í veg fyrir að viðkomandi sjúkdómur í A-flokki komi upp eða berist út í samræmi við 25. gr.,
  - c) klínísk rannsókn á dýrum í haldi af skráðum tegundum og
  - d) ef nauðsyn krefur, taka sýni úr dýrum til rannsókna á rannsóknarstofu til þess að staðfesta eða útiloka að viðkomandi sjúkdómur í A-flokki sé til staðar.
3. Lögbært yfirvald getur krafist frekari dýralæknaheimsókna til stöðva á verndarsvæðinu til eftirfylgni með ástandinu.
4. Lögbært yfirvald skal skrá starfsemina og heimsóknirnar sem um getur í 1., 2. og 3. mgr. og niðurstöður þar að lútandi.
5. Ef radíus verndarsvæðisins sem er fastsett í V. viðauka er stærri en 3 km getur lögbært yfirvald ákveðið, þrátt fyrir 1. mgr., að gera ekki kröfu um heimsóknir til allra stöðvanna, sem um getur í 25. gr., heldur heimsóknir til dæmigerðs úrtaks stöðvanna í samræmi við lið A.3 í I. viðauka.

27. gr.

### Bönn í tengslum við starfsemi, þ.m.t. tilflutningar, sem varðar dýr, afurðir og aðra efniviði innan verndarsvæðis, frá því eða til þess

1. Lögbært yfirvald skal banna starfsemi, þ.m.t. tilflutningar, sem varðar dýr af skráðum tegundum og afurðir þeirra og aðra efniviði innan verndarsvæðis, frá því og til þess í samræmi við töfluna í VI. viðauka.
2. Lögbæru yfirvaldi er heimilt að rýmka bönnin sem kveðið er á um í 1. mgr. þannig að þau nái yfir:
  - a) dýr af óskráðum tegundum og afurðir slíkra dýra og
  - b) aðra starfsemi en þá sem kemur fram í VI. viðauka, þ.m.t. tilflutningar.
3. Eftirfarandi afurðir eru undanþegnar bönnunum sem kveðið er á um í 1. og 2. mgr.:
  - a) afurðir úr dýraríkinu sem litið er á sem öruggar vörur, í samræmi við VII. viðauka, að því er varðar viðkomandi sjúkdóm,

- b) afurðir úr dýraríkinu sem hafa fengið viðeigandi meðhöndlun í samræmi við VII. viðauka,
  - c) afurðir eða aðrir efniviðir, sem líklegt er að breiði sjúkdóminn út, sem fengust eða voru framleiddir fyrir vöktunartímabilið sem kemur fram í II. viðauka fyrir viðkomandi sjúkdóm, reiknað út aftur í tímann frá þeim degi þegar tilkynnt var um að grunur hefði vaknað,
  - d) afurðir, sem voru framleiddar á verndarsvæðinu, sem eru fengnar úr dýrum í haldi af skráðum tegundum:
    - i. sem voru í haldi utan verndarsvæðisins,
    - ii. sem voru í haldi og slátrað utan verndarsvæðisins eða
    - iii. sem voru í haldi utan verndarsvæðisins og slátrað á verndarsvæðinu,
  - e) afleiddar afurðir.
4. Bönnin, sem kveðið er á um í 1. og 2. mgr., skulu gilda um afurðirnar sem um getur í 3. mgr. ef:
- a) afurðirnar voru ekki skýrt aðgreindar, í framleiðsluferlinu, við geymslu og flutning, frá afurðum sem eru ekki tækar til sendingar út fyrir takmörkunarsvæðið samkvæmt þessari reglugerð eða
  - b) lögbært yfirvald býr yfir faraldsfræðilegum vísbendingum um útbreiðslu sjúkdómsins í, frá eða með þessum afurðum.

28. gr.

#### **Almenn skilyrði fyrir því að veita undanþágur frá bönnum á verndarsvæði**

1. Þrátt fyrir bönnin sem kveðið er á um í 27. gr. er lögbæru yfirvaldi heimilt að leyfa tilflutning á dýrum og afurðum í tilvikum sem falla undir 29. til 38. gr. og samkvæmt sérstöku skilyrðunum sem kveðið er á um í þessum greinum og almennu skilyrðunum sem mælt er fyrir um í 2. til 7. mgr. þessarar greinar.

Áður en lögbært yfirvald veitir þetta leyfi skal það meta áhættuna sem leiðir af þessu leyfi og í matinu verður að koma fram að áhættan á að breiða út sjúkdóm í A-flokki sé óveruleg.

2. Allir heimilaðir tilflutningar verða að fara fram:

- a) eingöngu á sérleiðum,
- b) þannig að aðalvegir eða aðaljárnbrautir séu í forgangi,
- c) þannig að komist sé hjá því að koma nálægt stöðvum sem eru með dýr í haldi af skráðum tegundum og
- d) án þess að afferma eða stöðva þangað til affermt er á viðtökustöðinni.

3. Lögbært yfirvald upprunastöðvarinnar skal tilnefna viðtökustöð fyrir tilflutninga frá eða til verndarsvæðisins. Ef lögbært yfirvald upprunastöðvarinnar er ekki það sama og lögbært yfirvald viðtökustöðvarinnar skal fyrirnefnda lögbæra yfirvaldið upplýsa lögbært yfirvald viðtökustöðvarinnar um slíka tilnefningu.

4. Lögbært yfirvald upprunastöðvarinnar skal sannreyna að viðtökustöðin samþykki að hljóta tilnefningu og að taka á móti hverri sendingu af dýrum eða afurðum.

5. Þegar lögbært yfirvald heimilar tilflutninga á dýrum frá verndarsvæðinu skal það tryggja að slíkir tilflutningar skapi ekki áhættu á útbreiðslu sjúkdóms í A-flokki, byggt á:

- a) klínískri rannsókn, með hagstæðum niðurstöðum, á dýrum í haldi í stöðinni, þ.m.t. dýrin sem á að tilflytja,
- b) ef nauðsyn krefur, rannsókn á rannsóknarstofu, með hagstæðum niðurstöðum, á dýrum í haldi í stöðinni, þ.m.t. dýrin sem á að tilflytja, og
- c) niðurstöðu heimsóknanna sem um getur í 26. gr.

6. Þegar lögbært yfirvald heimilar flutning afurða frá verndarsvæðinu skal það fyrirskipa og hafa eftirlit með því að:
- meðan framleiðsluferli afurðanna stóð yfir og geymsla þeirra hafi þær verið skýrt aðgreindar frá afurðum sem eru ekki tækar til sendingar út fyrir takmörkunarsvæðið í samræmi við þessa reglugerð og
  - afurðir verði ekki fluttar með afurðum sem eru ekki tækar til sendingar út fyrir takmörkunarsvæðið samkvæmt þessari reglugerð.
7. Þegar lögbært yfirvald veitir leyfi skv. 1. mgr. skal það tryggja að viðbótarráðstöfunum varðandi smitvarnir sé beitt frá fermingu, meðan flutningsaðgerðirnar standa yfir og til affermingar á tilnefndri viðtökustöð í samræmi við fyrirhæli lögbæra yfirvaldsins.

29. gr.

### **Sértæk skilyrði fyrir því að heimila tilflutninga á dýrum í haldi af skráðum tegundum á verndarsvæði til slátrunar**

- Lögbæru yfirvaldi er heimilt að leyfa tilflutninga á dýrum í haldi af skráðum tegundum frá stöðvum sem eru staðsettar á verndarsvæði til slátruhúss sem er staðsett:
  - eins nálægt upprunastöðinni og unnt er, innan verndarsvæðisins,
  - á eftirlitssvæðinu þegar það er ekki mögulegt að slátra dýrunum á verndarsvæðinu eða
  - eins nálægt eftirlitssvæðinu og unnt er þegar það er ekki mögulegt að slátra dýrunum á takmörkunarsvæðinu.
- Lögbært yfirvald skal einungis veita leyfin, sem kveðið er á um í 1. mgr., með eftirfarandi skilyrðum:
  - lögbært yfirvald sem sendir verður að innsigla flutningatækið um leið og það er fermt eða hafa umsjón með því að það sé innsiglað,
  - lögbært yfirvald slátruhússins skal:
    - fá upplýsingar fyrir fram frá rekstraraðila slátruhússins um þá fyrirætlan að taka við dýrum í haldi af skráðum tegundum,
    - staðfesta að við skoðanir fyrir og eftir slátrun séu ekki fyrir hendi nein merki sem benda til sjúkdóms í A-flokki,
    - hafa eftirlit með því að rekstraraðili slátruhússins sé með skilvirkt verklag fyrir hendi til að tryggja að dýrum í haldi af skráðum tegundum, sem eru upprunnin á verndarsvæðinu, sé haldið aðskildum og slátrað aðskilið frá slíkum dýrum eða á öðrum tímum, helst við lok vinnudagsins þegar þau koma,
    - staðfesta slátrun dýranna við lögbært yfirvald upprunastöðvar dýranna,
    - hafa eftirlit með því að rekstraraðili slátruhússins hreinsi og sóttthreinsi athafnasvæðið þar sem dýrin voru í haldi og þeim slátrað og að hreinsun og sóttthreinsun sé lokið áður en önnur dýr í haldi af skráðum tegundum eru höfð í haldi á þessum athafnasvæðum eða slátrað þar og
    - hafa eftirlit með því að kjöt sem fæst af slíkum dýrum sé í samræmi við skilyrðin sem mælt er fyrir um í 33. gr.
- Lögbæru yfirvaldi er heimilt að leyfa tilflutninga á dýrum í haldi af skráðum tegundum frá stöðvum sem eru staðsettar utan verndarsvæðisins til slátruhúss sem er staðsett á verndarsvæðinu ef:
  - dýrunum er haldið aðskildum frá öðrum dýrum sem eru upprunnin á verndarsvæðinu og slátrað aðskilið frá þessum dýrum eða á öðrum tíma,
  - nýja kjötið sem fæst er skorið, flutt og geymt aðskilið frá nýju kjöti sem er fengið af öðrum dýrum sem eru upprunnin á verndarsvæðinu og
  - hreinsun og sóttthreinsun flutningatækisins, sem um getur í 24. gr., fer fram undir opinberu eftirliti eftir affermingu dýranna.

4. Þrátt fyrir 9. gr. reglugerðar (EB) nr. 1069/2009 er lögbæru yfirvaldi heimilt að leyfa vinnslu og notkun aukaafurða úr dýrum, sem eru fengnar úr dýrum sem er slátrað í samræmi við 1., 2. og 3. mgr., sem efni í 3. flokki í samræmi við reglugerð (EB) nr. 1069/2009 í stöð sem hefur fengið samþykki fyrir vinnslu eða förgun aukaafurða úr dýrum, sem er staðsett á yfirráðasvæði þess, eða í öðru aðildarríki ef það er ekki mögulegt að vinna þær eða farga þeim í samþykktari stöð á yfirráðasvæði aðildarríkisins þar sem sjúkdómurinn kom upp.

Ef aukaafurðir úr dýrum, sem um getur í fyrstu undirgrein, eru fluttar til stöðvar sem er staðsett í öðru aðildarríki skulu viðtökuaðildarríkið og gegnumferðaraðildarríkin heimila slíka sendingu og lögbært yfirvald á viðtökustað skal heimila vinnslu og notkun á þessum aukaafurðum úr dýrum sem efni í 3. flokki í samræmi við reglugerð (EB) nr. 1069/2009.

30. gr.

**Sértæk skilyrði fyrir því að heimila tiltekna tilflutninga á alifuglum frá stöðvum sem eru staðsettar á verndarsvæði**

1. Lögbæru yfirvaldi er heimilt að leyfa tilflutninga á dagsgömlum ungum frá stöðvum sem eru staðsettar á verndarsvæðinu til stöðvar sem er staðsett í sama aðildarríki en, ef mögulegt er, utan takmörkunarsvæðisins að því tilskildu að:

- a) ef um er að ræða dagsgamla unga sem var ungað út úr eggjum sem eru upprunnin á takmörkunarsvæðinu:
  - i. lögbært yfirvald innsigli flutningatækið um leið og það er fermt eða hafi umsjón með því að það sé innsiglað,
  - ii. opinberir dýralæknar komi á opinberri vöktun með viðtökustöðinni í kjölfar komu dýranna og
  - iii. ef alifuglarnir eru fluttir út fyrir takmörkunarsvæðið séu þeir áfram í viðtökustöðinni í a.m.k. 21 dag,
- b) ef um er að ræða dagsgamla unga sem var ungað út úr eggjum sem eru upprunnin utan takmörkunarsvæðisins geti útungunarstöðin sem sendir tryggt að engin snerting hafi verið milli þessara eggja og annarra útungunareggja eða dagsgamalla unga sem eru upprunnin á takmörkunarsvæðinu.

2. Lögbæru yfirvaldi er heimilt að leyfa tilflutninga á alifuglum sem komnir eru að varpi frá stöðvum sem eru staðsettar á verndarsvæðinu til stöðva sem eru staðsettar í sama aðildarríki og, ef mögulegt er, innan takmörkunarsvæðisins að því tilskildu að:

- a) ekki séu nein önnur dýr í haldi af skráðum tegundum í viðtökustöðinni,
- b) lögbært yfirvald innsigli flutningatækið um leið og það er fermt eða hafi umsjón með því að það sé innsiglað,
- c) opinberir dýralæknar komi á opinberri vöktun með viðtökustöðinni í kjölfar komu dýranna og
- d) ef dýrin eru flutt út fyrir takmörkunarsvæðið séu þau áfram í viðtökustöðinni í a.m.k. 21 dag.

31. gr.

**Sértæk skilyrði fyrir því að heimila tiltekna tilflutninga á útungunareggjum á verndarsvæði**

1. Lögbæru yfirvaldi er heimilt að leyfa tilflutninga á útungunareggjum annaðhvort:

- a) frá stöð sem er staðsett á verndarsvæðinu til útungunarstöðvar sem er staðsett í sama aðildarríki eða
- b) frá stöð sem er staðsett í sama aðildarríki til útungunarstöðvar sem er staðsett á verndarsvæðinu.

2. Leyfið, sem kveðið er á um í a-lið 1. mgr., skal vera með fyrirvara um eftirfarandi skilyrði:

- a) foreldrahóparnir sem útungunareggjin koma úr hafa verið settir í klíníska rannsókn og sýni verið tekin til rannsókna á rannsóknarstofu með hagstæðum niðurstöðum,

- b) útungunaregginn og umbúðir þeirra eru sóthreinsuð fyrir sendingu og hægt er að tryggja að unnt sé að rekja útungunaregginn til baka og
  - c) útungunaregginn verða að vera flutt í flutningatæki sem lögbært yfirvald innsiglar.
3. Lögbæru yfirvaldi er heimilt að leyfa tilflutninga á útungunareggjum frá stöð sem er staðsett á verndarsvæðinu til stöðvar til innanhússútungunar sem er staðsett í sama aðildarríki ef:
- a) foreldrahóparnir sem útungunaregginn koma úr hafa verið settir í klíníska rannsókn og sýni verið tekin til rannsókna á rannsóknarstofu með hagstæðum niðurstöðum,
  - b) viðtökustöðin er höfð undir opinberu eftirliti þangað til 21 degi eftir að egginn ungest út,
  - c) alifuglarnir verða að vera á viðtökustöðinni á tímabilinu sem um getur í b-lið og
  - d) kröfurnar, sem um getur í b- og c-lið 2. liðar, eru uppfylltar.

32. gr.

**Sértæk skilyrði fyrir því að heimila tilflutninga á sæði frá samþykktum kímefnamiðstöðvum á verndarsvæði**

Lögbæru yfirvaldi er heimilt að leyfa tilflutninga á sæði sem er safnað úr dýrum af skráðum tegundum í haldi á samþykktum kímefnamiðstöðvum, að undanskildum útungunarstöðvum, sem eru staðsettar á verndarsvæði eftir áætlaða dagsetningu fyrstu sýkingar í stöð sem hefur orðið fyrir áhrifum, með fyrirvara um eftirfarandi skilyrði:

- a) öllum sjúkdómsvarnaráðstöfunum sem varða sjúkdóm í A-flokki hefur verið aflétt á verndarsvæðinu í samræmi við 39. gr.,
- b) öll dýr í haldi af skráðum tegundum á sæðissöfnunarstöðinni hafa verið sett í klíníska rannsókn og sýni verið tekið úr þeim til rannsókna á rannsóknarstofu til þess að útiloka að sjúkdómur í A-flokki sé til staðar á sæðissöfnunarstöðinni og
- c) sýni sem tekið var úr gjafadýri í fyrsta lagi 7 dögum eftir vöktunartímann, sem kemur fram í II. viðauka fyrir viðkomandi sjúkdóm, reiknað fram í tímann frá þeim degi þegar sæðinu var safnað, var sett í rannsókn á rannsóknarstofu með hagstæðum niðurstöðum.

33. gr.

**Sértæk skilyrði fyrir því að heimila tilflutninga á nýju kjöti og hrámjólk úr dýrum í haldi af skráðum tegundum frá stöðvum á verndarsvæði**

1. Lögbæru yfirvaldi er heimilt að leyfa tilflutninga á nýju kjöti og hrámjólk úr dýrum af skráðum tegundum sem eru í haldi í stöðvum sem eru staðsettar á verndarsvæði ef:

- a) þau eru flutt á vinnslustöð til að fá eina af þeim viðeigandi meðhöndlunum til að draga úr áhættu sem kemur fram í VII. viðauka eða
- b) ef um er að ræða nýtt kjöt af alifuglum:
  - i. það hefur verið merkt, í samræmi við 1. lið IX. viðauka, frá þeirri stundu sem það fékkst í sláturhúsinu og
  - ii. það er ekki ætlað fyrir annað aðildarríki.

2. Lögbært yfirvald skal tryggja að tilflutningar til vinnslustöðvarinnar, sem um getur í a-lið 1. mgr., uppfylli eftirfarandi skilyrði:

- a) merkja verður nýtt kjöt, í samræmi við 2. lið IX. viðauka, í sláturhúsinu eftir skoðun eftir slátrun og það verður að bera slíkt merki þangað til það er meðhöndlað,
- b) nýtt kjöt og hrámjólk verða að vera tilflutt frá upprunastöðinni til vinnslustöðvarinnar í lokuðum umbúðum og



- c) vinnslustöðin verður að vera staðsett á sama takmörkunarsvæðinu eða eins nálægt takmörkunarsvæðinu og unnt er og verður að starfa undir eftirliti opinberra dýralækna.

34. gr.

**Sértæk skilyrði fyrir því að heimila tilflutninga á eggjum til mannelis frá stöðvum sem eru staðsettar á verndarsvæði**

Lögbæru yfirvaldi er heimilt að leyfa tilflutning á eggjum til mannelis frá stöðvum sem eru staðsettar á verndarsvæði til eftirfarandi viðtökustaða innan sama aðildarríkis:

- a) til þökkunarstöðvar, að því tilskildu að þeim sé pakkað í:
- i. einnota umbúðir eða
  - ii. umbúðir sem hægt er að hreina og sótthreinsa á þann hátt að viðkomandi sjúkdómsvaldi í A-flokki er eytt,
- b) til stöðva þar sem framleiðsla á eggjaafurðum á sér stað, eins og sett er fram í II. kafla í X. þætti III. viðauka við reglugerð (EB) nr. 853/2004, í því skyni að fá meðferð eða meðhöndlun í samræmi við XI. kafla í II. viðauka við reglugerð Evrópuþingsins og ráðsins (EB) nr. 852/2004 <sup>(15)</sup>.

35. gr.

**Sértæk skilyrði fyrir því að heimila tilflutninga á húsdýraáburði, þ.m.t. undirburður og notað undirburðarefni, frá stöðvum sem eru staðsettar á verndarsvæði til urðunarstaðar**

Lögbæru yfirvaldi er einungis heimilt að leyfa tilflutninga á húsdýraáburði, þ.m.t. undirburður og notað undirburðarefni, frá stöðvum sem eru staðsettar á verndarsvæði til förgunar á tilnefndum urðunarstað, sem er staðsettur innan sama aðildarríkis, eftir vinnslu í samræmi við c-lið 13. gr. reglugerðar (ESB) nr. 1069/2009.

36. gr.

**Sértæk skilyrði fyrir því að heimila tilflutning á fóðurefnum úr jurtaríkinu og hálmum frá verndarsvæði**

Lögbæru yfirvaldi er heimilt að leyfa tilflutninga á fóðurefnum úr jurtaríkinu og hálmum, sem eru framleidd á verndarsvæði, að því tilskildu að:

- a) þau hafi verið framleidd á stöðum sem eru ekki með dýr í haldi af skráðum tegundum,
- b) þau hafi verið framleidd í fóðurvinnslustöðvum sem eru ekki með dýr í haldi af skráðum tegundum og plöntuhráefnið er upprunnið:
- i. á stöðum sem um getur í a-lið eða
  - ii. utan verndarsvæðisins,
- c) þau eru ætluð til notkunar innan verndarsvæðisins eða
- d) þau hafa fengið a.m.k. eina af meðhöndlunum til að draga úr áhættu í samræmi við VIII. viðauka.

37. gr.

**Sértæk skilyrði fyrir því að heimila tilflutninga á dýrum í haldi af skráðum tegundum og afurðum til samþykkrar stöðvar fyrir aukaafurðir úr dýrum**

1. Lögbæru yfirvaldi er heimilt að leyfa tilflutninga á dýrum í haldi af skráðum tegundum frá stöðvum sem eru staðsettar á verndarsvæði til stöðvar sem hefur fengið samþykki fyrir vinnslu eða förgun aukaafurða úr dýrum þar sem:

- a) dýrin í haldi eru tafarlaust aflífuð og
- b) aukaafurðunum úr dýrum, sem verða til, er fargað í samræmi við reglugerð (EB) nr. 1069/2009.

<sup>(15)</sup> Reglugerð Evrópuþingsins og ráðsins (EB) nr. 852/2004 frá 29. apríl 2004 um hollustuhætti sem varða matvæli (Stjútíð. ESB L 139, 30.4.2004, bls. 1).

2. Lögbæru yfirvaldi er heimilt að leyfa tilflutninga á afurðum frá stöðvum og stöðum á verndarsvæðinu til stöðvar, sem hefur fengið samþykki fyrir vinnslu eða förgun aukaafurða úr dýrum, þar sem afurðunum er fargað eða þær unnar í samræmi við reglugerð (EB) nr. 1069/2009.

38. gr.

**Ráðstafanir sem beita skal í matvæla- og fódurfyrirtækjum, á landamæraeftirlitsstöðvum, í fyrirtækjum fyrir aukaafurðir úr dýrum eða á öðrum stöðum sem skipta máli á verndarsvæðinu, þ.m.t. flutningatæki**

1. Lögbært yfirvald skal beita viðeigandi ráðstöfunum, sem um getur í 25. gr. og í 27. til 38. gr., í matvæla- og fódurfyrirtækjum, á landamæraeftirlitsstöðvum, í fyrirtækjum fyrir aukaafurðir úr dýrum eða á öðrum stöðum sem skipta máli á verndarsvæði, þ.m.t. flutningatæki.

2. Lögbæru yfirvaldi er heimilt að beita viðbótarráðstöfunum, sem eru aðlagðar að viðkomandi ástandi, í stöðvunum og á stöðunum sem um getur í 1. mgr. til að koma í veg fyrir að sjúkdómur í A-flokki breiðist út innan verndarsvæðisins og frá því.

39. gr.

**Tímalengd sjúkdómsvarnaráðstafana á verndarsvæði**

1. Lögbæru yfirvaldi er einungis heimilt að aflétta ráðstöfunum, sem kveðið er á um í 1. og 2. þætti þessa kafla, ef lágmarkstíminn sem kemur fram í X. viðauka er liðinn og eftirfarandi skilyrði eru uppfyllt:

- a) bráðabirgðahreinsun og sóttahreinsun og, ef við á, varnir gegn skordýrum og nagdýrum hafa farið fram í samræmi við 15. gr. í stöð sem hefur orðið fyrir áhrifum og
- b) í öllum stöðvum á verndarsvæðinu sem eru með dýr í haldi af skráðum tegundum hafa dýrin verið sett í klínískar rannsóknir og, þegar nauðsyn krefur, rannsóknir á rannsóknarstofu með hagstæðum niðurstöðum í samræmi við 26. gr.

2. Ef viðkomandi sjúkdómur í A-flokki smitast með skráðri smitferju, eins og um getur í reglugerð (ESB) 2018/1882, er lögbæru yfirvaldi heimilt:

- a) að fastsetja hversu lengi ráðstafanirnar á verndarsvæðinu eiga að vara í hverju tilviki fyrir sig, að teknu tilliti til allra þátta sem hafa áhrif á áhættuna á að sjúkdómurinn breiðist út, og
- b) að kveða á um aðflutning vísbendidýra.

3. Eftir afléttingu ráðstafananna, sem um getur í 1. mgr., skulu ráðstafanirnar, sem kveðið er á um í 3. þætti þessa kafla, gilda á verndarsvæðinu a.m.k. á viðbótartímabilinu sem kemur fram í X. viðauka.

3. þáttur

**Sjúkdómsvarnaráðstafanir á eftirlitssvæði**

40. gr.

**Ráðstafanir sem skal beita í stöðvum á eftirlitssvæði**

Lögbært yfirvald skal tafarlaust fyrirskipa beitingu ráðstafananna, sem kveðið er á um í 25. gr., í öllum stöðvum á eftirlitssvæði sem eru með dýr í haldi af skráðum tegundum.

41. gr.

**Heimsóknir opinberra dýralækna til stöðva á eftirlitssvæði**

Lögbært yfirvald skal tryggja að opinberir dýralæknar inni af hendi heimsóknir til úrtaks stöðva sem eru með dýr í haldi af skráðum tegundum á eftirlitssvæði í samræmi við 26. gr. og lið A.3 í I. viðauka.

## 42. gr.

**Bönn í tengslum við starfsemi, þ.m.t. tilflutningar, sem varða dýr, afurðir og aðra efniviði innan eftirlitssvæðis, frá því eða til þess**

Lögbært yfirvald skal beita bönnum, undanþágum og frávikum varðandi starfsemi, þ.m.t. tilflutningar sem varða dýr af skráðum tegundum, afurðir þeirra og aðra efniviði til og frá eftirlitssvæði í samræmi við 27. gr.

## 43. gr.

**Almenn skilyrði fyrir því að veita undanþágur frá bönnunum sem kveðið er á um í 42. gr.**

1. Þrátt fyrir 42. gr. er lögbæru yfirvaldi einungis heimilt að leyfa tilflutning á dýrum og afurðum í tilvikum sem falla undir 44. til 52. gr. samkvæmt sérstöku skilyrðunum sem kveðið er á um í þessum greinum og almennu skilyrðunum sem mælt er fyrir um í 2. til 7. mgr. þessarar greinar.

Áður en lögbært yfirvald veitir leyfið skal það meta áhættuna sem leiðir af þessu leyfi. Í matinu verður að koma fram að áhættan á að breiða út sjúkdóm í A-flokki sé óveruleg.

2. Allir heimilaðir tilflutningar skulu fara fram:

- a) þannig að aðalvegir eða aðaljárnbrautir séu í forgangi,
- b) þannig að komist sé hjá því að koma nálægt stöðvum sem eru með dýr í haldi af skráðum tegundum og
- c) án þess að afferma eða stöðva þangað til affermt er á viðtökustöðinni.

3. Lögbært yfirvald upprunastöðvarinnar skal tilnefna viðtökustöð fyrir tilflutninga frá eftirlitssvæðinu eða til þess. Ef lögbært yfirvald er ekki sama lögbæra yfirvaldið og á viðtökustöðinni skal það upplýsa lögbært yfirvald viðtökustöðvarinnar um slíka tilnefningu.

4. Lögbært yfirvald upprunastöðvarinnar skal sannreyna að viðtökustöðin samþykki að hljóta tilnefningu og að taka á móti hverri sendingu af dýrum eða afurðum.

5. Þegar lögbært yfirvald heimilar tilflutninga á dýrum frá eftirlitssvæðinu skal það tryggja að slíkir tilflutningar skapi ekki áhættu á útbreiðslu sjúkdóms í A-flokki, byggt á:

- a) klínískri rannsókn, með hagstæðum niðurstöðum, á dýrum í haldi í stöðinni, þ.m.t. dýrin sem á að tilflytja,
- b) ef nauðsyn krefur, rannsókn á rannsóknarstofu, með hagstæðum niðurstöðum, á dýrum í haldi í stöðinni, þ.m.t. dýrin sem á að tilflytja, og
- c) niðurstöðu heimsóknanna sem um getur í 41. gr., ef hún liggur fyrir.

6. Þegar lögbært yfirvald heimilar flutning afurða frá eftirlitssvæðinu verður það að tryggja að:

- a) meðan framleiðsluferli afurðanna stóð yfir og geymsla þeirra hafi þær verið skýrt aðgreindar frá afurðum sem eru ekki tækar til sendingar út fyrir takmörkunarsvæðið samkvæmt þessari reglugerð,
- b) afurðir verði ekki fluttar með afurðum sem eru ekki tækar til sendingar út fyrir takmörkunarsvæðið samkvæmt þessari reglugerð.

7. Þegar lögbært yfirvald veitir undanþágurnar sem kveðið er á um í 1. mgr. skal það tryggja að viðbótarráðstöfunum varðandi smitvarnir sé beitt frá fermingu, meðan flutningsaðgerðirnar standa yfir og til affermingar á tilnefndri viðtökustöð í samræmi við fyrirmæli lögbæra yfirvaldsins.

*44. gr.***Sértæk skilyrði fyrir því að heimila tilflutninga á dýrum í haldi af skráðum tegundum innan eftirlitssvæðis, frá því og til þess til slátrunar**

1. Lögbæru yfirvaldi er heimilt að leyfa tilflutninga á dýrum í haldi af skráðum tegundum, sem eru upprunnin á eftirlitssvæði, til sláturhúss sem er staðsett:
  - a) eins nálægt upprunastöðinni og unnt er, innan takmörkunarsvæðisins, eða
  - b) utan takmörkunarsvæðisins, eins nálægt eftirlitssvæðinu og unnt er þegar það er ekki mögulegt að slátra dýrunum á takmörkunarsvæðinu, og eftir að hafa framkvæmt áhættumat.
2. Kjötið af dýrunum, sem um getur í 1. mgr., skal falla undir ráðstafanirnar sem kveðið er á um í 49. gr.
3. Lögbæru yfirvaldi er heimilt að leyfa tilflutninga á dýrum í haldi af skráðum tegundum, sem eru upprunnin utan eftirlitssvæðisins, til sláturhúss sem er staðsett á eftirlitssvæðinu.
4. Lögbæru yfirvaldi er heimilt að leyfa vinnslu og notkun aukaafurða úr dýrum, sem eru fengnar úr dýrum sem er slátrað í samræmi við 1., 2. og 3. mgr., sem efni í 3. flokki í samræmi við reglugerð (EB) nr. 1069/2009 í stöð sem hefur fengið samþykki fyrir vinnslu eða förgun aukaafurða úr dýrum, sem er staðsett á yfirráðasvæði þess, eða í öðru aðildarríki ef það er ekki mögulegt að vinna þær eða farga þeim í samþykktri stöð á yfirráðasvæði aðildarríkisins þar sem sjúkdómurinn kom upp.

Ef aukaafurðir úr dýrum, sem um getur í fyrstu undirgrein, eru fluttar til stöðvar sem er staðsett í öðru aðildarríki skulu viðtökuaðildarríkið og gegnumferðaraðildarríkin heimila slíka sendingu og lögbært yfirvald á viðtökustað skal heimila vinnslu og notkun á þessum aukaafurðum úr dýrum sem efni í 3. flokki í samræmi við reglugerð (EB) nr. 1069/2009.

*45. gr.***Sértæk skilyrði fyrir því að heimila tiltekna tilflutninga á hóf- og klaufdýrum í haldi af skráðum tegundum frá stöðvum á eftirlitssvæði**

1. Lögbæru yfirvaldi er heimilt að leyfa tilflutning hóf- og klaufdýra í haldi af skráðum tegundum til beitilanda sem eru staðsett innan eftirlitssvæðis að því tilskildu að:
  - a) tímabil sem nemur 15 dögum sé liðið frá því að bráðabirgðahreinsun og sóttahreinsun, sem um getur í 15. gr., lauk og hlutu samþykki og
  - b) dýrin komast ekki í snertingu við dýr af skráðum tegundum frá öðrum stöðvum.
2. Lögbæru yfirvaldi er heimilt, eftir að hafa framkvæmt áhættumat, að leyfa tilflutning á hóf- og klaufdýrum í haldi af skráðum tegundum til stöðvar sem tilheyrir sömu aðfangakeðjunni, sem er staðsett innan eða utan eftirlitssvæðisins, til að ljúka framleiðsluferlinu fyrir slátrun. Ef viðtökustöðin er staðsett utan eftirlitssvæðisins skal lögbært yfirvald beita ráðstöfununum, sem kveðið er á um í 40., 41. og 42. gr., í viðkomandi stöð jafnlengi og sjúkdómsvarnaráðstöfunum á eftirlitssvæðinu, sem er upprunasvæðið, er viðhaldið eins og kveðið er á um í 55. gr.

*46. gr.***Sértæk skilyrði fyrir því að heimila tiltekna tilflutninga á alifuglum frá stöðvum sem eru staðsettar á eftirlitssvæði**

1. Lögbæru yfirvaldi er heimilt að leyfa tilflutninga á dagsgömlum ungum sem eru upprunnir á eftirlitssvæði:
  - a) til stöðva í sama aðildarríki þar sem þeim var ungað út úr eggjum sem eru upprunnin í stöðvum innan eftirlitssvæðisins ef:
    - i. viðtökustöðin er sett undir opinbera vöktun í kjölfar komu dýranna og
    - ii. ef dýrin eru flutt út fyrir takmörkunarsvæðið séu þau áfram í viðtökustöðinni í a.m.k. 21 dag,

- b) til stöðva í sama aðildarríki þar sem þeim var ungað út úr eggjum sem eru upprunnin utan takmörkunarsvæðisins ef útungunarstöðin sem sendir getur tryggt að engin snerting hafi verið milli þessara eggja og annarra útungunareggja eða dagsgamalla unga úr dýrum sem voru í haldi innan takmörkunarsvæðisins.
2. Lögbæru yfirvaldi er heimilt að leyfa tilflutninga á alifuglum sem komnir eru að varpi frá stöðvum á eftirlitssvæðinu til stöðva í sama aðildarríki ef:
- a) ekki eru nein önnur dýr í haldi af skráðum tegundum í viðtökustöðinni,
- b) viðtökustöðin er sett undir opinbera vöktun í kjölfar komu alifuglanna sem komnir eru að varpi og
- c) alifuglarnir eru áfram í viðtökustöðinni í a.m.k. 21 dag.

47. gr.

**Sértæk skilyrði fyrir því að heimila tiltekna tilflutninga á útungunareggjum til og frá stöðvum á eftirlitssvæði**

1. Lögbæru yfirvaldi er heimilt að leyfa tilflutninga á útungunareggjum frá stöð sem er staðsett í sama aðildarríki til:
- a) útungunarstöðvar á eftirlitssvæðinu eða
- b) stöðvar til innanhússútungunar sem er staðsett á eftirlitssvæðinu.
2. Lögbæru yfirvaldi er einungis heimilt að leyfa tilflutninga á útungunareggjum frá stöð sem er staðsett á eftirlitssvæðinu til útungunarstöðvar í sama aðildarríki eða til stöðvar til innanhússútungunar sem er staðsett í sama aðildarríki ef útungunareggjin og umbúðir þeirra eru sótthreinsuð fyrir sendingu og hægt er að tryggja að unnt sé að rekja þessi egg til baka.

48. gr.

**Sértæk skilyrði fyrir því að heimila tilflutninga á sæði frá samþykktum kímefnamiðstöðvum á eftirlitssvæði**

Lögbæru yfirvaldi er heimilt að leyfa tilflutninga á sæði sem er safnað úr dýrum af skráðum tegundum í haldi á samþykktum kímefnamiðstöðvum, að undanskildum útungunarstöðvum, sem eru staðsettar á eftirlitssvæði eftir áætlaða dagsetningu fyrstu sýkingar í stöð sem hefur orðið fyrir áhrifum, að því tilskildu að:

- a) öllum sjúkdómsvarnaráðstöfunum sem varða viðkomandi sjúkdóm í A-flokki hefur verið aflétt á eftirlitssvæðinu í samræmi við 55. gr.,
- b) öll dýr í haldi af skráðum tegundum á sæðissöfnunarstöð hafa verið sett í klíniska rannsókn og sýni verið tekið úr þeim til rannsókna á rannsóknarstofu til þess að útiloka að sjúkdómur í A-flokki sé til staðar á sæðissöfnunarstöðinni,
- c) sýni sem tekið var úr gjafadýri í fyrsta lagi 7 dögum eftir vöktunartímann sem kemur fram í II. viðauka fyrir viðkomandi sjúkdóm, reiknað fram í tímann frá þeim degi þegar sæðinu var safnað, var sett í rannsókn á rannsóknarstofu með hagstæðum niðurstöðum.

49. gr.

**Sértæk skilyrði fyrir því að heimila tilflutninga á nýju kjöti og hrámjólk úr dýrum í haldi af skráðum tegundum frá stöðvum sem eru staðsettar á eftirlitssvæði**

1. Lögbæru yfirvaldi er heimilt að leyfa tilflutninga á nýju kjöti og hrámjólk úr dýrum af skráðum tegundum sem eru í haldi í stöðvum sem eru staðsettar á eftirlitssvæði ef:
- a) nýja kjötið eða hrámjólkin er flutt á vinnslustöð til að fá eina af þeim meðhöndlunum til að draga úr áhættu sem kemur fram í VII. viðauka eða
- b) nýja kjötið er af alifuglum.

2. Lögbært yfirvald skal tryggja að nýtt kjöt og hrámjólk sem eru tilflutt skv. a-lið 1. mgr. uppfylli eftirfarandi:
- nýtt kjöt er merkt í samræmi við IX. viðauka þegar það er fengið í sláturhúsinu og heldur þessu merki þangað til það er meðhöndlað og
  - meðhöndlun fer fram í stöð, sem er staðsett á sama takmörkunarsvæði eða eins nálægt takmörkunarsvæðinu og unnt er, sem er starfrækt undir eftirliti opinberra dýralækna.

50. gr.

**Sértæk skilyrði fyrir því að heimila tilflutninga á eggjum til mannelis frá stöðvum á eftirlitssvæði**

1. Lögbæru yfirvaldi er heimilt að leyfa tilflutninga á eggjum til mannelis frá stöðvum á eftirlitssvæði til pökkunarstöðvar sem er staðsett í sama aðildarríki að því tilskildu að þeim sé pakkað í:
- einnota umbúðir eða
  - umbúðir sem hægt er að hreinsa og sótthreinsa á þann hátt að sjúkdómsvaldi í A-flokki er eytt.
2. Lögbæru yfirvaldi er heimilt að leyfa tilflutninga á eggjum til mannelis frá stöðvum sem eru staðsettar á eftirlitssvæðinu til stöðvar þar sem framleiðsla á eggjaafurðum á sér stað, sem er staðsett í sama aðildarríki, ef:
- stöðin þar sem framleiðslan á eggjaafurðunum á sér stað er í samræmi við II. kafla X. þáttar III. viðauka við reglugerð (EB) nr. 853/2004 og
  - eggjin eru tilflutt til stöðvarinnar þar sem framleiðslan á eggjaafurðunum á sér stað í því skyni að fá meðferð eða meðhöndlun í samræmi við XI. kafla II. viðauka við reglugerð (EB) nr. 852/2004.

51. gr.

**Sértæk skilyrði fyrir því að heimila tilflutninga á húsdýraáburði, þ.m.t. undirburður og notað undirburðarefni, frá stöðvum á eftirlitssvæði**

Lögbæru yfirvaldi er heimilt að leyfa tilflutning á húsdýraáburði, þ.m.t. undirburður og notað undirburðarefni, frá stöðvum sem eru staðsettar á eftirlitssvæðinu:

- án vinnslu til urðunarstaðar, sem lögbært yfirvald hefur áður veitt leyfi í þessu skyni, sem er staðsettur á sama eftirlitssvæðinu eða
- í kjölfar vinnslu til urðunarstaðar, sem lögbært yfirvald hefur áður veitt leyfi í þessu skyni, sem er staðsettur á yfirráðasvæðinu í aðildarríkinu.

52. gr.

**Sértæk skilyrði fyrir því að heimila tilflutning á fódurefnum úr jurtaríkinu og hálmi frá eftirlitssvæði**

Lögbæru yfirvaldi er heimilt að leyfa tilflutninga á fódurefnum úr jurtaríkinu eða hálmi, sem eru framleidd á eftirlitssvæði, að því tilskildu að fódurefnin eða hálmurinn:

- hafi verið framleidd á stöðum, öðrum en fódurvinnslustöðvum, sem eru ekki með dýr í haldi af skráðum tegundum,
- hafi verið framleidd í fódurvinnslustöðvum sem eru ekki með dýr í haldi af skráðum tegundum og plöntuhráefnið er upprunnið:
  - á stöðum sem um getur í a-lið eða
  - utan eftirlitssvæðisins,

- c) séu ætluð til notkunar innan eftirlitssvæðisins,
- d) hafi fengið a.m.k. eina af þeim meðhöndlunum til að draga úr áhættu sem kemur fram í VIII. viðauka.

53. gr.

**Sértæk skilyrði fyrir því að heimila tilflutninga á dýrum í haldi af skráðum tegundum og afurðum til samþykkrar stöðvar**

1. Lögbæru yfirvaldi er heimilt að leyfa tilflutninga á dýrum í haldi af skráðum tegundum frá stöðvum sem eru staðsettar á eftirlitssvæði til stöðvar sem hefur fengið samþykki fyrir vinnslu eða förgun aukaafurða úr dýrum þar sem:
  - a) dýrin í haldi eru tafarlaust aflífuð og
  - b) aukaafurðunum úr dýrum, sem verða til, er fargað í samræmi við reglugerð (EB) nr. 1069/2009.
2. Lögbæru yfirvaldi er heimilt að leyfa tilflutninga á afurðum frá stöðvum og öðrum stöðum á eftirlitssvæðinu til stöðvar sem hefur fengið samþykki fyrir vinnslu eða förgun aukaafurða úr dýrum þar sem þeim er fargað eða þær unnar í samræmi við reglugerð (EB) nr. 1069/2009.

54. gr.

**Ráðstafanir sem beita skal í matvæla- og fódur fyrirtækjum, á landamæraeftirlitsstöðvum, í fyrirtækjum fyrir aukaafurðir úr dýrum eða á öðrum stöðum sem skipta máli á eftirlitssvæðinu, þ.m.t. flutningatæki**

1. Lögbært yfirvald skal beita viðeigandi ráðstöfunum, sem um getur í 40. gr. og í 42. til 53. gr., í matvæla- og fódur fyrirtækjum, á landamæraeftirlitsstöðvum, í fyrirtækjum fyrir aukaafurðir úr dýrum eða á öðrum stöðum sem skipta máli á eftirlitssvæðinu, þ.m.t. flutningatæki.
2. Lögbæru yfirvaldi er heimilt að beita viðbótarráðstöfunum, sem eru aðlagðar að viðkomandi ástandi, í stöðvunum og á stöðunum sem um getur í 1. mgr. til að koma í veg fyrir að sjúkdómur í A-flokki breiðist út innan eftirlitssvæðisins og frá því.

55. gr.

**Tímalengd sjúkdómsvarnarádstafana á eftirlitssvæði**

1. Lögbæru yfirvaldi er einungis heimilt að aflétta sjúkdómsvarnarádstöfunum sem beitt er á eftirlitssvæði skv. 1. og 3. þætti þessa kafla ef tímabilið sem kemur fram í XI. viðauka er liðið og eftirfarandi skilyrði eru uppfyllt:
  - a) kröfurnar, sem kveðið er á um í 39. gr., hafa verið uppfylltar á verndarsvæðinu og
  - b) opinberir dýralæknar hafa heimsótt dæmigert úrtak stöðva sem eru með dýr í haldi af skráðum tegundum, með hagstæðum niðurstöðum, í samræmi við 41. gr.
2. Ef viðkomandi sjúkdómur í A-flokki smitast með skráðri smitferju, í samræmi við reglugerð (ESB) 2018/1882, er lögbæru yfirvaldi heimilt:
  - a) að ákvarða hversu lengi ráðstafanirnar á eftirlitssvæðinu eiga að vara í hverju tilviki fyrir sig, að teknu tilliti til þátta sem hafa áhrif á áhættuna á að sjúkdómurinn breiðist út, og
  - b) að kveða á um aðflutning vísbendidýra.

## 4. þáttur

**Undanþágur sem gilda á takmörkunarsvæði ef um er að ræða frekari uppkomur sjúkdóms**

56. gr.

**Undanþágur frá banni við tilflutningum á dýrum innan takmörkunarsvæða þegar takmörkunarráðstöfunum er viðhaldið**

1. Þegar bönnnum við tilflutningi á dýrum, sem kveðið er á um í 27. gr. og 42. gr., er viðhaldið lengur en á tímabilinu sem kemur fram í XI. viðauka vegna opinberrar staðfestingar á frekari uppkomum sjúkdóms í A-flokki er lögbæru yfirvaldi heimilt, í undantekningartilvikum, að leyfa tilflutning á dýrum í haldi af skráðum tegundum frá stöð innan takmörkunarsvæðis í tilvikum sem falla ekki undir undanþágurnar sem kveðið er á um í 27. gr. og 42. gr. ef:
  - a) rekstraraðilinn hefur lagt fram rökstudda umsókn fyrir þessu leyfi,
  - b) áhættan sem leiðir af því að leyfa slíka tilflutninga hefur verið metin áður en leyfið er veitt og matið bendir til þess að áhætta á útbreiðslu sjúkdómsins í A-flokki sé óveruleg,
  - c) opinberir dýralæknar hafa innt af hendi klínískar rannsóknir og safnað sýnum úr dýrum af skráðum tegundum til rannsókna á rannsóknarstofu, þ.m.t. úr þeim sem á að tilflytja, sem hafa skilað hagstæðum niðurstöðum.
2. Þegar tilflutningar á dýrum eru leyfðir skv. 1. mgr. skal lögbært yfirvald tryggja að flutningurinn sé í samræmi við kröfurnar sem mælt er fyrir um í 24. gr.

## III. KAFLI

***Endurnýjun landdýrastofna í stöðvum á takmörkunarsvæðum***

57. gr.

**Skilyrði fyrir því að heimila endurnýjun stofns í stöð sem hefur orðið fyrir áhrifum**

1. Lögbært yfirvald skal eingöngu heimila endurnýjun stofns á stöð sem hefur orðið fyrir áhrifum ef eftirfarandi kröfur eru uppfylltar:
  - a) lokahreinsun og sóttahreinsun og, ef við á, varnir gegn skordýrum og nagdýrum hafa verið:
    - i. framkvæmdar í samræmi við verklagið sem sett er fram í A- og C-lið IV. viðauka með notkun viðeigandi sæfivara til að tryggja eyðingu viðkomandi sjúkdómsvalds í A-flokki og
    - ii. skjalfest á fullnægjandi hátt,
  - b) vöktunartíminn sem kemur fram í II. viðauka fyrir viðkomandi sjúkdóm, reiknað fram í tímann frá þeim degi þegar lokahreinsun og sóttahreinsun sem kveðið er á um í a-lið var framkvæmd, er liðinn.
2. Lögbært yfirvald skal hafa eftirlit með því að lokahreinsun og sóttahreinsun og, ef við á, varnir gegn skordýrum og nagdýrum í stöðinni sem hefur orðið fyrir áhrifum fari fram í samræmi við kröfurnar í a-lið 1. mgr.
3. Lögbært yfirvald skal ekki heimila aðgang að beitilandi fyrir dýr í haldi af skráðum tegundum á tímabilinu meðan það er talið mengað; þetta tímabil skal ákvarðað eftir að áhættumat hefur verið framkvæmt.
4. Ef ekki hefur verið lokið alveg við lokahreinsun og sóttahreinsun og, ef við á, varnir gegn skordýrum og nagdýrum, sem um getur í 1. mgr., af tilhlýðilega rökstuddum ástæðum í stöðinni sem hefur orðið fyrir áhrifum er lögbæru yfirvaldi heimilt að leyfa endurnýjun stofna þrátt fyrir 1. mgr. að því tilskildu að:
  - a) að minnsta kosti 3 mánuðir séu liðnir síðan bráðabirgðahreinsun og sóttahreinsun, eins og um getur í 15. gr., var innt af hendi og



- b) áður en lögbært yfirvald veitir leyfið hefur það metið áhættuna sem leiðir af þessu leyfi og matið bendir til þess að áhætta á útbreiðslu sjúkdómsins í A-flokki sé óveruleg.

58. gr.

**Undanþága frá kröfunni sem kveðið er á um í b-lið 1. mgr. 55. gr.**

Ef uppkoma sjúkdóms í A-flokki er opinberlega staðfest í matvæla- og fóðurfyrirtækjum, á söfnunarstöðvum, landamæra- eftirlitsstöðvum, í fyrirtækjum fyrir aukaafurðir úr dýrum eða á öðrum stöðum sem skipta máli, þ.m.t. flutningatæki, er lögbæru yfirvaldi heimilt að leyfa að dýr í haldi af skráðum tegundum verði tekin inn aftur til slátrunar, samsöfnunar, skoðunar eða flutnings sólarhring eftir að lokið hefur verið við:

- a) ráðstafanirnar sem um getur í 12., 14., 15., 17. og 18. gr. og í a-lið 1. mgr. 57. gr. og
- b) sérhverja viðbótarráðstöfun, sem lögbært yfirvald beitir, sem er aðlöguð að viðkomandi ástandi.

59. gr.

**Kröfur vegna endurnýjunar stofna í stöð sem hefur orðið fyrir áhrifum með dýrum í haldi af skráðum tegundum**

1. Lögbært yfirvald skal hafa eftirlit með því að endurnýjun stofna með dýrum í haldi af skráðum tegundum í stöð sem hefur orðið fyrir áhrifum fari fram í samræmi við ákvæðin í þessari grein.

2. Dýr í haldi af skráðum tegundum sem ætluð eru til stofnendurnýjunar skulu:

- a) ekki vera upprunnin frá stöð sem fellur undir takmarkanirnar sem kveðið er á um í III. kafla og
- b) sett í sýnatöku vegna rannsókna á rannsóknarstofu, með hagstæðum niðurstöðum, til þess að útiloka tilvist sjúkdómsins áður en þau er sett inn í stöðina.
3. Að því er varðar b-lið 2. mgr. skulu sýni tekin úr:
- a) dæmigerðu úrtaki allra dýra, sem á að koma með inn í stöðina, ef komið er með þau öll á sama tíma og frá sömu upprunastöð eða
- b) dæmigerðu úrtaki dýra úr hverri sendingu ef koma á með dýrin inn á mismunandi tímum eða frá mismunandi upprunastöðvum.

Ef um er að ræða dagsgamla unga getur lögbært yfirvald ákveðið að inna ekki af hendi sýnatöku vegna rannsóknar á rannsóknarstofu sem um getur í b-lið 2. mgr.

4. Koma skal með dýr í haldi af skráðum tegundum, sem eru ætluð til endurnýjunar stofna, inn í stöðina sem hér segir:

- a) í allar faraldsfræðilegar einingar og byggingar stöðvar sem hefur orðið fyrir áhrifum,
- b) helst samtímis eða innan vöktunartímans sem kemur fram í II. viðauka fyrir viðkomandi sjúkdóm, reiknað fram í tímann frá þeim degi þegar komið var inn með fyrsta dýrið, eða
- c) ef um er að ræða stöðvar með búskap með útigöngu eða þegar kröfurnar, sem settar eru fram í a-lið, eru óhentugar: með því að nota vísbendidýr sem sýni hafa verið tekin úr til rannsókna á rannsóknarstofu, með hagstæðum niðurstöðum, m.t.t. viðkomandi sjúkdóms í A-flokki áður en komið er með þau inn í stöðina.

5. Opinberir dýralæknar skulu a.m.k. fara í heimsókn í stöð sem hefur orðið fyrir áhrifum á síðasta degi vöktunartímans sem kemur fram í II. viðauka fyrir viðkomandi sjúkdóm, reiknað fram í tímann frá þeim degi þegar komið var með dýrin inn í stöðina, og í öllum tilvikum innan 30 daga frá þeim degi, þar sem þeir inna a.m.k. af hendi:

- a) sannprófun skjala, þ.m.t. greining á skráningum varðandi framleiðslu, heilbrigði og rekjanleika,
- b) klínískra rannsókna á dýrum í haldi af skráðum tegundum og
- c) taka sýni úr dýrum til rannsókna á rannsóknarstofu til þess að staðfesta eða útiloka tilvist viðkomandi sjúkdóms í A-flokki.

6. Sérhver einstaklingur sem kemur í stöðina eða fer frá henni skal fara að viðeigandi ráðstöfunum varðandi smitvarnir sem miða að því að koma í veg fyrir útbreiðslu viðkomandi sjúkdóms í A-flokki.
7. Dýr í haldi af skráðum tegundum skulu einungis fara frá stöðinni með leyfi lögbærs yfirvalds og einungis eftir að hafa fengið hagstæðar niðurstöður úr rannsókn á rannsóknarstofu sem um getur í c-lið 5. mgr.
8. Frá þeim degi þegar komið var með dýrin inn í stöðina og þangað til endurnýjun stofns lýkur, í samræmi við 61. gr., skal rekstraraðilinn:
  - a) halda skráningum varðandi heilbrigði ásamt framleiðslugögnum um dýr í haldi af skráðum tegundum uppfærðum og
  - b) tilkynna lögbæru yfirvaldi tafarlaust um allar umtalsverðar breytingar á framleiðslugögnum og öll önnur frávik.
9. Ef lögbært yfirvald fær tilkynningu um óvenjulega dánartíðni eða klínísk einkenni um viðkomandi sjúkdóm í A-flokki á tímabilinu, sem um getur í 8. mgr., skulu opinberir dýralæknar tafarlaust taka sýni til rannsókna á rannsóknarstofu til þess að útiloka tilvist viðkomandi sjúkdóms í A-flokki.
10. Lögbæru yfirvaldi er heimilt að veita lokuðum starfsstöðvum undanþágu frá einu eða fleiri ákvæðum sem mælt er fyrir um í 1. til 9. mgr. eftir að það hefur metið áhættuna sem leiðir af þessari undanþágu og matið bendir til þess að áhætta á útbreiðslu sjúkdómsins í A-flokki sé óveruleg.

60. gr.

#### **Viðbótarkröfur vegna endurnýjun stofna í stöð sem hefur orðið fyrir áhrifum**

1. Lögbært yfirvald skal heimila endurnýjun stofna í stöð sem hefur orðið fyrir áhrifum með öðrum dýrum en dýrum í haldi af skráðum tegundum, að teknu tilliti til áhættunnar á útbreiðslu viðkomandi sjúkdóms í A-flokki og áhættunnar á þræfustu smitferjunnar.
2. Lögbæru yfirvaldi er heimilt að rýmka gildissvið sumra eða allra ákvæðanna, sem kveðið er á um í 57. og 59. gr., ef fyrirbyggjandi aflífun, eins og kveðið er á um í 4. mgr. 7. gr. og 9. gr., er beitt.

61. gr.

#### **Lokið við endurnýjun stofna og sjúkdómsvarnaráðstöfunum aflétt í stöð sem hefur orðið fyrir áhrifum**

1. Litið skal svo á að endurnýjun stofna í stöð sem hefur orðið fyrir áhrifum sé lokið þegar ráðstöfunum, sem kveðið er á um í 57. og 59. gr. og, ef við á, í 60. gr., er lokið með góðum árangri.
2. Lögbært yfirvald skal aflétta öllum sjúkdómsvarnaráðstöfunum, sem beitt var í stöðinni sem hefur orðið fyrir áhrifum í samræmi við þessa reglugerð, þegar endurnýjun stofna telst lokið eins og kveðið er á um í 1. mgr.

#### *IV. KAFLI*

#### ***Sjúkdómsvarnaráðstafanir varðandi villt dýr af skráðum tegundum***

62. gr.

#### **Ráðstafanir ef grunur vaknar um sjúkdóm í A-flokki í villtum dýrum af skráðum tegundum**

1. Ef grunur vaknar um sjúkdóm í A-flokki í villtum dýrum af skráðum tegundum, í samræmi við 1., 3. og 4. mgr. 9. gr. framseldrar reglugerðar (ESB) 2020/689, skal lögbært yfirvald tafarlaust framkvæma rannsókn til þess að staðfesta eða útiloka tilvist skráða sjúkdómsins sem grunur leikur á að sé til staðar.
2. Við rannsóknina, sem um getur í 1. mgr., skal lögbært yfirvald a.m.k. skipuleggja skoðanir eftir dauða og söfnun sýna úr villtum dýrum af skráðum tegundum, sem eru felld eða finnast dauð, til rannsókna á rannsóknarstofu til þess að staðfesta eða útiloka að sjúkdómur í A-flokki sé til staðar.

3. Að því er varðar skrokka af dauðum, villtum dýrum sem grunur leikur á um að séu með sjúkdóm í A-flokki skal lögbært yfirvald tryggja, hvort heldur sem villtu dýrin voru felld eða fundust dauð, að:

- a) heilum skrokkum dauðra, villtra dýra eða hlutum þeirra verði fargað eða þeir unnir í samræmi við reglugerð (EB) nr. 1069/2009 og
- b) ef það er gerlegt eru hvers konar efniviðir eða efni, sem líklegt er að séu menguð eftir snertingu við skrokka af dauðum, villtum dýrum eða aukaafurðir sem eru fengnar af þessum dýrum, hreinsuð og sótthreinsuð eða fargað samkvæmt leiðbeiningum opinberra dýralækna og undir eftirliti þeirra.

63. gr.

**Ráðstafanir ef um er að ræða uppkomu sjúkdóms í A-flokki í villtum dýrum af skráðum tegundum**

1. Ef uppkoma sjúkdóms í A-flokki er opinberlega staðfest í villtum dýrum af skráðum tegundum, í samræmi við 2., 3. og 4. mgr. 9. gr. framseldrar reglugerðar (ESB) 2020/689, er lögbæru yfirvaldi heimilt að ákvarða sýkt svæði til að koma í veg fyrir frekari útbreiðslu sjúkdómsins á grundvelli:

- a) sjúkdómssniðsins,
- b) áætlaðrar stofnstærðar villtra dýra af skráðum tegundum,
- c) áhættuþátta sem stuðla að útbreiðslu viðkomandi sjúkdóms í A-flokki, einkum áhættu á því að sjúkdómur í A-flokki berist inn í stöðvar sem eru með dýr í haldi af skráðum tegundum,
- d) niðurstaðna úr sýnatöku og
- e) annarra þátta sem skipta máli.

2. Að því er varðar skrokka af villtum dýrum sem viðkomandi sjúkdómur í A-flokki hefur verið staðfestur í skal lögbært yfirvald tryggja, hvort heldur sem villtu dýrin voru felld eða fundust dauð, að:

- a) heilum skrokkum dauðra, villtra dýra eða hlutum þeirra verði fargað eða þeir unnir í samræmi við reglugerð (EB) nr. 1069/2009 og
- b) ef það er gerlegt eru hvers konar efniviðir eða efni, sem líklegt er að séu menguð eftir snertingu við skrokka af dauðum, villtum dýrum eða aukaafurðir úr þessum dýrum, hreinsuð og sótthreinsuð eða fargað samkvæmt leiðbeiningum opinberra dýralækna og undir eftirliti þeirra.

3. Lögbæru yfirvaldi er heimilt að aðlaga svæðamörk upphaflega sýkta svæðisins:

- a) til að verjast frekari útbreiðslu viðkomandi sjúkdóms í A-flokki og
- b) ef um er að ræða staðfestingu á frekari uppkomu sjúkdómsins í A-flokki í villtum dýrum.

4. Lögbært yfirvald skal tafarlaust upplýsa rekstraraðila, klíníska dýralækna, veiðimenn, önnur viðkomandi lögbær yfirvöld og sérhvern hlutaðeigandi einstakling eða lögaðila um uppkomu sjúkdómsins og þær varnarráðstafanir sem hafa verið samþykktar.

64. gr.

**Ráðstafanir sem beita skal á sýktu svæði**

1. Á sýktu svæði, sem er ákvarðað í samræmi við 63. gr., skal lögbært yfirvald skipuleggja skoðanir eftir dauða á villtum dýrum af skráðum tegundum sem eru felld eða finnast dauð, þ.m.t., þegar nauðsyn krefur, nauðsynleg sýnataka vegna rannsóknar á rannsóknarstofu.

2. Á sýkta svæðinu skal lögbært yfirvald að lágmarki:

- a) innleiða ráðstafanir til að milda áhættu og styrktar ráðstafanir varðandi smitvarnir til að koma í veg fyrir að sjúkdómurinn í A-flokki berist frá dýrum sem hafa orðið fyrir áhrifum og sýktum svæðum til dýra sem hafa ekki orðið fyrir áhrifum eða til manna,

- b) banna tilflutninga á villtum dýrum af skráðum tegundum og afurðum af þeim eins og kveðið er á um í framseldri reglugerð framkvæmdastjórnarinnar (ESB) 2020/688 <sup>(16)</sup> og
- c) tryggja að öllum skrokkum af dauðum, villtum dýrum af skráðum tegundum, hvort heldur sem dýrin voru felld eða fundust dauð, eða hlutum þeirra sé fargað eða þeir unnir í samræmi við reglugerð (EB) nr. 1069/2009.

65. gr.

#### **Viðbótarráðstafanir sem beita skal á sýktu svæði**

Í því skyni að komast hjá því að sjúkdómur í A-flokki breiðist út á sýktu svæði er lögbæru yfirvaldi heimilt:

- a) að setja reglur um tilflutninga á dýrum í haldi af skráðum tegundum,
- b) að setja reglur um veiðar og aðra afþreyingu utandyra,
- c) að takmarka fóðrun villtra dýra af skráðum tegundum og
- d) að þróa og koma í framkvæmd útrýmingaráætlun vegna sjúkdómsins í A-flokki í villtum dýrum af skráðum tegundum ef faraldsfræðilegar aðstæður útheimta slíkt.

66. gr.

#### **Starfandi sérfræðingahópur**

Ef um er að ræða opinberlega staðfesta uppkomu sjúkdóms í A-flokki í villtum dýrum af skráðum tegundum og ef um er að ræða að lögbært yfirvald ákvarðar sýkt svæði í samræmi við 63. gr. skal lögbæra yfirvaldið koma á fót starfandi sérfræðingahóp, eins og um getur í 43. gr. reglugerðar (ESB) 2016/429, til að aðstoða sig við:

- a) að meta faraldsfræðilegar aðstæður og þróun þeirra,
- b) að skilgreina sýkta svæðið,
- c) að ákvarða viðeigandi ráðstafanir sem beita skal á sýkta svæðinu í samræmi við þennan kafla og hversu lengi þær standa og
- d) að þróa útrýmingaráætlun, þegar við á.

67. gr.

#### **Tímalengd ráðstafana á sýktu svæði**

Lögbært yfirvald skal viðhalda ráðstöfunum sem beitt er á sýktu svæði, í samræmi við þennan kafla, þangað til faraldsfræðilegar upplýsingar gefa til kynna að hlutaðeigandi villtur stofn skapi ekki lengur áhættu á að bera sjúkdóm í A-flokki inn í stöðvar sem eru með dýr í haldi af skráðum tegundum og starfshópurinn mælir með því að aflétta ráðstöfununum.

V. KAFLI

#### ***Sjúkdómsvarnaráðstafanir vegna sjúkdóma í B- og C-flokki í landdýrum***

68. gr.

#### **Bráðabirgðaráðstafanir um sjúkdómavarnir sem beita skal ef lögbært yfirvald hefur grun um sjúkdóm í B- eða C-flokki í aðildarríki eða á svæði sem hefur fengið þá stöðu að vera laust við sjúkdóma**

Ef grunur vaknar um sjúkdóm í B- eða C-flokki, í samræmi við 1., 3. eða 4. mgr. 9. gr. framseldrar reglugerðar (ESB) 2020/689, í aðildarríkjum eða á svæðum sem hafa fengið þá stöðu að vera laus við sjúkdóma skv. 4. mgr. 36. gr. reglugerðar (ESB) 2016/429 eða 1. mgr. 84. gr. framseldrar reglugerðar (ESB) 2020/689 skal lögbært yfirvald beita þeim ráðstöfunum sem mælt er fyrir um í:

<sup>(16)</sup> Framseld reglugerð framkvæmdastjórnarinnar (ESB) 2020/688 frá 17. desember 2019 um viðbót við reglugerð Evrópuþingsins og ráðsins (ESB) 2016/429 að því er varðar dýraheilbrigðiskröfur vegna tilflutninga á landdýrum og útungunareggjum innan Sambandsins (Stjtið. ESB L 174, 3.6.2020, bls. 140).

- a) ákvæðum 21., 22. og 23. gr. framseldrar reglugerðar (ESB) 2020/689 að því er varðar sýkingu af völdum *Brucella abortus*, *B. melitensis*, *B. suis*, sýkingu af völdum samsetninga *Mycobacterium tuberculosis*, smitandi hvítblæði í nautgripum, smitandi nef- og barkabólgu í nautgripum/smitandi skeiðarbólgu, sýkingu af völdum Aujeszzkys-veikiveiru og smitandi slímhúðarpest í nautgripum,
- b) ákvæðum 35. gr. framseldrar reglugerðar (ESB) 2020/689 að því er varðar sýkingu af völdum hundaeðisveiru og
- c) ákvæðum 41. gr. framseldrar reglugerðar (ESB) 2020/689 af því er varðar sýkingu af völdum blátunguveiru (sermigerð 1–24).

69. gr.

#### **Sjúkdómsvarnaráðstafanir sem beita skal þegar sjúkdómur í B- eða C-flokki er staðfestur**

Ef sjúkdómur í B- eða C-flokki er staðfestur, í samræmi við 2. lið 9. gr. framseldrar reglugerðar (ESB) 2020/689, í aðildarríkjum eða á svæðum sem hafa fengið þá stöðu að vera laus við sjúkdóma skv. 4. mgr. 36. gr. reglugerðar (ESB) 2016/429 eða 1. mgr. 84. gr. framseldrar reglugerðar (ESB) 2020/689 skal lögbært yfirvald beita þeim ráðstöfunum sem mælt er fyrir um í:

- a) ákvæðum 24. til 31. gr. framseldrar reglugerðar (ESB) 2020/689 að því er varðar sýkingu af völdum *Brucella abortus*, *B. melitensis*, *B. suis*, sýkingu af völdum samsetninga *Mycobacterium tuberculosis*, smitandi hvítblæði í nautgripum, smitandi nef- og barkabólgu í nautgripum/smitandi skeiðarbólgu, sýkingu af völdum Aujeszzkys-veikiveiru og smitandi slímhúðarpest í nautgripum,
- b) ákvæðum 36. gr. framseldrar reglugerðar (ESB) 2020/689 að því er varðar sýkingu af völdum hundaeðisveiru og
- c) ákvæðum 42. gr. framseldrar reglugerðar (ESB) 2020/689 af því er varðar sýkingu af völdum blátunguveiru (sermigerð 1–24).

### III. HLUTI

#### **LAGARDÝR**

##### *I. KAFLI*

#### ***Sjúkdómsvarnaráðstafanir vegna sjúkdóma í A-flokki í lagareldisdýrum***

##### 1. þáttur

#### **Bráðabirgðaráðstafanir um sjúkdómavarnir ef grunur vaknar um sjúkdóm í A-flokki í lagareldisdýrum**

70. gr.

#### **Skyldur rekstraraðila ef grunur vaknar um sjúkdóm í A-flokki í lagareldisdýrum í stöðvum**

Ef grunur vaknar um sjúkdóm í A-flokki í lagareldisdýrum af skráðum tegundum skulu rekstraraðilar gera eftirfarandi sjúkdómsvarnaráðstafanir til að koma í veg fyrir að sjúkdómurinn í A-flokki berist frá dýrum, sem hafa orðið fyrir áhrifum, og lagareldisstöðvum sem þeir bera ábyrgð á til annarra lagardýra, sem hafa ekki orðið fyrir áhrifum, þangað til lögbært yfirvald hefur útilokað að sjúkdómurinn í A-flokki sé til staðar:

- a) einangra, ef það er tæknilega mögulegt, öll lagareldisdýr í stöðinni sem grunur leikur á um að séu sýkt af sjúkdómi í A-flokki,
- b) koma í veg fyrir tilflutninga á lagareldisdýrum inn í og út úr stöðinni,
- c) skrá allar heimsóknir og tilflutninga frá stöðinni og til hennar,
- d) halda öllum afurðum, hlutum af búnaði, efniviðum eða efnum, sem líklegt er að séu menguð af og beri smit sjúkdóms í A-flokki, einangruðum og, að því marki sem mögulegt er, vörðum fyrir smitferjum og öðrum lagardýrum,
- e) innleiða viðeigandi ráðstafanir varðandi smitvarnir til að komast hjá því að sjúkdómurinn í A-flokki breiðist út,
- f) veita lögbæru yfirvaldi, að beiðni þess, allar viðeigandi upplýsingar sem varða sjúkdóminn í A-flokki og
- g) fylgja öllum leiðbeiningum frá lögbæru yfirvaldi sem varða varnir gegn sjúkdómnum í A-flokki í samræmi við reglugerð (ESB) 2016/429 og þessa reglugerð.

## 71. gr.

**Rannsókn lögbærs yfirvalds ef grunur vaknar um sjúkdóm í A-flokki í lagareldisdyrum í stöð**

1. Ef grunur vaknar um sjúkdóm í A-flokki í lagareldisdyrum í stöð, í samræmi við 1., 3. og 4. mgr. 9. gr. framseldrar reglugerðar (ESB) 2020/689, skal lögbært yfirvald tafarlaust framkvæma rannsókn til þess að staðfesta eða útiloka skráða sjúkdóminn sem grunur leikur á að sé til staðar.
2. Meðan rannsóknin, sem um getur í 1. mgr., stendur yfir skal lögbært yfirvald tryggja að opinberir dýralæknar inni af hendi a.m.k.:
  - a) klínískar rannsóknir á lagareldisdyrum og
  - b) sýnatöku vegna rannsókna á rannsóknarstofu.

## 72. gr.

**Bráðabirgðatakmarkanir og ráðstafanir varðandi smitvarnir sem beita skal ef grunur vaknar um sjúkdóm í A-flokki í lagareldisdyrum**

1. Ef grunur vaknar um sjúkdóm í A-flokki í stöð skal lögbært yfirvald viðhafa opinbera vöktun með stöðinni og tafarlaust koma á eftirfarandi bráðabirgðatakmarkun og ráðstöfunum varðandi smitvarnir til að koma í veg fyrir að sjúkdómurinn í A-flokki berist frá lagareldisdyrum, sem hafa orðið fyrir áhrifum, og stöðinni til lagareldisdýra sem hafa ekki orðið fyrir áhrifum:
  - a) banna tilflutninga á lagareldisdyrum inn í og út úr stöðinni,
  - b) banna ónaúðsynlegan tilflutning flutningatækja og búnaðar frá stöðinni,
  - c) banna slátrun lagareldisdýra til manneldis,
  - d) ef það er tæknilega mögulegt og talið nauðsynlegt, fyrirskipa einangrun allra lagareldisdýra og
  - e) þegar við á, koma í framkvæmd fullnægjandi úrræðum og ráðstöfunum til að verjast fuglum og öðrum rándýrum.
2. Lögbæru yfirvaldi er heimilt að fyrirskipa fyrirbyggjandi aflífun á skráðum tegundum í stöð sem hefur orðið fyrir áhrifum, þar sem grunur leikur á um sjúkdóm í A-flokki, að því tilskildu að allar nauðsynlegar ráðstafanir vegna smitvarna og aðrar ráðstafanir til að draga úr áhættu séu gerðar til að koma í veg fyrir að sjúkdómurinn í A-flokki breiðist út frá stöðinni.
3. Lögbært yfirvald skal, þrátt fyrir i-lið 10. gr. reglugerðar (EB) nr. 1069/2009 og eftir að hafa framkvæmt áhættumat, heimila tilflutninga á lagareldisdyrum eingöngu í því skyni að aflífa þau tafarlaust í fyrirtæki sem framleiðir matvæli úr lagardýrum og beitir sjúkdómsvörnum eða í stöð sem hefur fengið samþykki fyrir vinnslu eða förgun sem aukaafurðir úr dýrum í 1. eða 2. flokki í samræmi við þá reglugerð. Einungis má veita heimildina þegar nauðsynlegar ráðstafanir vegna smitvarna og aðrar ráðstafanir til að draga úr áhættu eru gerðar til að koma í veg fyrir að sjúkdómurinn í A-flokki breiðist út.
4. Allar aukaafurðir úr dauðum lagareldisdyrum sem hafa drepist eða verið aflífuð í samræmi við þessa grein, þ.m.t. lindyraskeljar með holdi, skulu, þrátt fyrir i-lið 10. gr. reglugerðar (EB) nr. 1069/2009, unnar eða þeim fargað sem efni í 1. eða 2. flokki í samræmi við þá reglugerð til að tryggja að viðkomandi sjúkdómsvaldur sé óvirkjaður og til að koma í veg fyrir að sjúkdómurinn berist í önnur lagareldisdýr.

## 73. gr.

**Skrá og greining á skráningum ef grunur vaknar um sjúkdóm í A-flokki í lagareldisdyrum**

1. Ef grunur vaknar um sjúkdóm í A-flokki skal lögbært yfirvald án tafar fyrirskipa og sannreyna að rekstraraðilar stöðva, þar sem grunur leikur á um sjúkdóm í A-flokki, taki saman og viðhaldi uppfærðri skrá yfir eftirfarandi:
  - a) tegundir, flokka og magn (fjöldi, magn eða þyngd) allra lagareldisdýra sem eru í haldi á stöðinni,

- b) allar afurðir, efniviði eða efni sem líklegt er að séu menguð eða eru líkleg til að bera með sér sjúkdóm í A-flokki og
- c) dauðsföll í hverri faraldsfræðilegri einingu innan stöðvarinnar, skráð daglega.

2. Opinberir dýralæknar skulu, innan ramma faraldsfræðilegrar rannsóknar eins og um getur í 57. gr. reglugerðar (ESB) 2016/429 sem fer fram í stöðvum þar sem grunur leikur á um sjúkdóminn, greina a.m.k. þær skráningar sem eru taldar upp í 1. mgr. 186. gr. reglugerðar (ESB) 2016/429.

74. gr.

**Rýmkun sjúkdómsvarnaráðstafana, ef grunur vaknar um sjúkdóm í A-flokki, svo þær nái yfir aðrar stöðvar**

Í því skyni að koma í veg fyrir að sjúkdómur í A-flokki breiðist út skal lögbært yfirvald inna af hendi rannsókn, eins og kveðið er á um í 71. gr., og, eftir að hafa framkvæmt áhættumat, rýmka viðeigandi ráðstafanir sem kveðið er á um í 72. og 73. gr. þannig að þær nái yfir:

- a) stöðvar sem eru staðsettar í sama hólfi og stöðin þar sem grunur leikur á um sjúkdóminn eða þar sem straumfræðileg skilyrði eða staðfræðileg skilyrði hafa vegna fjarlægðar í för með sér aukna áhættu á að fá viðkomandi sjúkdómsvald frá stöðinni þar sem grunur leikur á um sjúkdóminn,
- b) allar aðrar stöðvar en þær sem um getur í a-lið sem eru með bein faraldsfræðileg tengsl við stöðina þar sem grunur leikur á um sjúkdóminn.

75. gr.

**Tímabundin takmörkunarsvæði umhverfis stöð**

Lögbæru yfirvaldi er heimilt að fastsetja tímabundið takmörkunarsvæði umhverfis stöð þar sem grunur leikur á um sjúkdóm í A-flokki og þar sem bráðabirgðaráráðstöfunum um sjúkdómavarnir er beitt, eins og um getur í 72. og 73. gr., að teknu tilliti til eftirfarandi aðstæðna:

- a) staðsetningar stöðvarinnar á svæði þar sem eru aðrar stöðvar sem eru með lagareldisdýr í haldi af skráðum tegundum og þar sem grunur leikur á um sjúkdóm í A-flokki,
- b) tilflutnings á dýrum nálægt stöðinni þar sem grunur hefur vaknað,
- c) tafa við að staðfesta sjúkdóm í A-flokki skv. 77. gr.,
- d) ófullnægjandi upplýsinga um hugsanlegan uppruna sjúkdóms í A-flokki, sem grunur leikur á um, og smitleiða hans og
- e) sjúkdómssniðs, einkum smitleiða og smithraða sjúkdómsins og þrífestu sjúkdómsins í viðkomandi stofni lagareldisdýra af skráðum tegundum.

76. gr.

**Ráðstafanir sem skal beita ef grunur vaknar um sjúkdóm í A-flokki í matvæla- og fódurfyrirtækjum, hreinsunarstöð, afgreiðslustöð, á landamæraeftirlitsstöðvum, í fyrirtækjum fyrir aukaafurðir úr dýrum eða á öðrum stöðum sem skipta máli, þ.m.t. flutningatæki**

1. Ef grunur vaknar um sjúkdóm í A-flokki, í samræmi við 1., 3. og 4. mgr. 9. gr. framseldrar reglugerðar (ESB) 2020/689, í matvæla- og fódurfyrirtækjum, hreinsunarstöðvum, afgreiðslustöðvum, á landamæraeftirlitsstöðvum, í fyrirtækjum fyrir aukaafurðir úr dýrum eða á öðrum stöðum sem skipta máli, þ.m.t. flutningatæki, skal lögbært yfirvald beita:

- a) ráðstöfunum sem kveðið er á um í 71. til 75. gr. og
  - b) ef þörf krefur, viðbótarráðstöfunum sem eru aðlagðar að viðkomandi ástandi til að koma í veg fyrir að sjúkdómurinn í A-flokki berist frá dýrum og stöðvum eða stöðum sem liggja undir grun til dýra sem hafa ekki orðið fyrir áhrifum.
2. Lögbært yfirvald skal einnig beita ákvæðum, sem mælt er fyrir um í 71. til 75. gr., í upprunastöð dýranna eða afurðanna sem eru til staðar í stöðvunum og á stöðunum sem um getur í 1. mgr.

## 2. þáttur

**Sjúkdómsvarnaráðstafanir ef sjúkdómur í A-flokki er opinberlega staðfestur í lagareldisdýrum**

## 77. gr.

**Opinber staðfesting á sjúkdómi í A-flokki í lagareldisdýrum**

Lögbært yfirvald skal opinberlega staðfesta uppkomu sjúkdóms í A-flokki í lagareldisdýrum þegar skilyrðin, sem sett eru fram í 2., 3. og 4. mgr. 9. gr. framseldrar reglugerðar (ESB) 2020/689, eru uppfyllt.

## 78. gr.

**Sjúkdómsvarnaráðstafanir ef uppkoma sjúkdóms í A-flokki er opinberlega staðfest í stöð**

1. Í kjölfar opinberrar staðfestingar á uppkomu sjúkdóms í A-flokki í samræmi við 77. gr. skal lögbært yfirvald, til viðbótar við ráðstafanirnar sem kveðið er á um í 72. og 73. gr., fyrirskipa að eftirfarandi sjúkdómsvarnaráðstöfunum verði tafarlaust beitt undir eftirliti opinberra dýralækna í stöðinni þar sem uppkoma sjúkdóms í A-flokki hefur verið opinberlega staðfest:

- a) fiskar og krabbadýr af skráðum tegundum skulu aflífuð eins fljótt og unnt er og lindýr af skráðum tegundum skulu tekin úr vatninu eins fljótt og unnt er,
  - b) þrátt fyrir i-lið 10. gr. reglugerðar (EB) nr. 1069/2009 skal farga dýrunum, sem um getur í a-lið, sem efni í 1. eða 2. flokki í samræmi við þá reglugerð,
  - c) ráðstafanirnar, sem kveðið er á um í a- og b-lið, skulu gerðar annaðhvort:
    - i. í stöð þar sem uppkoma sjúkdóms í A-flokki var opinberlega staðfest og síðari vinnsla fór fram á staðnum eða
    - ii. í fyrirtæki sem framleiðir matvæli úr lagardýrum og beitir sjúkdómsvörnum eða í stöð sem hefur fengið samþykki fyrir vinnslu eða förgun, í samræmi við reglugerð (EB) nr. 1069/2009, á þann hátt að komið er í veg fyrir áhættu á útbreiðslu sjúkdómsins í A-flokki,
  - d) eins fljótt og unnt er skal aflífa lagareldisdýr af óskráðum tegundum eða slátra þeim til manneldis eða, ef um er að ræða lindýr, taka þau úr vatninu í samræmi við b-lið 1. mgr.,
  - e) beita skal viðeigandi ráðstöfunum til að takmarka hvers konar hugsanlega útbreiðslu sjúkdómsins í A-flokki til og frá villtum lagardýrum sem gætu verið í faraldsfræðilegri snertingu við stöðina,
  - f) allar afurðir, efniviðir eða efni, sem geta verið menguð, skulu einangruð þangað til:
    - i. þeim er fargað í samræmi við reglugerð (EB) nr. 1069/2009 ef um er að ræða aukaafurðir úr dýrum,
    - ii. þeim er fargað eða þau eru unnin, þrátt fyrir i-lið 10. gr. reglugerðar (EB) nr. 1069/2009, sem efni í 1. eða 2. flokki í samræmi við þá reglugerð ef um er að ræða afurðir úr dýraríkinu,
    - iii. hreinsunar- og sóttgreinsunarráðstöfunum er lokið í samræmi við ákvæði 80. gr., ef um er að ræða efniviði og efni sem eru hæf til hreinsunar og sóttgreinsunar, og
    - iv. þau eru fjarlægð úr stöðinni og þeim fargað undir eftirliti opinberra dýralækna, ef um er að ræða fóður og aðra efniviði sem eru óhæf til hreinsunar og sóttgreinsunar.
2. Lögbært yfirvald skal fyrirskipa og hafa eftirlit með því:
- a) að flutningur aukaafurða úr dýrum frá stöð sem hefur orðið fyrir áhrifum, sem um getur í i. lið f-liðar 1. mgr., og afurða úr dýraríkinu, sem um getur í ii. lið f-liðar 1. mgr., sé í samræmi við ákvæði reglugerðar (EB) nr. 1069/2009 og
  - b) að flutningur efniviða eða efna frá stöð sem hefur orðið fyrir áhrifum, sem um getur í iv. lið f-liðar 1. mgr., sé í samræmi við fyrirmæli þess að því er varðar skilyrði á sviði smitvarna og líföryggis til að koma í veg fyrir útbreiðslu sjúkdómsvalds í A-flokki.



3. Þrátt fyrir a-lið 1. mgr. er lögbæru yfirvaldi heimilt, eftir að hafa framkvæmt áhættumat, að leyfa slátrun á fiski eða krabbadýrum, eða, ef um er að ræða lindýr, að taka þau úr vatninu, til manneldis á stöðinni eða í stöð sem framleiðir matvæli úr lagardýrum og beitir sjúkdómsvörnum að því tilskildu að viðeigandi ráðstafanir vegna smitvarna og aðrar nauðsynlegar ráðstafanir til að draga úr áhættu séu gerðar til að koma í veg fyrir að sjúkdómurinn í A-flokki breiðist út. Allar aukaafurðir úr dýrum sem fást með þessari undanþágu skulu, þrátt fyrir i-lið 10. gr. reglugerðar (EB) nr. 1069/2009, unnar eða þeim fargað sem efni í 1. eða 2. flokki í samræmi við þá reglugerð.

4. Þrátt fyrir d-lið 1. mgr. er lögbæru yfirvaldi heimilt, eftir að hafa framkvæmt áhættumat, að ákveða að aflífa ekki lagareldisdýr af óskráðum tegundum, slátra þeim eða taka þau úr vatninu að því tilskildu að viðeigandi ráðstafanir til að draga úr áhættu séu gerðar til að koma í veg fyrir hvers konar áhættu á útbreiðslu viðkomandi sjúkdóms í A-flokki frá stöðinni.

5. Þrátt fyrir ii. lið f-liðar 1. mgr. er lögbæru yfirvaldi heimilt, eftir að hafa framkvæmt áhættumat, að leyfa setningu afurða úr dýraríkinu á markað í samræmi við 83. gr.

79. gr.

#### **Sérstakar undanþágur frá eftirlitsráðstöfunum í stöðvum þar sem skráðar tegundir eru í haldi í vísindaskyni eða í tilgangi sem tengist varðveislu tegunda í hættu**

1. Lögbæru yfirvaldi er heimilt að veita undanþágur frá ráðstöfununum sem kveðið er á um í a- og c-lið 1. mgr. 78. gr. ef um er að ræða opinbera staðfestingu á sjúkdómi í A-flokki í stöðvum þar sem skráðar tegundir eru í haldi í vísindaskyni eða í tilgangi sem tengist varðveislu tegunda í hættu að því tilskildu að:

- a) heilbrigðisástandi dýra í hlutaðeigandi aðildarríki eða öðrum aðildarríkjum sé ekki teflt í tvísýnu og
  - b) að allar viðeigandi ráðstafanir varðandi smitvarnir, eins og tilgreint er í 78. gr., séu gerðar til að koma í veg fyrir hvers konar áhættu á útbreiðslu sjúkdómsvaldsins í A-flokki.
2. Ef undanþága er veitt skv. 1. mgr. skal lögbært yfirvald tryggja að lagareldisdýr af skráðum tegundum, sem falla undir undanþáguna, séu:
- a) í haldi á athafnasvæðum þar sem viðeigandi ráðstöfunum varðandi smitvarnir til að forðast útbreiðslu viðkomandi sjúkdóms í A-flokki er komið í framkvæmd og
  - b) sett undir frekara eftirlit og rannsókn á rannsóknarstofu og séu ekki tilflutt frá stöðinni fyrr en rannsóknarstofuprófanir benda til þess að þau skapi ekki áhættu á frekari útbreiðslu viðkomandi sjúkdóms í A-flokki.

80. gr.

#### **Hreinsun og sóthreinsun**

1. Lögbært yfirvald skal fyrirskipa rekstraraðilum, án tafar eftir að sjúkdómsvarnaráðstafanirnar sem kveðið er á um í 78. gr. hafa verið inntar af hendi, að hreinsa og sóthreinsa:

- a) stöðina, að því marki sem lögbært yfirvald telur að það sé tæknilega mögulegt,
- b) allan búskapartengdan búnað, þ.m.t. en ekki takmarkað við fóðrun, flokkun, meðhöndlun, bólusetningu og vinnubáta,
- c) allan framleiðslutengdan búnað, þ.m.t. en ekki takmarkað við búr, net, bókka, poka og línur,
- d) allan hlífðarfatnað eða öryggisbúnað sem rekstraraðilar og gestir nota og
- e) öll flutningatæki, þ.m.t. tankar og annar búnaður sem er notaður til að tilflytja sýkt dýr eða starfsfólk sem hefur verið í snertingu við sýkt dýr.

2. Hreinsun og sóthreinsun, eins og kveðið er á um í 1. mgr., skal fara fram:

- a) í samræmi við aðferðarlýsingu sem lögbært yfirvald og rekstraraðili hafa áður komið sér saman um og
- b) undir eftirliti opinberra dýralækna.

81. gr.

#### **Rekstrarhvíld stöðvar sem hefur orðið fyrir áhrifum**

Eftir að hreinsun og sóttgreinsun, sem kveðið er á um í 80. gr., er lokið skal lögbært yfirvald fyrirskipa rekstraraðilum að setja stöð sem hefur orðið fyrir áhrifum í rekstrarhvíld í þann tiltekna tíma sem mælt er fyrir um í XIII. viðauka.

82. gr.

#### **Rýmkun sjúkdómsvarnaráðstafana ef sjúkdómur í A-flokki er staðfestur**

Í því skyni að koma í veg fyrir að sjúkdómur í A-flokki breiðist út skal lögbært yfirvald inna af hendi rannsókn, eins og kveðið er á um í 71. gr., og, eftir að hafa framkvæmt áhættumat, rýmka sumar eða allar þær ráðstafanir sem kveðið er á um í 78., 80. og 81. gr. þannig að þær nái yfir:

- a) stöðvar í sama hólfi eða þar sem straumfræðileg skilyrði eða staðfræðileg skilyrði hafa í för með sér, vegna fjarlægðar, aukna áhættu á að fá viðkomandi sjúkdómsvald frá stöðinni, sem liggur undir grun, þar sem sjúkdómurinn er staðfestur,
- b) allar stöðvar þar sem komið hafa í ljós, í kjölfar rannsóknarinnar sem kveðið er á um í 57. gr. reglugerðar (ESB) 2016/429, bein faraldsfræðileg tengsl við stöðina þar sem sjúkdómurinn er staðfestur.

83. gr.

#### **Setning á markað á afurðum úr lagareldisdýrum af skráðum tegundum sem eru framleiddar í sýktum stöðvum**

1. Þegar undanþága er veitt skv. 5. mgr. 78. gr. er lögbæru yfirvaldi einungis heimilt að leyfa setningu afurða úr dýraríkinu á markað ef eftirfarandi skilyrði eru uppfyllt:

- a) slátra verður fiskum og slægja þá fyrir sendingu,
- b) lindýr og krabbadýr verða að vera rekjanleg að öllu leyti og unnin þannig fyrir sendingu að afurðirnar verði ólífvænlegar og geti ekki lifað ef þær eru settar aftur í vatnið.

Ef gerð er krafa um hreinsun fyrir vinnslu og setningu á markað skal hún fara fram í fyrirtæki sem framleiðir matvæli úr lagardýrum og beitir sjúkdómsvörnum eða í smitvarinni hreinsunarstöð.

2. Afurðir úr dýraríkinu, sem um getur í 1. mgr., skulu ætlaðar:

- a) beint til lokaneytanda eða
- b) til frekari vinnslu í fyrirtæki sem framleiðir matvæli úr lagardýrum og beitir sjúkdómsvörnum.

84. gr.

#### **Ráðstafanir sem beita skal ef sjúkdómur í A-flokki er staðfestur í matvæla- og fódurfyrirtækjum, hreinsunarstöð, afgreiðslustöð, á landamæraeftirlitsstöðvum eða öðrum stöðum sem skipta máli, þ.m.t. flutningatæki**

1. Ef sjúkdómur í A-flokki er staðfestur í matvæla- og fódurfyrirtækjum, hreinsunarstöð, afgreiðslustöð, á landamæraeftirlitsstöðvum eða öðrum stöðum sem skipta máli, þ.m.t. flutningatæki, í samræmi við 77. gr., skal lögbært yfirvald beita:

- a) ráðstöfunum sem kveðið er á um í 78., 80. og 81. gr. og
- b) ef þörf krefur, viðbótarráðstöfunum sem eru aðlagðar að viðkomandi ástandi til að koma í veg fyrir að sjúkdómurinn í A-flokki berist frá dýrum sem hafa orðið fyrir áhrifum og stöðvum eða stöðum til dýra sem hafa ekki orðið fyrir áhrifum.

2. Lögbært yfirvald skal einnig beita ákvæðum, sem mælt er fyrir um í 78., 80. og 81. gr., í upprunastöð dýranna eða afurðanna sem eru til staðar í stöðvunum og á stöðunum sem um getur í 1. mgr.

*II. KAFLI***Sjúkdómsvarnaráðstafanir vegna sjúkdóma í A-flokki í lagareldisdýrum á takmörkunarsvæði**

## 1. þáttur

**Almennar sjúkdómsvarnaráðstafanir á takmörkunarsvæði**

## 85. gr.

**Takmörkunarsvæði komið á fót**

1. Ef uppkoma sjúkdóms í A-flokki er opinberlega staðfest í stöð, matvæla- og fóðurfyrirtæki, fyrirtæki fyrir aukaafurðir úr dýrum eða á öðrum stöðum sem skipta máli, þ.m.t. flutningatæki, skal lögbært yfirvald tafarlaust fastsetja takmörkunarsvæði umhverfis stöðina, sem hefur orðið fyrir áhrifum, eða staðinn, þ.m.t.:

- a) verndarsvæði umhverfis stöðina eða staðinn þar sem sjúkdómurinn í A-flokki er staðfestur,
- b) eftirlitssvæði umhverfis verndarsvæðið og
- c) ef nauðsyn krefur, á grundvelli viðmiðananna sem settar eru fram í 1. mgr. 64. gr. reglugerðar (ESB) 2016/429, frekari takmörkunarsvæði umhverfis eða aðliggjandi verndar- og eftirlitssvæðunum.

2. Umfang svæðanna skal ákvarðað á grundvelli hvers tilviks fyrir sig að teknu tilliti til þátta sem hafa áhrif á áhættuna á að sjúkdómurinn breiðist út. Í þessu skyni skal lögbært yfirvald hafa í huga eftirfarandi gögn og viðmiðanir:

- a) gögn úr faraldsfræðilegri rannsókn í samræmi við 57. gr. reglugerðar (ESB) 2016/429,
- b) viðeigandi straumfræðileg gögn,
- c) viðmiðanir sem eru tilgreindar í 1. mgr. 64. gr. reglugerðar (ESB) 2016/429 og
- d) viðmiðanir sem kveðið er á um í XIV. viðauka við þessa reglugerð.

3. Lögbært yfirvald skal aðlaga svæðamörk upphaflega takmörkunarsvæðisins, þ.m.t. svæðamörk verndarsvæða, eftirlitssvæða og frekari takmörkunarsvæða, ef um er að ræða að tvö eða fleiri takmörkunarsvæði skarist vegna frekari uppkomu sjúkdóms í A-flokki.

4. Þrátt fyrir 1. mgr. er lögbæru yfirvaldi heimilt, vegna sérstakra landfræðilegra, straumfræðilegra og faraldsfræðilegra aðstæðna og eftir að hafa framkvæmt áhættumat, að teknu tilliti til sjúkdómssniðsins:

- a) að fastsetja ekki takmörkunarsvæði, eins og kveðið er á um í 1. mgr., umhverfis sýktu stöðina eða staðinn,
- b) að fastsetja takmörkunarsvæði sem samanstendur af verndarsvæði án aðliggjandi eftirlitssvæðis og
- c) að fastsetja ekki takmörkunarsvæði þegar sjúkdómur í A-flokki er staðfestur í matvæla- og fóðurfyrirtækjum, hreinsunarstöð, afgreiðslustöð, á landamæraeftirlitsstöðvum, í fyrirtækjum fyrir aukaafurðir úr dýrum eða á öðrum stöðum sem skipta máli, þ.m.t. flutningatæki.

5. Lögbæru yfirvaldi er heimilt að veita undanþágu, eftir því sem þurfa þykir og eftir að hafa framkvæmt áhættumat að teknu tilliti til landfræðilegra, straumfræðilegra og faraldsfræðilegra aðstæðna og sjúkdómssniðsins, frá ákvæðunum í þessum kafla:

- a) á frekari takmörkunarsvæðum og
- b) ef lögbært yfirvald ákveður að fastsetja takmörkunarsvæði þegar sjúkdómur í A-flokki kemur upp í stöð eða á öðrum stað sem skiptir máli sem um getur í c-lið 4. mgr.

## 86. gr.

**Ráðstafanir sem beita skal á takmörkunarsvæði**

1. Lögbært yfirvald skal tafarlaust taka saman skrá yfir allar stöðvar, sem eru með lagareldisdýr í haldi af skráðum tegundum og eru staðsettar á takmörkunarsvæði, og halda skránni uppfærðri, þ.m.t. tegundir, flokkar og áætlaður fjöldi dýra í hverri stöð.

2. Lögbæru yfirvaldi er heimilt skv. a- lið 1. og 2. mgr. 78. gr., byggt á faraldsfræðilegum upplýsingum eða öðrum viðeigandi sönnunum og eftir að hafa framkvæmt áhættumat, að beita fyrirbyggjandi aflífun lagareldisdýra af skráðum tegundum í stöðvum sem eru staðsettar innan takmörkunarsvæðisins eða slátra lagareldisdýrunum til mannelis eða, ef um er að ræða lindýr, að taka þau úr vatninu.

3. Öll sýnataka í stöðvum á takmörkunarsvæðinu, sem eru með lagareldisdýr í haldi af skráðum tegundum, í öðrum tilgangi en til þess að staðfesta eða útiloka að viðkomandi sjúkdómur í A-flokki sé til staðar skal vera með leyfi lögbærs yfirvalds.

## 2. þáttur

### Sjúkdómsvarnaráðstafanir á verndarsvæði

#### 87. gr.

#### Ráðstafanir sem beita skal í stöðvum á verndarsvæði sem eru með lagareldisdýr í haldi

1. Lögbært yfirvald skal fyrirskipa rekstraraðilum annarra stöðva, sem eru með lagareldisdýr í haldi af hvaða tegund sem er á verndarsvæði, en stöðinni þar sem sjúkdómur í A-flokki hefur verið staðfestur, að gera a.m.k. eftirfarandi ráðstafanir til að koma í veg fyrir og verjast útbreiðslu sjúkdómsins:

- a) uppfæra tafarlaust skráningarnar í skránni sem kveðið er á um í 1. mgr. 73. gr.,
- b) þegar við á, koma til framkvæmda viðeigandi ráðstöfunum til að takmarka hvers konar hugsanlega útbreiðslu sjúkdómsins í A-flokki til og frá villtum lagardýrum sem gætu verið í faraldsfræðilegri snertingu við stöðina,
- c) koma í veg fyrir að lagareldisdýr séu fjarlægð frá stöðinni þar sem þau eru í haldi nema lögbært yfirvald heimili það,
- d) koma í framkvæmd viðeigandi ráðstöfunum varðandi smitvarnir að því er varðar allar afurðir, hluta af búnaði, efniviði eða efni sem líklegt er að breiði viðkomandi sjúkdóm í A-flokki út,
- e) fækka gestum niður í þann fjölda sem er strangt til tekið nauðsynlegur til að starfrækja stöðina á viðeigandi hátt og
- f) ef því verður við komið, að koma í framkvæmd viðeigandi aðferðum til hreinsunar og sóthreinsunar við innganga og útganga stöðvarinnar.

2. Lögbært yfirvald skal fyrirskipa og hafa eftirlit með því að rekstraraðilinn hafi unnið eða fargað, sem efni í viðkomandi flokki í samræmi við reglugerð (EB) nr. 1069/2009, aukaafurðum úr lagareldisdýrum af skráðum tegundum sem hafa drepist eða verið aflífud, þ.m.t. lindýraskeljar með holdi, í stöðvum sem eru með skráðar tegundir í haldi innan verndarsvæðisins.

3. Lögbært yfirvald getur ákveðið, eftir að hafa framkvæmt áhættumat, að 87. og 88. gr. gildi einungis um lagareldisdýr af skráðum tegundum.

#### 88. gr.

#### Heimsóknir opinberra dýralækna til stöðva á verndarsvæði

1. Lögbært yfirvald skal tryggja að opinberir dýralæknar fari í a.m.k. eina heimsókn til allra stöðvanna, sem um getur í 87. gr., eins fljótt og unnt er og tafarlaust eftir að uppkoma sjúkdóms í A-flokki hefur verið opinberlega staðfest og þar sem forgangur beinist að stöðvum sem lögbært yfirvald hefur metið að skapi mikla áhættu að því er varðar að fá sjúkdóm eða breiða hann út.

2. Þegar opinberir dýralæknar fara í heimsóknirnar, sem um getur í 1. mgr., skulu þeir inna af hendi a.m.k. eftirfarandi starfsemi:

- a) sannprófun skjala og greiningu á skráningum,

- b) sannprófun á framkvæmd ráðstafana sem ætlað er að koma í veg fyrir að viðkomandi sjúkdómur í A-flokki komi upp eða berist út í samræmi við 87. gr.,
  - c) klínískra rannsókn á lagareldisdýrum af skráðum tegundum og
  - d) ef nauðsyn krefur, taka sýni til rannsókna á rannsóknarstofu til þess að staðfesta eða útiloka að viðkomandi sjúkdómur í A-flokki sé til staðar.
3. Lögbært yfirvald getur krafist frekari dýralækaheimsókna til stöðva til eftirfylgni með ástandinu.
4. Lögbært yfirvald skal skrá starfsemina og heimsóknirnar sem um getur í 1., 2. og 3. mgr. og niðurstöður þar að lútandi.

89. gr.

**Bönn í tengslum við tilflutninga á lagareldisdýrum, afurðum úr lagareldisdýrum, öðrum efnum og efniviðum innan verndarsvæðis, frá því eða til þess**

1. Lögbært yfirvald skal banna eftirfarandi tilflutninga innan verndarsvæðis:
- a) tilflutning á lagareldisdýrum af skráðum tegundum milli stöðva á verndarsvæðinu,
  - b) tilflutning á lagareldisdýrum af skráðum tegundum frá verndarsvæðinu eða til þess,
  - c) alla tilflutninga á flutningatækjum frá stöðvum innan verndarsvæðisins og á öllum búnaði, afurðum, efniviðum eða efnum sem eru líkleg til að bera með sér viðkomandi sjúkdóm í A-flokki,
  - d) flutning á lagareldisdýrum með brunnbátum gegnum verndarsvæðið og
  - e) sendingu óunninna aukaafurða úr lagareldisdýrum af hvaða tegund sem er frá stöðvum á verndarsvæðinu.
2. Lögbæru yfirvaldi er heimilt, eftir að hafa framkvæmt áhættumat, að rýmka bönnin sem kveðið er á um í a- til d-lið 1. mgr. svo þau nái yfir dýr af óskráðum tegundum og afurðir þeirra.

90. gr.

**Almenn skilyrði fyrir því að veita undanþágur frá bönnum við tilflutningi og flutningi sem varða lagardýr og afurðir á verndarsvæðinu**

1. Þrátt fyrir bönnin sem kveðið er á um í 1. mgr. 89. gr. er lögbæru yfirvaldi heimilt að leyfa tilflutning og flutning á lagardýrum og afurðum í tilvikum sem falla undir 91. til 94. gr. og samkvæmt sérstöku skilyrðunum sem kveðið er á um í þessum greinum og almennu skilyrðunum sem mælt er fyrir um í 2. mgr. þessarar greinar.
2. Þegar lögbært yfirvald veitir leyfin, sem kveðið er á um í 1. mgr., skal það tryggja að eftirfarandi skilyrði séu uppfyllt:
- a) allir tilflutningar verða að fara fram eingöngu á sérleiðum, sem samið hefur verið um við lögbært yfirvald, án þess að afferma eða stöðva,
  - b) öll skipti á vatni og vatnslosun meðan flutningurinn stendur yfir verða að fara fram á svæðum, í stöðvum eða á vatnsskiptastöðum sem lögbært yfirvald hefur samþykkt,
  - c) flutningatæki verður að vera hannað og haldið við á þann hátt að vandleg hreinsun og sóttþreinsun á því geti farið fram,

- d) flutningatækið er hreinsað og sótthreinsað:
  - i. fyrir flutningsaðgerðir og
  - ii. eftir flutningsaðgerðir undir eftirliti opinbers dýralæknis,
- e) gera verður allar aðrar viðbótarráðstafanir varðandi smitvarnir í tengslum við flutningsaðgerðirnar sem lögbært yfirvald telur nauðsynlegar.

91. gr.

**Sérstök skilyrði fyrir slátrun lagareldisdýra af skráðum tegundum og tilflutningum á þeim til slátrunar eða vinnslu frá stöðvum á verndarsvæði**

1. Að því er varðar lagareldisdýr frá stöðvum sem eru með skráðar tegundir í haldi á verndarsvæðinu má:
  - a) slátra þeim innan stöðvarinnar í samræmi við ráðstafanir varðandi smitvarnir sem lögbært yfirvald kveður á um eða
  - b) tilflytja þau til tafarlausrar slátrunar til manneldis í fyrirtæki sem framleiðir matvæli úr lagardýrum og beitir sjúkdómsvörnum eða
  - c) ef um er að ræða lindýr, taka þau úr vatninu og tilflytja í fyrirtæki sem framleiðir matvæli úr lagardýrum og beitir sjúkdómsvörnum til hreinsunar, ef nauðsyn krefur, og frekari vinnslu.
2. Lögbæru yfirvaldi er heimilt, eftir að hafa framkvæmt áhættumat sem byggist á viðeigandi faraldsfræðilegum gögnum, að takmarka beitingu ráðstafananna, sem kveðið er á um í 1. mgr., við stöðvar sem eru einungis með lagareldisdýr í haldi af tegundum sem eru tilgreindar í þriðja dálki viðaukans við framkvæmdareglugerð framkvæmdastjórnarinnar (ESB) 2018/1882.
3. Þegar tilflutningar á lagareldisdýrum, sem um getur í b-lið 1. mgr., eru heimilaðir skal lögbært yfirvald sem ber ábyrgð á fyrirtækinu sem framleiðir matvæli úr lagardýrum og beitir sjúkdómsvörnum:
  - a) upplýst um þá fyrirtælan að senda lagareldisdýr af skráðum tegundum í fyrirtækið sem framleiðir matvæli úr lagardýrum og beitir sjúkdómsvörnum,
  - b) samþykkja að taka við umræddum lagareldisdýrum,
  - c) hafa eftirlit með og staðfesta slátrun dýranna við lögbært sendingaryfirvald,
  - d) tryggja að lagareldisdýrum af skráðum tegundum sem eru upprunnin á verndarsvæðinu sé haldið aðskildum frá lagareldisdýrum af skráðum tegundum sem eru upprunnin utan verndarsvæðisins og slátrað eða unnin aðskilið frá þessum dýrum,
  - e) hafa eftirlit með slátrun eða vinnslu,
  - f) tryggja að hreinsun og sótthreinsun athafnasvæðanna sé lokið áður en lagareldisdýrum frá stöðvum utan verndarsvæðisins er slátrað eða þau unnin,
  - g) tryggja að afurðir úr dýraríkinu sem eru fengnar úr lagareldisdýrunum séu í samræmi við sérstök skilyrði fyrir setningu á markað sem kveðið er á um í 92. gr. og
  - h) tryggja að aukaafurðir úr dýrum eftir slátrun eða aðra vinnslu, sem um getur í 1. mgr., séu unnar eða þeim fargað í samræmi við reglugerð (EB) nr. 1069/2009.

92. gr.

**Sérstök skilyrði fyrir því að setja á markað afurðir úr lagareldisdýrum af skráðum tegundum sem eru framleiddar í stöð, sem hefur ekki orðið fyrir áhrifum, á verndarsvæði**

1. Lögbæru yfirvaldi er heimilt að leyfa að afurðir úr dýraríkinu, sem eru fengnar úr lagareldisdýrum af skráðum tegundum í stöðvum á verndarsvæði sem hafa ekki orðið fyrir áhrifum, séu settar á markað að því tilskildu að eftirfarandi skilyrði séu uppfyllt:
  - a) slátra verður fiskum og slægja þá fyrir sendingu og
  - b) lindýr og krabbadýr verða að vera rekjanleg að öllu leyti og unnin þannig fyrir sendingu að afurðirnar verði ólífvænlegar og geti ekki lifað ef þær eru settar aftur í vatnið.

2. Afurðir úr dýraríkinu, sem um getur í 1. mgr., skulu ætlaðar:
  - a) til beinnar afhendingar til lokaneytanda eða
  - b) til frekari vinnslu í fyrirtæki sem framleiðir matvæli úr lagardýrum og beitir sjúkdómsvörnum.

93. gr.

**Sérstök skilyrði fyrir því að heimila flutning á óunnnum aukaafurðum úr dýrum frá stöðvum sem eru staðsettar á verndarsvæði**

Lögbæru yfirvaldi er heimilt að leyfa flutning óunninna aukaafurða af lagareldisdýrum af skráðum tegundum frá stöðvum á verndarsvæði til stöðvar til frekari vinnslu í samræmi við reglugerð (EB) nr. 1069/2009.

94. gr.

**Ráðstafanir til að draga úr áhættu að því er varðar tiltekna starfsemi í tengslum við lagardýr innan verndarsvæðis**

1. Lögbæru yfirvaldi er heimilt, eftir að hafa framkvæmt áhættumat, að koma á ráðstöfunum til að draga úr áhættu að því er varðar:
  - a) fiskveiðar í atvinnuskyni og til tómstunda á verndarsvæðinu,
  - b) aðra starfsemi sem tengist lagardýrum á verndarsvæðinu og sem getur skapað áhættu á að sjúkdómurinn breiðist út og
  - c) flutning þjónustubáta sem eru notaðir vegna viðhaldsaðgerða og meðhöndlunar á lagardýrum á verndarsvæðinu.
2. Lögbæru yfirvaldi er heimilt að fyrirskipa, eftir því sem við á, innan ramma þeirra ráðstafana sem kveðið er á um í 1. mgr., hreinsun og sóttgreinsun búnaðar sem hefur verið notaður í vötnum sem falla undir verndarsvæðið.

95. gr.

**Ráðstafanir sem beita skal í matvæla- og fóðurfyrirtækjum, hreinsunarstöð, afgreiðslustöð, á landamæraeftirlitsstöðvum, í fyrirtækjum fyrir aukaafurðir úr dýrum eða á öðrum stöðum sem skipta máli á verndarsvæði, þ.m.t. flutningatæki**

1. Lögbært yfirvald skal beita ráðstöfunum, sem kveðið er á um í 87. til 93. gr., í matvæla- og fóðurfyrirtækjum, hreinsunarstöð, afgreiðslustöðvum, á landamæraeftirlitsstöðvum, í fyrirtækjum fyrir aukaafurðir úr dýrum eða á öðrum stöðum sem skipta máli á verndarsvæði, þ.m.t. flutningatæki.
2. Lögbæru yfirvaldi er heimilt að beita viðbótarráðstöfunum, sem eru aðlagðar að viðkomandi ástandi, í stöðvunum og á stöðunum sem um getur í 1. mgr. til að koma í veg fyrir að sjúkdómur í A-flokki breiðist út innan verndarsvæðisins og frá því.

96. gr.

**Fjarlæging lagareldisdýra frá stöðvum sem hafa orðið fyrir áhrifum og eftirfylgjandi ráðstafanir til að draga úr áhættu**

1. Lögbært yfirvald skal ákvarða á hvaða tímapunkti skuli fjarlægja lagareldisdýr úr öllum sýktum stöðvum.
2. Lögbært yfirvald getur ákveðið, eftir að hafa framkvæmt áhættumat, að 1. mgr. gildi einnig um stöðvar á verndarsvæði þar sem sjúkdómurinn í A-flokki hefur ekki verið staðfestur til að verjast og koma í veg fyrir hugsanlega útbreiðslu sjúkdómanna.

3. Eftir að lagareldisdýr hafa verið fjarlægð, eins og kveðið er á um í 1. mgr., skal inna af hendi hreinsun, sóthreinsun og rekstrarhvíld í samræmi við 80. og 81. gr.
4. Lögbært yfirvald skal fyrirskipa samstillta rekstrarhvíld í stöðvum sem hafa orðið fyrir áhrifum og í stöðvum sem eru valdar í samræmi við 2. mgr.
5. Samstillta rekstrarhvíldin, sem um getur í 4. mgr., skal standa yfir á því tímabili sem mælt er fyrir um í XIII. viðauka.

97. gr.

#### **Tímalengd sjúkdómsvarnaráðstafana á verndarsvæði, endurnýjun stofna í stöðvum sem falla undir verndarsvæðið**

1. Lögbært yfirvald skal viðhalda sjúkdómsvarnaráðstöfunum, sem kveðið er á um í 2. þætti þessa kafla, á verndarsvæði þangað til:
  - a) ráðstöfunum í 96. gr. er komið í framkvæmd og lokið við þær og
  - b) lögbært yfirvald hefur, á grundvelli niðurstöðu þeirra rannsókna sem fara fram í samræmi við 88. gr., útilokað öll tilvik viðkomandi sjúkdóms í A-flokki í öðrum stöðvum innan verndarsvæðisins.
2. Þegar skilyrðin, sem sett eru fram í 1. mgr., eru uppfyllt:
  - a) skal lögbært yfirvald beita þeim ráðstöfunum sem kveðið er á um í 3. þætti þessa kafla á verndarsvæðinu á tímabilinu sem sett er fram í 101. gr. og
  - b) endurnýja má stofna í stöðvunum, sem um getur í 1. og 2. mgr. 96.gr., sem féllu áður undir verndarsvæðið.

3. þáttur

#### **Sjúkdómsvarnaráðstafanir á eftirlitssvæði**

98. gr.

#### **Ráðstafanir sem skal beita í stöðvum á eftirlitssvæði**

1. Lögbært yfirvald skal fyrirskipa að ráðstöfunum, sem kveðið er á um í 87. gr., sé beitt í öllum stöðvum á eftirlitssvæði sem eru með lagareldisdýr í haldi af skráðum tegundum.
2. Opinberir dýralæknar skulu heimsækja stöðvarnar, sem um getur í 1. mgr., og inna af hendi þá starfsemi sem kveðið er á um í 2. mgr. 88. gr. eins og við á.
3. Stöðvarnar innan eftirlitssvæðisins skulu vera undir eftirliti sem samanstendur af heimsóknum og sýnatökum eins og lýst er í 1. lið XV. viðauka.
4. Lögbært yfirvald skal inna af hendi eftirlitið sem kveðið er á um í 3. mgr.

99. gr.

#### **Ráðstafanir í tengslum við tilflutning og flutning lagareldisdýra innan eftirlitssvæðis, frá því eða til þess**

1. Lögbært yfirvald skal banna alla tilflutninga á lagareldisdýrum frá stöðvum innan eftirlitssvæðis til slátrunar, frekara eldis eða sleppingar út í náttúruna utan eftirlitssvæðisins.



2. Lögbært yfirvald skal tryggja að allir flutningar á lagareldisdýrum af skráðum tegundum innan eftirlitssvæðisins eða inn á það fari fram við skilyrðin sem sett eru fram í a- til e-lið 90. gr. og í 91. gr.
3. Lögbæru yfirvaldi er heimilt að fyrirskipa viðeigandi viðbótarráðstafanir varðandi smitvarnir sem beita skal við flutningsaðgerðir, þ.m.t. afferming á tilnefndri viðtökustöð, til að verjast og koma í veg fyrir hugsanlega útbreiðslu sjúkdómanna.
4. Þrátt fyrir 1. mgr. og í samráði við lögbært yfirvald á viðtökustaðnum er lögbæru yfirvaldi heimilt að leyfa tilflutninga á lagareldisdýrum að því tilskildu að viðeigandi ráðstöfunum varðandi smitvarnir sé beitt til að koma í veg fyrir að sjúkdómur í A-flokki breiðist út.

100. gr.

**Ráðstafanir sem beita skal í matvæla- og fódurfyrirtækjum, hreinsunarstöð, afgreiðslustöð, á landamæraeftirlitsstöðvum, í fyrirtækjum fyrir aukaafurðir úr dýrum eða á öðrum stöðum sem skipta máli á eftirlitssvæðinu, þ.m.t. flutningatæki**

1. Lögbært yfirvald skal tafarlaust fyrirskipa að ráðstöfunum, sem kveðið er á um í 98. og 99. gr., sé beitt í matvæla- og fódurfyrirtækjum, hreinsunarstöð, afgreiðslustöðvum, á landamæraeftirlitsstöðvum, í fyrirtækjum fyrir aukaafurðir úr dýrum eða á öðrum stöðum sem skipta máli á eftirlitssvæði, þ.m.t. flutningatæki.
2. Lögbæru yfirvaldi er heimilt að beita viðbótarráðstöfunum, sem eru aðlagðar að viðkomandi ástandi, á stöðunum sem um getur í 1. mgr. til að koma í veg fyrir að sjúkdómur í A-flokki breiðist út innan eftirlitssvæðisins og frá því.

101. gr.

**Tímalengd sjúkdómsvarnaráðstafana á eftirlitssvæði**

Lögbært yfirvald skal aflétta sjúkdómsvarnaráðstöfunum sem kveðið er á um í þessum þætti þegar eftirlitstímabilið, sem kemur fram í 2. lið XV. viðauka, fyrir viðkomandi sjúkdóm í A-flokki er liðið með hagstæðum niðurstöðum.

*III. KAFLI*

***Sjúkdómsvarnaráðstafanir varðandi villt lagardýr***

102. gr.

**Ráðstafanir ef grunur vaknar um tilvik sjúkdóms í A-flokki í villtum lagardýrum af skráðum tegundum**

Ef grunur vaknar um tilvik sjúkdóms í A-flokki í villtum lagardýrum af skráðum tegundum, í samræmi við 1., 3. og 4. mgr. 9. gr. framseldrar reglugerðar (ESB) 2020/689, skal lögbært yfirvald:

- a) tafarlaust framkvæma rannsókn á villtum lagardýrum af skráðum tegundum, sem eru veidd, fönguð, safnað eða finnast dauð, til þess að staðfesta eða útiloka að viðkomandi sjúkdómur í A-flokki sé til staðar í samræmi við 2. mgr. 71. gr.,
- b) tryggja að allar aukaafurðir úr dýrum sem eru fengnar úr villtum lagardýrum af skráðum tegundum sem grunur leikur á um að séu smituð, þ.m.t. lindyraskeljar með holdi, séu unnar eða þeim fargað sem efni í 1. eða 2. flokki í samræmi við reglugerð (EB) nr. 1069/2009,
- c) tryggja, ef því verður við komið, að hvers konar efniviður eða efni, sem líklegt er að séu menguð af völdum dýra sem grunur leikur á um að séu smituð eða aukaafurða sem eru fengnar úr þessum dýrum, séu hreinsuð og sóttþreinsuð eða fargað samkvæmt leiðbeiningum opinberra dýralækna og undir eftirliti þeirra og
- d) veita rekstraraðilum eða yfirvöldum, sem bera ábyrgð á stjórnun viðkomandi dýrastofna, viðeigandi upplýsingar.

*103. gr.***Ráðstafanir ef um er að ræða uppkomu sjúkdóms í A-flokki í villtum lagardýrum af skráðum tegundum**

1. Ef um er að ræða opinberlega staðfest tilvik sjúkdóms í A-flokki í villtum lagardýrum af skráðum tegundum skal lögbært yfirvald ákvarða sýkt svæði á grundvelli:
  - a) viðeigandi straumfræðilegra, staðfræðilegra og faraldsfræðilegra skilyrða,
  - b) sjúkdómssniðs og áætlaðrar stofnstærðar lagardýra af skráðum tegundum og
  - c) áhættuþátta sem stuðla að útbreiðslu viðkomandi sjúkdóms í A-flokki, einkum þeirra sem tengjast áhættu á að sjúkdómurinn berist inn í stöðvar sem eru með lagardýr í haldi af skráðum tegundum.
2. Lögbæru yfirvaldi er heimilt að aðlaga svæðamörk upphaflega sýkta svæðisins:
  - a) til að verjast frekari útbreiðslu viðkomandi sjúkdóms í A-flokki og
  - b) ef um er að ræða staðfestingu á frekari uppkomu sjúkdómsins í A-flokki í villtum dýrum.
3. Lögbært yfirvald skal tafarlaust upplýsa rekstraraðila, önnur viðkomandi lögbær yfirvöld, viðkomandi dýralækna og sérhvern hlutaðeigandi einstakling eða lögaðila um uppkomu sjúkdómanna og þær varnarráðstafanir sem hafa verið samþykktar.

*104. gr.***Ráðstafanir sem beita skal á sýktu svæði**

1. Lögbært yfirvald skal, á sýktu svæði sem er fastsett í samræmi við 103. gr.:
  - a) innleiða ráðstafanir til að milda áhættu og styrktar ráðstafanir varðandi smitvarnir til að koma í veg fyrir að sjúkdómur í A-flokki berist frá dýrum sem hafa orðið fyrir áhrifum og sýktum svæðum til dýra sem hafa ekki orðið fyrir áhrifum og svæða,
  - b) banna allan tilflutning manna á villtum lagardýrum af skráðum tegundum og afurðum úr dýraríkinu, sem eru fengnar úr þessum dýrum, frá sýkta svæðinu,
  - c) tryggja, þrátt fyrir i-lið 10. gr. reglugerðar (EB) nr. 1069/2009, að allar aukaafurðir úr dýrum sem eru fengnar úr villtum lagardýrum af skráðum tegundum á smitaða svæðinu, þ.m.t. lindýraskeljar með holdi, séu unnar eða þeim fargað sem efni í 1. eða 2. flokki í samræmi við þá reglugerð,
  - d) tryggja, ef því verður við komið, að hvers konar efniviður eða efni, sem líklegt er að séu menguð af völdum villtra lagardýra af skráðum tegundum á smitaða svæðinu eða aukaafurða sem eru fengnar úr þessum dýrum, séu hreinsuð og sóttthreinsuð eða fargað samkvæmt leiðbeiningum opinberra dýralækna og undir eftirliti þeirra og
  - e) banna að komið sé með einhverja hluta af lagardýrum af skráðum tegundum, hvort sem þau eru veidd, fönguð, er safnað eða finnast dauð á sýkta svæðinu, sem og allar afurðir, efni eða efniviði, sem líklegt er að séu smituð af sjúkdómi í A-flokki á sýkta svæðinu, inn í stöðvar, sem eru með lagareldisdýr í haldi af skráðum tegundum bæði innan og utan sýkta svæðisins, eða inn á vatnasvið eða strandsvæði utan sýkta svæðisins.
2. Þrátt fyrir b-lið 1. mgr. og í því skyni að varðveita verðmætt erfðefni er lögbæru yfirvaldi heimilt að leyfa tilflutninga á villtum lagardýrum af skráðum tegundum frá sýkta svæðinu til stöðvar sem lögbært yfirvald hefur heimilað í þessu skyni, að því tilskildu að viðeigandi ráðstöfunum varðandi smitvarnir sé beitt til að koma í veg fyrir að sjúkdómur í A-flokki breiðist út. Lítið skal svo á að viðtökustöðin sé stöð sem er staðsett á sýkta svæðinu að því er varðar 108. gr.

*105. gr.***Viðbótarráðstafanir sem beita skal á sýktu svæði**

1. Eftir að lögbært yfirvald hefur framkvæmt áhættumat skal það ákvarða viðbótarráðstafanir sem eru nauðsynlegar til að verjast viðkomandi sjúkdómi í A-flokki eða útrýma honum.

2. Lögbæru yfirvaldi er heimilt, sem hluta af því að verjast viðkomandi sjúkdómi í A-flokki eða útrýma honum, að:
  - a) stöðva tímabundið starfsemi við endurnýjun stofna, veiðar, söfnun og tekju,
  - b) fyrirskipa skyldubundna hreinsun og sótthreinsun veiðarfæra og báta og annars búnaðar sem líklegt er að séu menguð og
  - c) auka starfsemi við veiðar, söfnun og tekju eða koma öðrum viðeigandi ráðstöfunum í framkvæmd til að útrýma sjúkdómnum.
3. Ráðstöfunum, sem kveðið er á um í 1. mgr., skal komið í framkvæmd eftir samráð og í samstarfi við starfandi sérfræðingahópinn, sem um getur í 107. gr., og önnur yfirvöld og hagsmunaaðila.

*106. gr.*

#### **Rýmkuð ráðstafana**

Lögbært yfirvald getur ákveðið að viðeigandi ráðstafanir í 102. til 105. gr. gildi einnig um lagardýr af óskráðum tegundum.

*107. gr.*

#### **Starfandi sérfræðingahópur**

1. Ef um er að ræða staðfest tilvik sjúkdóms í A-flokki í villtum lagardýrum af skráðum tegundum skal lögbært yfirvald koma á fót starfandi sérfræðingahóp eins og um getur í iii. lið d-liðar 2. mgr. 43. gr. reglugerðar (ESB) 2016/429.
2. Starfandi sérfræðingahópurinn skal aðstoða lögbæra yfirvaldið við:
  - a) að meta faraldsfræðilegar aðstæður og þróun þeirra,
  - b) að ákvarða sýkt svæði og
  - c) að ákvarða viðeigandi ráðstafanir sem beita skal á sýkta svæðinu og hversu lengi þær standa.

*108. gr.*

#### **Ráðstafanir í stöðvum innan sýkta svæðis**

1. Lögbært yfirvald skal beita þeim ráðstöfunum sem kveðið er á um í 87. gr. í stöðvum innan sýkta svæðis sem eru með lagareldisdýr í haldi af skráðum tegundum.
2. Til viðbótar við þær ráðstafanir sem kveðið er á um í 87. gr. skal lögbært yfirvald banna tilflutning á lagareldisdýrum sem eru í haldi á stöðvum innan sýkta svæðisins:
  - a) út af sýkta svæðinu eða
  - b) til annarra stöðva á sýkta svæðinu.
3. Lögbæru yfirvaldi er heimilt, eftir að hafa framkvæmt áhættumat, að takmarka bannið í 2. mgr. við lagareldisdýr af skráðum tegundum.
4. Þrátt fyrir 2. mgr. er lögbæru yfirvaldi heimilt að leyfa, eftir að hafa framkvæmt áhættumat og í samráði við lögbært yfirvald á viðtökustaðnum, tilflutning á dýrum af skráðum tegundum út af sýkta svæðinu eða til annarra stöðva á sýkta svæðinu.

*109. gr.*

#### **Tímalengd ráðstafana á sýkta svæði**

Lögbært yfirvald skal viðhalda ráðstöfunum, sem kveðið er á um í þessum kafla, þangað til faraldsfræðilegar upplýsingar gefa til kynna að hlutaðeigandi villtur stofn skapi ekki lengur áhættu á að breiða sjúkdóminn út og starfshópurinn mælir með því að aflétta ráðstöfununum.

## IV. KAFLI

**Sjúkdómsvarnaráðstafanir vegna sjúkdóma í B- og C-flokki í lagardýrum**

## 110. gr.

**Bráðabirgðaráðstafanir um sjúkdómavarnir sem beita skal ef lögbært yfirvald hefur grun um sjúkdóm í B- eða C-flokki í aðildarríki eða á svæðum eða í hölfum sem hafa fengið þá stöðu að vera laust við sjúkdóma**

Ef grunur vaknar um sjúkdóm í B- eða C-flokki, í samræmi við 1., 3. eða 4. mgr. 9. gr. framseldrar reglugerðar (ESB) 2020/689, í aðildarríkjum, á svæðum eða í hölfum sem hafa fengið þá stöðu að vera laus við sjúkdóma eins og kveðið er á um í 36. gr. (4. mgr.) og 37. gr. (4. mgr.) reglugerðar (ESB) 2016/429 eða í 83. gr., 84. gr. (h- til m-liður 1. mgr.) eða 84. gr. (b- til g-liður 2. mgr.) framseldrar reglugerðar (ESB) 2020/689 skal lögbært yfirvald beita þeim ráðstöfunum sem mælt er fyrir um í 55., 56. og 57. gr. framseldrar reglugerðar (ESB) 2020/689.

## 111. gr.

**Sjúkdómsvarnaráðstafanir sem beita skal þegar sjúkdómur í B- eða C-flokki er staðfestur**

Ef sjúkdómur í B- eða C-flokki er staðfestur, í samræmi við 2., 3. eða 4. mgr. 9. gr. framseldrar reglugerðar (ESB) 2020/689, í aðildarríkjum, á svæðum eða í hölfum sem hafa fengið þá stöðu að vera laus við sjúkdóma eins og kveðið er á um í 36. gr. (4. mgr.) og 37. gr. (4. mgr.) reglugerðar (ESB) 2016/429 eða í 83. gr., 84. gr. (h- til m-liður 1. mgr.) eða 84. gr. (b- til g-liður 2. mgr.) framseldrar reglugerðar (ESB) 2020/689 skal lögbært yfirvald beita þeim ráðstöfunum sem mælt er fyrir um í 58. til 65. gr. framseldrar reglugerðar (ESB) 2020/689.

## IV. HLUTI

**LOKAÁKVÆÐI**

## 112. gr.

**Niðurfellingar**

Tilskipun 92/66/EBE, tilskipun 2001/89/EB, tilskipun 2003/85/EB og tilskipun 2005/94/EB, sem og þær gerðir sem eru samþykktar á grundvelli þeirra, skulu falla úr gildi frá og með 21. apríl 2021.

## 113. gr.

**Gildistaka og framkvæmd**

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 21. apríl 2021.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 17. desember 2019.

*Fyrir hönd framkvæmdastjórnarinnar,*

Ursula VON DER LEYEN

*forseti.*

*I. VIÐAUKI***KLÍNÍSKAR RANNSÓKNIR, SÝNATÖKUADFERÐIR, ADFERÐIR TIL AÐ GREINA SJÚKDÓMA Í A-FLOKKI OG FLUTNINGUR SÝNA**

(eins og um getur í 3. gr. þessarar reglugerðar)

**A. Sýnatökuaðferðir****A.1 SÝNATAKA ÚR DÝRUM TIL KLÍNÍSKRA RANNSÓKNA**

1. Klínískar rannsóknir verða að taka til, ef mögulegt er:
  - a) dýra sem sýna klínísk einkenni um sjúkdóma í A-flokki,
  - b) dýra sem líklegt er að hafi drepist nýlega úr sjúkdómi sem grunur leikur á um/staðfestum sjúkdómi,
  - c) dýra með faraldsfræðileg tengsl við tilvik sem grunur leikur á um eða staðfest tilvik og
  - d) dýra sem hafa fengið jákvæðar niðurstöður eða niðurstöður sem eru ekki afdráttarlausar í fyrri rannsóknum á rannsóknarstofu.
2. Velja verður dýr til skoðunar af handahófi, nógu mörg til að unnt sé að greina sjúkdóminn, ef hann er til staðar, ef það eru engin greinileg merki um sjúkdóm eða vefjaskemmdir eftir dauða sem benda til sjúkdóma í A-flokki.
3. Velja verður dýr til skoðunar og aðferð við sýnatöku í samræmi við leiðbeiningar lögbærs yfirvalds og viðkomandi viðbragðsáætlun eins og um getur í 43. gr. reglugerðar (ESB) 2016/429. Að því er varðar dýr til skoðunar og aðferð við sýnatöku verður að taka tillit til sjúkdómssniðs og:
  - a) tilgangsins með sýnatökunni,
  - b) skráðra tegunda sem eru í haldi í stöðinni,
  - c) fjölda dýra í haldi af skráðum tegundum í stöðinni,
  - d) flokks dýra í haldi,
  - e) fyrirliggjandi skráninga varðandi framleiðslu, heilbrigði og rekjanleika dýra í haldi sem skipta máli fyrir rannsóknina,
  - f) tegundar stöðvar og búskaparháttar,
  - g) áhættustigs váhrifa:
    - i. hversu miklar líkur eru á váhrifum frá sjúkdómssvaldinum eða smitferjunni,
    - ii. ónæmi dýranna er ekki fyrir hendi vegna bólusetningar eða ónæmi frá móður og
    - iii. dvalarsaga í stöð,
  - h) annarra faraldsfræðilegra þátta sem skipta máli.
4. Lágmarksfjöldi dýra til skoðunar verður að vera í samræmi við leiðbeiningar lögbærs yfirvalds og viðkomandi viðbragðsáætlun eins og um getur í 43. gr. reglugerðar (ESB) 2016/429. Að því er varðar lágmarksfjölda dýra til skoðunar verður að taka tillit til sjúkdómssniðs og einkum:
  - a) hvaða algengis er vænst í stöðinni,
  - b) öryggisstigs sem stefnt er að í niðurstöðum rannsóknar sem má aldrei vera undir 95% og
  - c) alþjóðlegra staðla og tiltækra vísindalegra gagna.

**A.2 SÝNATAKA ÚR DÝRUM TIL RANNSÓKNA Á RANNSÓKNARSTOFU**

1. Við sýnatöku til rannsókna á rannsóknarstofu verður að taka tillit til niðurstöðu úr klínískum rannsóknum, sem um getur í lið A.1, og, ef mögulegt er, taka með þau dýr sem um getur í 1. lið í lið A.1.

2. Ef það eru engin greinileg merki um sjúkdóm eða vefjaskemmdir eftir dauða sem benda til sjúkdóma í A-flokki verður að taka sýni af handahófi í hverri faraldsfræðilegri einingu stöðvarinnar og þau verða að gera það kleift að greina sjúkdóminn ef hann er til staðar.
3. Dýr til sýnatöku, eðli sýna sem á að safna og aðferð við sýnatöku verða að vera í samræmi við leiðbeiningar lögbærs yfirvalds og viðkomandi viðbragðsáætlun eins og um getur í 43. gr. reglugerðar (ESB) 2016/429. Að því er varðar dýr til sýnatöku, eðli sýna sem á að safna og aðferð við sýnatöku verður að taka tillit til sjúkdómssniðs og viðmiðana sem settar eru fram í 3. lið í lið A.1.
4. Lágmarksfjöldi dýra til sýnatöku verður að vera í samræmi við leiðbeiningar lögbærs yfirvalds og viðkomandi viðbragðsáætlun eins og um getur í 43. gr. reglugerðar (ESB) 2016/429. Að því er varðar lágmarksfjölda dýra til sýnatöku verður að taka tillit til viðmiðana sem settar eru fram í 4. lið í lið A.1 og hæfni prófana sem eru notaðar.
5. Ef um er að ræða villt dýr verður að taka sýni úr dýrum sem eru felld, finnast dauð eða eru vísvitandi veidd í gildrum eða taka sýni á grundvelli aðferða sem eru ekki ífarandi, s.s. saltsteinar og nagreipi eða beita. Að því er varðar lágmarksfjölda og eðli sýna verður að taka tillit til áætlaðrar stærðar villta stofnsins og viðeigandi viðmiðana sem settar eru fram í 3. og 4. lið í lið A.1.

### A.3 SÝNATAKA Í STÖDVUM SEM Á AÐ HEIMSÆKJA

1. Val á stöðvum til sýnatöku og sýnatökuáferðin verða að vera í samræmi við leiðbeiningar lögbærs yfirvalds og viðkomandi viðbragðsáætlun eins og um getur í 43. gr. reglugerðar (ESB) 2016/429. Við val á stöðvum til sýnatöku og aðferð við sýnatöku verður að taka tillit til sjúkdómssniðs og viðmiðana sem settar eru fram í 3. lið í lið A.1.
2. Lágmarksfjöldi stöðva til að heimsækja verður að vera í samræmi við leiðbeiningar lögbærs yfirvalds og viðkomandi viðbragðsáætlun eins og um getur í 43. gr. reglugerðar (ESB) 2016/429.

### B. Greiningaraðferðir

Tækni, viðmiðunarefni, stöðlun þeirra og túlkun niðurstaðna úr prófunum sem eru gerðar með notkun viðeigandi aðferða til að greina sjúkdóma í A-flokki verða að vera í samræmi við 6. gr. og III. hluta VI. viðauka við framselda reglugerð (ESB) 2020/689.

Aðferðafræðin við greiningarnar verður að miða að því að hámarka næmi eftirlitsins. Við tilteknar aðstæður má þetta eftirlit fela í sér notkun rannsókna á rannsóknarstofu í því skyni að meta fyrri váhrif frá sjúkdómi.

### C. Flutningur sýna

1. Senda verður öll sýni, með tilhlýðilegum merkingum og auðkenningu, sem eru tekin til þess að staðfesta eða útiloka að sjúkdómur í A-flokki sé til staðar til opinberrar rannsóknarstofu sem hefur verið upplýst um komu þeirra. Með þessum sýnum verða að fylgja viðeigandi eyðublöð í samræmi við kröfur sem lögbært yfirvald og rannsóknarstofan sem tekur við sýnunum fastsetja. Þessi eyðublöð verða a.m.k. að innihalda:
  - a) upprunastöð dýranna sem sýnin voru tekin úr,
  - b) upplýsingar um tegund, aldur og flokk dýranna sem sýnin voru tekin úr,
  - c) sjúkrasögu dýranna, ef hún liggur fyrir og skiptir máli,
  - d) klínísk einkenni og niðurstöður úr skoðun eftir dauða og
  - e) allar aðrar viðeigandi upplýsingar.

2. Öll sýni verða að vera:
  - a) geymd í vatnspéttum og órjúfanlegum ílátum og pakkningum og í samræmi við viðeigandi alþjóðlega staðla,
  - b) geymd við heppilegasta hitastigið og önnur heppilegustu skilyrðin í flutningi, að teknu tilliti til þátta sem geta haft áhrif á gæði sýnanna.
3. Rita verður heimilisfang rannsóknarstofunnar, sem er viðtakandi sendingarinnar, á ytra borð umbúðanna og eftirfarandi tilkynning verður að sjást vel:

*„Meinafræðilegt sýni úr dýrum; hætt við skemmdum; viðkvæmt; opnast ekki utan viðtökurannsóknarstofunnar.“*
4. Upplýsa þarf einstaklinginn sem ber ábyrgðina í opinberu rannsóknarstofunni sem tekur við sýnunum í tæka tíð um komu sýnanna.

## II. VIÐAUKI

## VÖKTUNARTÍMI

(eins og um getur í 8., 17., 27., 32., 48., 57. og 59. gr. þessarar reglugerðar)

Sjúkdómar í A-flokki	Vöktunartími
Gin- og klaufaveiki (FMD)	21 dagur
Sýking af völdum nautapestarveiru (RP)	21 dagur
Sýking af völdum sigdalssóttarveiru (RVFV)	30 dagar
Sýking af völdum húðþrymlaveikiveiru (LSD)	28 dagar
Sýking af völdum <i>Mycoplasma mycoides</i> undirteg. <i>mycoides</i> SC (smitandi lungna- og brjóstthimnubólga í nautgripum) (CBPP)	45 dagar
Fjárnóbólusótt og geitabólusótt (SPGP)	21 dagur
Sýking af völdum fjárpestarveiru (PPR)	21 dagur
Geitakregða (CCPP)	45 dagar
Afríkuhrossapest (AHS)	14 dagar
Sýking af völdum <i>Burkholderia mallei</i> (sníf)	6 mánuðir
Svínapest (CSF)	15 dagar
Afríkusvínapest (ASF)	15 dagar
Alvarleg fuglainflúensa (HPAI)	21 dagur
Sýking af völdum Newcastle-veikiveiru (NCD)	21 dagur



## III. VIÐAUKI

**SKILYRÐI FYRIR TILTEKNUM UNÐANÞÁGUM FRÁ a-LIÐ 1. MGR. 12. GR. VARÐANDI DÝR AF HESTAÆTT**

(eins og um getur í 4. mgr. 13. gr.)

1. Ef um er að ræða uppkomu afríkuhrossapestar er lögbæru yfirvaldi heimilt að veita dýrum sem hafa orðið fyrir áhrifum og dýrum sem hafa ekki orðið fyrir áhrifum undanþágu frá a-lið 1. mgr. 12. gr. að því tilskildu að:
  - a) dýr sem hafa orðið fyrir áhrifum og falla undir undanþáguna séu sett í einangrun á smitferjuvörðu athafnasvæði þar sem komist er hjá útbreiðslu sjúkdómsvaldsins frá dýrunum til viðkomandi smitferja þangað til 40 dagar hafa liðið, sem samsvarar smittímabilinu sem er fastsett í viðkomandi kafla í heilbrigðisreglum Alþjóðadýraheilbrigðisstofnunarinnar um landdýr, eftir að dýrin komu inn á smitferjuvarða athafnasvæðið og
  - b) eftirlit, þ.m.t. rannsóknir á rannsóknarstofu ef nauðsyn krefur, sem lögbært yfirvald innir af hendi bendi til þess að ekkert af dýrunum á smitferjuvarða athafnasvæðinu skapi hættu á smiti af völdum veirunnar.
2. Ef um er að ræða uppkomu sýkingar af völdum *Burkholderia mallei* (sníf) er lögbæru yfirvaldi heimilt að veita dýrum sem hafa ekki orðið fyrir áhrifum undanþágu frá a-lið 1. mgr. 12. gr. að því tilskildu að dýrin sem falla undir undanþáguna séu í sóttkví þangað til:
  - a) dýr sem urðu fyrir áhrifum hafa verið aflífuð og þeim eytt,
  - b) lokið hefur verið við að hreinsa og sóthreinsa stöðina eftir aflífunina eins og kveðið er á um í 15. gr. og
  - c) dýr, sem eftir eru, eru sett í magnabindingarprófun, sem er framkvæmd með neikvæðri niðurstöðu, með sermiláun með 1:5 þynningu á sýnum sem eru tekin a.m.k. 6 mánuðum eftir hreinsunina og sóthreinsunina sem um getur í b-lið.

## IV. VIÐAUKI

**VERKLAG VIÐ HREINSUN, SÓTTBREINSUN OG, ÞEGAR NAUDSYN KREFUR, VARNIR GEGN SKORDÝRUM OG NAGDÝRUM**

(eins og um getur í 12., 15., 16., 39., 45. og 57. gr. þessarar reglugerðar)

**A. Almennar kröfur**

- Við val á sæfivörum og verklagi við hreinsunar- og sóttbreinsunarstarfsemi verður að taka tillit til:
  - orsakavalds sýkingar,
  - eðlis stöðva, ökutækja, hluta og efniviða sem á að meðhöndla og
  - gildandi löggjafar.
- Skilyrðin sem sæfivörurnar eru notaðar við verða að tryggja að virkni þeirra skerðist ekki. Einkum verður að virða tæknilega þætti sem framleiðandinn tilgreinir, s.s. þrýsting, hitastig, tilskilinn snertitíma eða geymslu. Ekki má tefla virkni sóttbreinsiefnisins í tvísýnu með víxlverkun við önnur efni.
- Komast verður hjá endurmengun hluta sem áður hafa verið hreinsaðir, einkum þegar þvegið er með vökvum undir þrýstingi.
- Vatni sem er notað við hreinsunarstarfsemi verður að safna saman og farga þannig að komist sé hjá allri áhættu á útbreiðslu sjúkdómsvalda í A-flokki.
- Nota verður sæfivörur á þann hátt að dregið sé eins og framast er unnt úr öllum neikvæðum áhrifum á umhverfið og á lýðheilsu sem kunna að koma fram við notkun þeirra.

**B. Bráðabirgðahreinsun og sóttbreinsun**

Að því er varðar bráðabirgðahreinsun og sóttbreinsun skv. 15. gr. til að komast hjá því að sjúkdómur í A-flokki breiðist út:

- verður að úða heila skrokka eða hluta dauðra dýra í haldi af skráðum tegundum með sóttbreinsiefnum og fjarlægja af stöðinni í lokuðum og lekapéttum ökutækjum eða flátum til vinnslu og förgunar,
- verður að safna vandlega saman og farga öllum vefjum eða blóði sem kann að hafa farið niður við aflífun, slátrun eða skoðun eftir dauða,
- verður, um leið og heilir skrokkar eða hlutar dauðra dýra í haldi af skráðum tegundum hafa verið fjarlægðir til vinnslu eða förgunar, að úða með sóttbreinsiefnum þá hluta stöðvarinnar þar sem þessi dýr voru í haldi og alla hluta annarra bygginga, yfirborðs eða búnaðar sem mengaðist við aflífun eða skoðun eftir dauða,
- verður að rennbleyta húsdýraáburð, þ.m.t. undirburður og notað undirburðarefni, vandlega með sóttbreinsiefni,
- verður sóttbreinsiefnið að vera á meðhöndlaða yfirborðinu í a.m.k. sólarhring,
- verður að eyða búnaði, flátum, áhöldum vegna neyslu, yfirborði eða sérhverjum efniviði, sem líklegt er að sé mengaður, eftir þvott og sóttbreinsun.

**C. Lokahreinsun og sóttbreinsun:**

Að því er varðar lokahreinsun og sóttbreinsun m.t.t. 57. gr.:

- Húsdýraáburð, þ.m.t. undirburður og notað undirburðarefni, verður að fjarlægja og meðhöndla sem hér segir:
  - húsdýraáburður í föstu formi, þ.m.t. undirburður og notað undirburðarefni, verður að fara í gegnum eitt af eftirtöldu:
    - gufumeðferð við a.m.k. 70 °C,
    - förgun með brennslu,

- iii. urðun á nægu dýpi til að koma í veg fyrir að dýr komist að honum eða
  - iv. honum er hrúgað saman svo að hitni í honum, sóttþreinsiefni úðað yfir og hann látinn liggja í a.m.k. 42 daga og á þeim tíma verður annaðhvort að byrgja hann eða endurstafla til að tryggja að öll lög fái hitameðhöndlun,
- b) fljótandi húsdýraáburður skal geymdur í a.m.k. 42 daga, í 60 daga ef um er að ræða alvarlega fuglainflúensu, eftir að smituðum efnivið er síðast bætt við.
2. Byggingar, yfirborð og búnað verður að þvo vandlega og hreinsa með því að fjarlægja fitu og óhreinindi sem eftir eru og úða með sóttþreinsiefnum.
  3. Eftir 7 daga verður að hreinsa og sóttþreinsa stöðvarnar aftur.
-

## V. VIÐAUKI

## LÁGMARKSRADÍUS VERNDAR- OG EFTIRLITSSVÆÐA

(eins og um getur í 21. gr. þessarar reglugerðar)

Gefið upp sem radíus hrings þar sem stöðin er miðjan

Sjúkdómar í A-flokki	Verndarsvæði	Eftirlitssvæði
Gin- og klaufaveiki	3 km	10 km
Sýking af völdum nautapestarveiru	3 km	10 km
Sýking af völdum sigdalssóttarveiru	20 km	50 km
Sýking af völdum húðþrymlaveikiveiru	20 km	50 km
Sýking af völdum <i>Mycoplasma mycoides</i> undirteg. <i>mycoides</i> SC (smitandi lungna- og brjóstthimnubólga í nautgripum)	Stöð	3 km
Fjárnókusótt og geitabólusótt	3 km	10 km
Sýking af völdum fjárpestarveiru	3 km	10 km
Geitakregða	Stöð	3 km
Afríkuhrossapest	100 km	150 km
Sýking af völdum <i>Burkholderia mallei</i> (sníf)	Stöð	Stöð
Svínapest	3 km	10 km
Afríkusvínapest	3 km	10 km
Alvarleg fuglainflúensa	3 km	10 km
Sýking af völdum Newcastle-veikiveiru	3 km	10 km

VI. VIÐAUKI

**BÖNN Á TAKMÖRKUNARSVÆÐI**

(eins og um getur í 27. gr. þessarar reglugerðar)

**Tafla:** Bönn við starfsemi sem varðar dýr af skráðum tegundum og afurðir úr þessum dýrum

BÖNN VIÐ STARFSEMI SEM VARÐAR DÝR OG AFURÐIR	FMD <sup>(1)</sup>	RP	RVFV	LSD	CBPP	SPGP	PPR	CCPP	CSF	ASF	AHS	SNÍF	HPAI	NCD
Tilflutningar á dýrum í haldi af skráðum tegundum frá stöðvum á takmörkunarsvæði	X	X	X	X	X	X	X	X	X	X	X	ÁEV	X	X
Tilflutningar á dýrum í haldi af skráðum tegundum til stöðva á takmörkunarsvæði	X	X	X	X	X	X	X	X	X	X	X	ÁEV	X	X
Endurnýjun veiðidýrastofna af skráðum tegundum	X	X	X	X	X	X	X	X	X	X	X	ÁEV	X	X
Kaupstefnur, markaðir, sýningar og aðrir viðburðir þar sem dýrum í haldi af skráðum tegundum er safnað saman, þ.m.t. söfnun og dreifing þessara tegunda	X	X	X	X	X	X	X	X	X	X	X	ÁEV	X	X
Tilflutningar á sæði, eggfrumum og fósturvísium úr dýrum í haldi af skráðum tegundum frá stöðvum á takmörkunarsvæði	X	X	X	X (*)	X	X	X	X	X	X	X	ÁEV	ÁEV	ÁEV
Söfnun á sæði, eggfrumum og fósturvísium úr dýrum í haldi af skráðum tegundum	X	X	X	X	X	X	X	X	X	X	EB	ÁEV	ÁEV	ÁEV
Farandsæðing dýra í haldi af skráðum tegundum	X	X	X	X	X	X	X	X	X	X	X	ÁEV	ÁEV	ÁEV
Náttúruleg óstaðbundin pörun dýra í haldi af skráðum tegundum	X	X	X	X	X	X	X	X	X	X	X	ÁEV	ÁEV	ÁEV
Tilflutningar á útgunareggjum frá stöðvum á takmörkunarsvæði	ÁEV	ÁEV	ÁEV	ÁEV	ÁEV	ÁEV	ÁEV	ÁEV	ÁEV	ÁEV	ÁEV	ÁEV	X	X
Tilflutningar á nýju kjöti að undanskildum sláturmat úr dýrum í haldi og villtum dýrum af skráðum tegundum frá sláturhúsum eða starfsstöðvum sem meðhöndla veiðidýr á takmörkunarsvæði	X	X	X	EB	EB	X	X	EB	X	X	EB	ÁEV	X	X

<sup>(1)</sup> Sjúkdómur skammstafaður í samræmi við II. viðauka.

ÁEV = á ekki við.

X = bann.

EB = ekki bannað.

(\*) einungis eggfrumur og fósturvísar.

BÖNN VIÐ STARFSEMI SEM VARÐAR DÝR OG AFURÐIR	FMD (1)	RP	RVFV	LSD	CBPP	SPGP	PPR	CCPP	CSF	ASF	AHS	SNIF	HPAI	NCD
Tilflutningar á sláturmat úr dýrum í haldi og villtum dýrum af skráðum tegundum frá sláturhúsum eða starfsstöðvum sem meðhöndla veiðidýr á takmörkunarsvæði	X	X	X	X	X	X	X	X	X	X	EB	ÁE V	X	X
Tilflutningar á kjötafurðum úr nýju kjöti af skráðum tegundum frá stöðvum á takmörkunarsvæði	X	X	X	EB	EB	EB	X	EB	X	X	EB	ÁE V	X	X
Tilflutningar á hrámjólk og broddi úr dýrum í haldi af skráðum tegundum frá stöðvum á takmörkunarsvæði	X	X	X	X	EB	X	X	EB	ÁE V	ÁE V	EB	ÁE V	ÁE V	ÁEV
Tilflutningar á mjólkurafurðum og afurðum, að stofni til úr broddi, frá stöðvum á takmörkunarsvæði	X	X	X	X	EB	X	X	EB	ÁE V	ÁE V	EB	ÁE V	ÁE V	ÁEV
Tilflutningar á eggjum til mannelis frá stöðvum á takmörkunarsvæði	ÁE V	ÁE V	ÁE V	ÁE V	ÁE V	ÁE V	ÁE V	ÁE V	ÁE V	ÁE V	ÁE V	ÁE V	X	X
Tilflutningar á húsdýraáburði, þ.m.t. undirburður og notað undirburðarefni, úr dýrum í haldi af skráðum tegundum frá stöðvum á takmörkunarsvæði	X	X	X	X	EB	X	X	EB	X	X	EB	ÁE V	X	X
Tilflutningur á húðum, skinnum, ull, burstum og fjöðrum af dýrum í haldi af skráðum tegundum frá stöðvum á takmörkunarsvæði	X	X	X	X	EB	X	X	EB	X	X	EB	ÁE V	X	X
Tilflutningur á fôðurefni úr jurtaríkinu og hálmí sem eru fengin á verndarsvæði (*)	X	X	EB	EB	EB	EB	EB	EB	EB	EB	EB	ÁE V	EB	EB

(\*) einungis eggfrumur og fósturvísar.

VII. VIÐAUKI

MEDHÖNDLANIR TIL AÐ DRAGA ÚR ÁHÆTTU VEGNA AFURÐA ÚR DÝRARÍKINU FRÁ TAKMÖRKUNARSVÆÐI

(eins og um getur í 27., 33. og 49. gr. þessarar reglugerðar)

Meðhöndlun	FMD (1)	RP	RVFV	LSD	CBPP	SPGP	PPR	CCPP	CSF	ASF	AHS	HPAI	NCD
<b>KJÖT</b>													
Hitameðhöndlun í loftþéttu fláti til að ná F <sub>0</sub> -gildi (2) sem er að lágmarki 3	x						X		X	X		X	X
Hitameðhöndlun til að ná kjarnahita sem nemur 80 °C	X						X		X	X		X	X
Hitameðhöndlun til að ná kjarnahita sem nemur 70 °C	X						X		X			X	X
Hitameðhöndlun (á kjöti sem hefur áður verið úrbeinað og fitusneytt) til að ná kjarnahita sem nemur 70 °C í a.m.k. 30 mínútur	X						X		X				
Í loftþéttu fláti við 60 °C í a.m.k. 4 klst.	X						X		X	X			
Kjarnahiti 73,9 °C í a.m.k. 0,51 sekúnda (3)	X											X	X
Kjarnahiti 70,0 °C í a.m.k. 3,5 sekúndur (3)												X	X
Kjarnahiti 65,0 °C í a.m.k. 42 sekúndur (3)												X	X
Kjarnahiti 60 °C í a.m.k. 507 sekúndur (3)												X	X
Hitameðhöndlun til að ná þurrkun með Aw-gildi sem nemur að hámarki 0,93 og pH-gildinu 6													
Hitameðhöndlun til að ná kjarnahita sem nemur 65 °C nógu lengi til að ná gerilsneyðingargildi sem er a.m.k. 40							X						

(1) Sjúkdómur skammstafaður í samræmi við II. viðauka.

(2) F<sub>0</sub> er sú virkni sem reiknað hefur verið út að drepi bakteríuþró. F<sub>0</sub>-gildið 3 þýðir að kaldasti partur afurðarinnar hafi hitnað nægilega til að drápsvirgni sé eins og við 121 °C (250 °F) á þremur mínútum með snöggri hitun og kælingu.

(3) Einungis fyrir alifuglakjöt.

Meðhöndlun	FMD (1)	RP	RVFV	LSD	CBPP	SPGP	PPR	CCPP	CSF	ASF	AHS	HPAI	NCD
Náttúruleg gerjun og meyrnun á kjöti með beini: a.m.k. 9 mánuðir til að ná Aw-gildi sem nemur að hámarki 0,93 og pH-gildinu 6	X								X				
Náttúruleg gerjun og meyrnun á úrbeinuðu kjöti: a.m.k. 9 mánuðir til að ná Aw-gildi sem nemur að hámarki 0,93 og pH-gildinu 6	X								X	X			
Náttúruleg gerjun á afturhryggjum: a.m.k. 140 dagar til að ná Aw-gildi sem nemur að hámarki 0,93 og pH-gildinu 6 (4)									X	X			
Náttúruleg gerjun á skinku: a.m.k. 190 dagar til að ná Aw-gildi sem nemur að hámarki 0,93 og pH-gildinu 6 (4)									X	X			
Þurrkun eftir söltun á skinku með beini að ítölskum sið: að lágmarki 313 dagar (4)									X				
Þurrkun eftir söltun á skinku með beini og afturhrygg að spænskum sið (4): — Íberíuskinka: að lágmarki 252 dagar — Íberíubógur: að lágmarki 140 dagar — Íberíuafturhryggur: að lágmarki 126 dagar — Serrano-skinka: að lágmarki 140 dagar	X								X	X			
Meyrnun skrokka við lágmarkshitastig sem nemur 2 °C í a.m.k. sólarhring eftir slátrun			X										
Fjarlæging sláturmatar				X	X			X					
<b>GARNIR</b>													
Söltun með natríumklóríði (NaCl), sem er annaðhvort þurr eða saltlögur (Aw-gildi < 0,80), samfellt í 30 daga eða lengur við umhverfishita sem nemur 20 °C eða meira.	X						X		X	X			
Söltun með fosfatbættu salti, 86,5% NaCl, 10,7% Na <sub>2</sub> HPO <sub>4</sub> og 2,8% Na <sub>3</sub> PO <sub>4</sub> , sem er annaðhvort þurr eða saltlögur (Aw-gildi < 0,80), samfellt í 30 daga eða lengur við umhverfishita sem nemur 20 °C eða meira.	X			SC (5)			X		X	X			
Söltun með natríumklóríði (NaCl) að lágmarki 30 dagar (6)													

(4) Einungis fyrir svín.

(5) Öruggrá.

(6) Ekki fyrir garnir úr nautgripum, sauðfé, geitum og svínum.



Meðhöndlun	FMD <sup>(1)</sup>	RP	RVFV	LSD	CBPP	SPGP	PPR	CCPP	CSF	ASF	AHS	HPAI	NCD
Bleiking <sup>(7)</sup>													
Þurrkun <sup>(7)</sup>													
<b>MJÓLK</b>													
Hitameðhöndlun (dauðhreinsunarferli) til að ná F <sub>0</sub> -gildi sem er að lágmarki 3	X												
Hitameðhöndlun (leifturhitun): Að lágmarki 132 °C í a.m.k. 1 sekúndu	X						X						
Hitameðhöndlun (leifturhitun): Að lágmarki 135 °C með hæfilegum tímamörkum	X												
Hitameðhöndlun (háhitagerilsneyðing) ef pH-gildi mjólkur er undir 7, a.m.k. 72 °C í a.m.k. 15 sekúndur	X						X						
Hitameðhöndlun (háhitagerilsneyðing) ef pH-gildi mjólkur er 7 eða hærra, a.m.k. 72 °C í a.m.k. 15 sekúndur, tvisvar sinnum	X				SC <sup>(8)</sup>		X	SC <sup>(8)</sup>					
Hitameðhöndlun (háhitagerilsneyðing) ásamt eðlisfræðilegri meðhöndlun til að ná pH-gildi undir 6 í a.m.k. 1 klst. eða til að ná a.m.k. 72 °C, ásamt þurrkun	X												
Gerilsneyðing í einni hitameðhöndlun með áhrifum sem eru a.m.k. jafngild þeim sem fást með því að nota 72 °C í 15 sekúndur	X		X	X									

<sup>(7)</sup> Öruggr vara.

<sup>(8)</sup> Ekki fyrir garnir úr nautgripum, sauðfé, geitum og svínum.

Meðhöndlun	HPAI	NCD
<p><b>EGG</b></p> <p>Hitameðhöndlun:</p> <ul style="list-style-type: none"> <li>— Heil egg: <ul style="list-style-type: none"> <li>— 60,0 °C – 188 sekúndur</li> <li>— füllelduð</li> </ul> </li> <li>— Blöndur úr heilum eggjum: <ul style="list-style-type: none"> <li>— 60 °C – 188 sekúndur</li> <li>— füllelduð</li> <li>— 61,1 °C – 94 sekúndur</li> </ul> </li> <li>— Fljótandi eggjahvíta: <ul style="list-style-type: none"> <li>— 55,6 °C – 870 sekúndur</li> <li>— 56,7 °C – 232 sekúndur</li> </ul> </li> <li>— Hrein eggjarauða: <ul style="list-style-type: none"> <li>— 60 °C – 288 sekúndur</li> </ul> </li> <li>— 10% söltuð eggjarauða: <ul style="list-style-type: none"> <li>— 62,2 °C – 138 sekúndur</li> </ul> </li> <li>— Þurrkuð eggjahvíta: <ul style="list-style-type: none"> <li>— 67 °C – 20 klst.</li> <li>— 54,4 °C – 50,4 klst.</li> <li>— 51,7 °C – 73,2 klst.</li> </ul> </li> </ul>	X	
<p>Hitameðhöndlun:</p> <ul style="list-style-type: none"> <li>— Heil egg: <ul style="list-style-type: none"> <li>— 55 °C – 2 521 sekúnda</li> <li>— 57 °C – 1 596 sekúndur</li> <li>— 59 °C – 674 sekúndur</li> <li>— füllelduð</li> </ul> </li> <li>— Fljótandi eggjahvíta: <ul style="list-style-type: none"> <li>— 55 °C – 2 278 sekúndur</li> <li>— 57 °C – 986 sekúndur</li> <li>— 59 °C – 301 sekúndur</li> </ul> </li> <li>— 10% söltuð eggjarauða: <ul style="list-style-type: none"> <li>— 55 °C – 176 sekúndur</li> </ul> </li> <li>— Þurrkuð eggjahvíta: <ul style="list-style-type: none"> <li>— 57 °C – 54,0 klst.</li> </ul> </li> </ul>		X

## VIII. VIÐAUKI

**MEÐHÖNDLANIR TIL AÐ DRAGA ÚR ÁHÆTTU VEGNA AFURÐA, SEM ERU EKKI ÚR DÝRARÍKINU, FRÁ  
VERNDARSVÆÐI**

(eins og um getur í 36. og 52. gr. þessarar reglugerðar)

Meðhöndlun	FMD <sup>(1)</sup>	RP
Hítameðhöndlun, lágmarkshitastig 80 °C í a.m.k. 10 mínútur, gufa í lokuðum klefa	X	X
Geymsla í pakkningum eða böllum undir skýli á athafnasvæðum sem eru í 2 km fjarlægð eða meira frá næstu uppkomu og þær mega ekki fara af athafnasvæðinu fyrr en a.m.k. 3 mánuðir eru liðnir frá því að hreinsun og sóttgreinsun skv. 15. gr. var lokið.	X	X

<sup>(1)</sup> Sjúkdómur skammstafaður í samræmi við II. viðauka.

## IX. VIÐAUKI

**MERKINGAR Á NÝJU KJÖTI FRÁ VERNDARSVÆÐI**

(eins og um getur í 33. og 49. gr. þessarar reglugerðar)

1. Merki sem á að setja á nýtt kjöt af alifuglum, sem er upprunið á verndarsvæði og ekki ætlað til annars aðildarríkis skv. b-lið 1. mgr. 33. gr., verður að uppfylla eftirfarandi:
  - a) Lögun og innihald:

„XY“ merkir viðkomandi landskóði sem kveðið er á um í 6. lið B-hluta I. þáttar II. viðauka við reglugerð (EB) nr. 853/2004 og „1234“ merkir samþykkisnúmer stöðvarinnar sem um getur í 7. lið B-hluta I. þáttar II. viðauka við reglugerð (EB) nr. 853/2004.
  - b) Mál:
    - „XY“ breidd 8 mm
    - „1234“ breidd 11 mm
    - breidd ytra þvermáls a.m.k. 30 mm
    - þykkt línu í ferhyrningi 3 mm.
2. Merki sem á að setja á nýtt kjöt, sem er ætlað til meðhöndlunar í vinnslustöð skv. a-lið 2. mgr. 33. gr., skal samanstanda af:
  - a) auðkennismerki, sem kveðið er á um í reglugerð (EB) nr. 853/2004, með skásettum krossi, sem er samsettur úr tveimur beinum línunum sem skerast í miðju merkinu, og verða upplýsingarnar á merkinu eftir sem áður að vera læsilegar eða
  - b) einum sporöskjulaga stimpli, 6,5 cm á breidd og 4,5 cm á hæð, þar sem eftirfarandi upplýsingar verða að koma fram með læsilegum stöfum:
    - á efri hlutanum: fullt heiti eða ISO-kóði aðildarríkisins með hástöfum,
    - í miðjunni: samþykkisnúmer sláturhússins,
    - á neðri hlutanum: ein af eftirfarandi hástafasamstæðum CE, EC, EF, EG, EK, EY, EO, ES, EU, EB, WE eða EZ,
    - tvær beinar línur sem skerast í miðjum stimplinum, þannig að eftir sem áður séu upplýsingarnar greinilegar,
    - bókstafirnir verða að vera a.m.k. 0,8 cm á hæð og tölustafirnir a.m.k. 1 cm á hæð.

## X. VIÐAUKI

## TÍMALENGD RÁÐSTAFANA Á VERNDARSVÆÐI

(eins og um getur í 39. gr. þessarar reglugerðar)

Sjúkdómar í A-flokki	Lágmarkstími sem ráðstafanir á verndarsvæði standa yfir (1. mgr. 39. gr.)	Viðbótartími sem eftirlitsráðstafanir á verndarsvæði standa yfir (3. mgr. 39. gr.)
Gin- og klaufaveiki	15 dagar	15 dagar
Sýking af völdum nautapestarveiru	21 dagur	9 dagar
Sýking af völdum sigdalssóttarveiru	30 dagar	15 dagar
Sýking af völdum húðþrymlaveikiveiru	28 dagar	17 dagar
Sýking af völdum <i>Mycoplasma mycoides</i> undirteg. <i>mycoides</i> SC (smitandi lungna- og brjóstthimnubólga í nautgripum)	45 dagar	Á ekki við
Fjárnábolusótt og geitabólusótt	21 dagur	9 dagar
Sýking af völdum fjárpestarveiru	21 dagur	9 dagar
Geitakregða	45 dagar	Á ekki við
Afríkuhrossapest	12 mánuðir	Á ekki við
Sýking af völdum <i>Burkholderia mallei</i> (sníf)	6 mánuðir	Á ekki við
Svínapest	15 dagar	15 dagar
Afríkusvínapest	15 dagar	15 dagar
Alvarleg fuglainflúensa	21 dagur	9 dagar
Sýking af völdum Newcastle-veikiveiru	21 dagur	9 dagar

## XI. VIÐAUKI

## TÍMALENGD RÁÐSTAFANA Á EFTIRLITSSVÆÐI

(eins og um getur í 55. og 56. gr. þessarar reglugerðar)

Sjúkdómar í A-flokki	Lágmarkstími sem ráðstafanir á eftirlitssvæði standa yfir
Gin- og klaufaveiki	30 dagar
Sýking af völdum nautapestarveiru	30 dagar
Sýking af völdum sigdalssóttarveiru	45 dagar
Sýking af völdum húðþrymlaveikiveiru	45 dagar
Sýking af völdum <i>Mycoplasma mycoides</i> undirteg. <i>mycoides</i> SC (smitandi lungna- og brjósthimnubólga í nautgripum)	45 dagar
Fjárnólusótt og geitabólusótt	30 dagar
Sýking af völdum fjárpestarveiru	30 dagar
Geitakregða	45 dagar
Afríkuhrossapest	12 mánuðir
Sýking af völdum <i>Burkholderia mallei</i> (sníf)	Á ekki við
Svínapest	30 dagar
Afríkusvínapest	30 dagar
Alvarleg fuglainflúensa	30 dagar
Sýking af völdum Newcastle-veikiveiru	30 dagar

## XII. VIÐAUKI

## SÝNATÖKUADFERÐIR OG AÐFERÐIR TIL AÐ GREINA SJÚKDÓMA Í A-FLOKKI Í LAGARDÝRUM

## 1. Eftirfarandi verklag gildir um klínískra rannsókn og sýnatöku:

## a) Klínísk rannsókn og sýnataka vegna rannsókna á rannsóknarstofu verða að taka til:

- i. lagareldisdýra af skráðum tegundum sem sýna klínísk einkenni um viðkomandi sjúkdóm í A-flokki og
- ii. lagareldisdýra sem líklegt er að hafi drepist nýlega úr sjúkdómi í A-flokki sem grunur leikur á um/er staðfestur og
- iii. lagareldisdýra með faraldsfræðileg tengsl við tilvik þar sem grunur leikur á um sjúkdóm í A-flokki eða staðfest tilvik.

## b) Lágmarksfjöldi sýna sem skal taka er:

Tegund dýra	Sviðsmynd			
	Tilkynnt um fjölgun dauðsfalla	Aðflutningur sýkra dýra	Einkenni eftir dauða eða klínísk einkenni sem koma í ljós	Grunur sem byggist á öðrum aðstæðum
Lindýr (allt dýrið)	30	30	—	150
Krabbadýr	10	—	10	150
Fiskur	—	—	10	30

## c) Eftirfarandi viðbótarviðmiðanir gilda um sýnatöku úr lindýrum:

- i. velja verður dýr til sýnatöku sem grunur leikur á um að séu sýkt. Ef skráðar tegundir eru til staðar í dýrastofninum sem liggur undir grun verður að velja þær til sýnatöku,
- ii. ef veikburða lindýr, lindýr með opna skel eða nýlega dauð en ekki rotnandi lindýr eru til staðar skal velja þau fyrst. Ef slík lindýr eru ekki til staðar verða elstu heilbrigðu lindýrin að vera í hópi þeirra sem eru valin,
- iii. ef stöðin notar fleiri en eitt vatnsból við lindýraframleiðslu verða lindýr úr öllum vatnsbólum að vera í hópi þeirra sem sýni er tekið úr til að tryggja að í sýninu séu dýr sem dreifast jafnt á alla hluta stöðvarinnar,
- iv. þegar sýni er tekið úr hóp af lindýraeldisstöðvum þar sem faraldsfræðileg staða virðist vera nákvæmlega eins verður sýnið að innihalda lindýr úr dæmigerðu úrtaki úr sýnatökustöðunum.

Helstu þættir sem verður að hafa í huga þegar þessir sýnatökustaðir eru valdir eru þéttleiki, vatnsstraumar, hvort skráðar tegundir eru til staðar, bæði næmar tegundir og tegundir smitferja, dýptarmælingar og starfsvenjur. Taka verður náttúrulega vaxtarstaði innan lindýraeldisstöðvanna eða aðliggjandi þeim með í sýnið.

## d) Eftirfarandi viðbótarviðmiðanir eiga við um sýnatöku úr krabbadýrum:

- i. ef veikburða eða deyjandi krabbadýr af skráðum tegundum eru til staðar í framleiðslueiningunum verður að velja þessi krabbadýr fyrst. Ef slík dýr eru ekki til staðar verða krabbadýr úr mismunandi árgöngum að vera í hópi þeirra sem sýni er tekið úr til að tryggja jafna dreifingu í sýninu.
- ii. ef fleiri en eitt vatnsból er notað við krabbadýraframleiðslu verða krabbadýr af skráðum tegundum úr öllum vatnsbólum að vera í hópi þeirra sem sýni er tekið úr til að tryggja að í sýninu séu dýr sem dreifast jafnt á alla hluta stöðvarinnar,
- iii. þegar gerð er krafa um sýnatökur úr villtum stofnum dýra af skráðum tegundum skv. a-lið 102. gr. þessarar reglugerðar verður að ákveða fjölda og landfræðilega dreifingu sýnatökustaðanna á þann hátt að það tryggi eðlilega yfirferð yfir svæðið þar sem grunur leikur á um sýkingu.

Sýnatökustaðirnir verða að vera dæmigerðir fyrir mismunandi vistkerfi þar sem villtir stofnar dýra af smitnæmum tegundum eru staðsettir, s.s. í sjó, ármynnum, ám og vötnum.

- e) Eftirfarandi viðbótarviðmiðanir eiga við um sýnatöku úr fiski:
- i. ef veikburða fiskur, fiskur sem sýnir óeðlilegt atferli eða nýlega dauður en ekki rotnandi fiskur er til staðar verður að velja þennan fisk. Ef slík dýr eru ekki til staðar verða fiskar af skráðum tegundum, sem tilheyra mismunandi árgöngum, að vera í hópi þeirra sem sýni er tekið úr til að tryggja jafna dreifingu í sýninu.
  - ii. ef fleiri en eitt vatnsból er notað við framleiðslu á fiski verða skráðar tegundir úr öllum vatnsbólum að vera í hópi þeirra sem sýni er tekið úr til að tryggja að í sýninu séu fiskar sem dreifast jafnt á alla hluta stöðvarinnar,
  - iii. ef regnbogasilungur (*Onchorynchus mykiss*) eða aborri (*Perca fluviatilis*) eru til staðar má velja einungis fiska af þessum tegundum til sýnatöku. Ef hvorki regnbogasilungur né aborri eru til staðar verður sýnið að vera dæmigert fyrir allar aðrar skráðar tegundir sem eru til staðar samkvæmt viðmiðuninum í a- til d-lið,
  - iv. þegar gerð er krafa um sýnatökur úr villtum stofnum dýra af skráðum tegundum skv. a-lið 102. gr. þessarar reglugerðar verður að ákveða fjölda og landfræðilega dreifingu sýnatökustaðanna á þann hátt að það tryggi eðlilega yfirferð yfir svæðið þar sem grunur leikur á um sýkingu.
- Sýnatökustaðirnir verða einnig að vera dæmigerðir fyrir mismunandi vistkerfi þar sem villtir stofnar dýra af smitnæmum tegundum eru staðsettir, s.s. í sjó, ármynnum, ám og vötnum,
- f) val á líffærum til sýnatöku, undirbúningur, geymsla og sending sýnanna á rannsóknarstofuna verður að fara fram í samræmi við ráðleggingar tilvísunarrannsóknarstofu Evrópusambandsins fyrir viðkomandi sjúkdóm.
2. Rannsaka verður sýni á rannsóknarstofu með því að nota greiningaraðferðir og verklag sem tilvísunarrannsóknarstofa Evrópusambandsins fyrir viðkomandi sjúkdóm samþykkir.
-



## XIII. VIÐAUKI

## LÁGMARKSTÍMI REKSTRARHVÍLDAR Í LAGARELDISSTÖÐVUM SEM Hafa ORÐIÐ FYRIR ÁHRIFUM

Tímabil fyrir rekstrarhvíldina sem kveðið er á um í 81. gr. og samstilltu rekstrarhvíldina sem kveðið er á um í 4. og 5. mgr. 96. gr. þessarar reglugerðar.

Sjúkdómur í A-flokki	Lágmarkstími rekstrarhvíldar í stöð sem hefur orðið fyrir áhrifum	Lágmarkstími samstilltrar rekstrarhvíldar í stöðvum sem hafa orðið fyrir áhrifum á sama verndarsvæði	Viðbótarkröfur
Sýking af völdum <i>Microcytos mackini</i>	6 mánuðir	4 vikur	Verður að taka til kaldasta tímabilsins á árinu
Sýking af völdum perkinsveikisýkils ( <i>Perkinsus marinus</i> )	6 mánuðir	4 vikur	Verður að taka til heitasta tímabilsins á árinu
Sýking af völdum rauðhalaveiru	6 vikur	4 vikur	Verður að taka til heitasta tímabilsins á árinu
Sýking af völdum gulhöfðaveikiveiru	6 vikur	3 vikur	Verður að taka til heitasta tímabilsins á árinu
Blóðmyndandi drep	8 vikur	4 vikur	Verður að taka til heitasta tímabilsins á árinu

## XIV. VIÐAUKI

## VIÐMIÐANIR TIL AÐ FASTSETJA TAKMÖRKUNARSVÆÐI AÐ ÞVÍ ER VARÐAR SJÚKDÓMA Í A-FLOKKI Í LAGARDÝRUM

1. Takmörkunarsvæði, eins og um getur í 85. gr., verður að skilgreina í hverju tilviki fyrir sig að teknu tilliti til a.m.k. eftirfarandi þátta:
  - a) uppsafnaðs fjölda, uppsafnaðs hundraðshluta og dreifingar dauðsfalla hjá lindýrum/krabbadýrum/fiski í stöð eða í hópi eldisstöðva sem er sýktur af sjúkdómi í A-flokki,
  - b) upplýsinga sem skipta máli varðandi tilflutninga til og frá sýktu stöðinni eða stöðvunum,
  - c) fjarlægðar til nærliggjandi stöðva og þéttleika þeirra,
  - d) hvort villt lagardýr eru til staðar,
  - e) hvers konar vitneskju sem varðar dauðsföll, tilvik þar sem grunur vaknar eða uppkomur í villtum lagardýrum vegna sjúkdóms í A-flokki eða gætu tengst honum,
  - f) nálægðar við vinnslustöðvar og tegundir sem eru til staðar á þessum stöðvum, einkum að því er varðar skráðar tegundir,
  - g) starfsvenja í eldi sem eru við lýði í stöðvum sem hafa orðið fyrir áhrifum og nærliggjandi stöðvum,
  - h) straumfræðilegra skilyrða og annarra sanngreindra þátta sem skipta máli faraldsfræðilega séð.
2. Við landfræðilega afmörkun verndar- og eftirlitssvæða vegna sjúkdóma í A-flokki sem hafa áhrif á lindýr og krabbadýr gilda eftirfarandi lágmarkskröfur:
  - a) koma verður verndarsvæðinu upp í næsta nágrenni við stöð eða hóp eldisstöðva sem staðfest hefur verið opinberlega að sé sýktur af sjúkdómi í A-flokki og það verður að samsvara svæði sem er ákvarðað samkvæmt viðeigandi straumfræðilegum og faraldsfræðilegum gögnum,
  - b) koma verður eftirlitssvæðinu upp utan við verndarsvæðið og það verður að samsvara svæði umhverfis verndarsvæðið sem er ákvarðað samkvæmt viðeigandi straumfræðilegum og faraldsfræðilegum gögnum.
3. Við landfræðilega afmörkun verndar- og eftirlitssvæða vegna sjúkdóma í A-flokki sem hafa áhrif á fisk gilda eftirfarandi lágmarkskröfur:
  - a) Koma verður verndarsvæðinu upp umhverfis stöð þar sem *Epizootic hematopoietic necrosis* (EHN-veiki) hefur verið staðfest. Þetta svæði skal samsvara:
    - i. á strandsvæðum: svæði innan hrings með radíus sem svarar a.m.k til hreyfingar sjávarfalla eða er a.m.k. 5 km, eftir því hvort er stærra, með miðpunkt í stöð þar sem EHN-veiki hefur verið opinberlega staðfest, eða samsvarandi svæði sem er ákvarðað samkvæmt viðeigandi straumfræðilegum eða faraldsfræðilegum gögnum,
    - ii. á svæðum á landi: vatnasviði stöðvarinnar í heild sinni þar sem EHN-veiki hefur verið opinberlega staðfest. Lögbæru yfirvaldi er heimilt að takmarka rýmkun svæðisins þannig að það nái til hluta af vatnasviðinu eða af svæði stöðvarinnar að því tilskildu að þetta tefli því ekki í tvísýnu að koma í veg fyrir útbreiðslu sjúkdómsins.
  - b) Lögbært yfirvald verður að koma eftirlitssvæðinu upp utan verndarsvæðisins og það verður að:
    - i. á strandsvæðum: svara til svæðis umhverfis verndarsvæði sem nær yfir hreyfingar sjávarfalla, eða svæðis umhverfis verndarsvæði og innan hrings með radíus sem nær 10 km út frá miðju verndarsvæðisins, eða samsvarandi svæðis ákvarðað samkvæmt viðeigandi straumfræðilegum eða faraldsfræðilegum gögnum,
    - ii. á svæðum á landi: vera útvíkkað svæði utan fastsetts verndarsvæðis.

## XV. VIÐAUKI

## EFTIRLITSÁÆTLUN OG TÍMALENGD VARNARRÁÐSTAFANA Á EFTIRLITSSVÆÐI VEGNA SJÚKDÓMA Í A-FLOKKI Í LAGARELDISDÝRUM

(eins og um getur í 98. og 101. gr. þessarar reglugerðar)

## 1. Eftirlitsáætlun

Stöðvar og hópargareldisstöðva sem eru með skráðar tegundir í haldi innan eftirlitssvæðis verða að vera undir eftirliti, eins og kveðið er á um í 98. gr., til að fylgjast með sýkingu af völdum viðkomandi sjúkdóms í A-flokki. Þetta eftirlit verður að ná yfir heilbrigðisheimsóknir, þ.m.t. sýnatöku frá framleiðslueiningum. Þessar heimsóknir verður lögbært yfirvald að inna af hendi í samræmi við töflur 1 og 2.

Viðmiðanirnar sem settar eru fram í 1. lið XII. viðauka, eins og við á fyrir tegundirnar, gilda um sýnatöku.

Tafla 1

**Áætlun um eftirlit sem samanstendur af heilbrigðisheimsóknum og sýnatöku í stöðvum og hópum af stöðvum vegna sjúkdóma í A-flokki í lagardýrum, að undanskilinni EHN-veiki**

Sjúkdómur í A-flokki	Fjöldi heilbrigðisheimsókna á ári	Fjöldi rannsókna á rannsóknarstofu á ári	Fjöldi dýra í sýninu	Tímabil ársins til sýnatöku	Dvalartímabil dýra sem sýni var tekið úr í stöðinni
Sýking af völdum <i>Microcytos mackini</i>	1	1	150	Þegar vitað er að algengi sýkingar er mest eða í apríl–maí, eftir 3-4 mánaða tímabil þegar hitastig sjávar er undir 10 °C.	4 mánuðir
Sýking af völdum perkinsveikisýkils ( <i>Perkinsus marinus</i> )	1	1	150	Þegar vitað er að algengi sýkingar er mest eða í september, október eða nóvember.	4 mánuðir
Sýking af völdum rauðhala-veiru	2	2	150	Á því tímabili ársins þegar líklegt er að vatnshitastigið nái hæsta gildi ársins	2 mánuðir
Sýking af völdum gulhöfða-veikiveiru	2	2	150	Á því tímabili ársins þegar líklegt er að vatnshitastigið nái hæsta gildi ársins	2 mánuðir

Tafla 2

**Sértæk áætlun um eftirlit sem samanstendur af heilbrigðisheimsóknum og sýnatöku í stöðvum vegna EHN-veiki í lagardýrum <sup>(1)</sup>**

Tegund stöðvar	Fjöldi heilbrigðisskoðana á ári (2 ár)	Fjöldi sýnataka á ári (2 ár)	Fjöldi fiska í sýninu	
			Fjöldi fiska í vexti	Fjöldi fiska í undaneldisstofni <sup>(2)</sup>
a) Stöðvar með fisk til undaneldis	2	2	150 (fyrsta og önnur skoðun)	150 (fyrsta eða önnur skoðun)
b) Stöðvar eingöngu með fisk til undaneldis	2	1	0	150 <sup>(2)</sup> (fyrsta eða önnur skoðun)
c) Stöðvar án fiska til undaneldis	2	2	150 (fyrsta og önnur skoðun)	0

Hámarksfjöldi fiska í samsettu sýni: 10

<sup>(1)</sup> Taka sýna úr fiskum til rannsókna á rannsóknarstofu verður að fara fram þegar vatnshitinn er á bilinu 11 til 20 °C. Krafa um vatnshitastig verður einnig að gilda um heilbrigðisskoðanir. Í stöðvum þar sem vatnshitinn nær ekki 11 °C á árinu verða sýnataka og heilbrigðisskoðanir að fara fram þegar vatnshitastigið er hæst.

<sup>(2)</sup> Sýni úr fiski til undaneldis mega ekki innihalda vökva úr kynkirtlum, svilum eða hrognum þar eð engar sannanir eru fyrir því að EHN-veiki valdi æxlunarfarasykingu.

**2. Tímalengd varnarráðstafana á eftirlitssvæði**

Sjúkdómur í A-flokki	Lágmarkstími eftirlits
Sýking af völdum <i>Microcytos mackini</i>	3 ár
Sýking af völdum perkinsveikisýkils ( <i>Perkinsus marinus</i> )	3 ár
Sýking af völdum rauðhalaveiru	2 ár
Sýking af völdum gulhöfðaveikiveiru	2 ár
<i>Blóðmyndandi drep</i>	2 ár

Ef eftirlitstímabilið er liðið og engar nýjar sýkingar af völdum viðkomandi sjúkdóms í A-flokki hafa komið í ljós verður að aflétta ráðstöfunum á eftirlitssvæðinu eins og kveðið er á um í 101. gr. þessarar reglugerðar.